

Recolene #1

LUSUS
POETICI
ALLEGORICI,

SIVE

ELEGIÆ OBLECTANDIS

ANIMIS, ET MORIBUS
INFORMANDIS ACCOMMODATÆ.

In tres Libros, aut Decurias tributa.

Autore P. PETRO JUSTO SAUTEL,
Societatis J E S U.




PARISIIS,

Apud Fratres BARBOU, viâ Jacobea propè
fontem S. Benedicti sub Ciconiis.

M. D C C. X X V.

Cum Approbatione & Privilegio Regis.





AD ILLUSTRISSIMUM
 NOBILISSIMUMQUE VIRUM BIBLIOTHECA
ROMANA
VITTONI EMANUELE
 HENRICUM LUDOVICUM
 HABERTUM
 MONMORIUM
 LIBELLORUM
 SUPPLICUM MAGISTRUM.



U U T etiam doctis sua fata laboribus,
 & nox
 Atra premit clarâ carmina digna die.
 Nec mirum, quando gens Phœbo ad-
 dicta Poëtæ

Magnorum fugimus tecta superba Virûm :
 Varia nec ambimus stolidæ suffragia plebis ,
 Contenti Aonio scribere grata choro.
 Pressa diû tamen emergit post funera Virtus
 Clarior, & meritum jam suus ambit honos.
 Phœbus & ipse suos longâ qui nocte poëtas
 Eximat , insignem suscitât usque Virum.
 Tu Vir hic es, per quem Elysij SAUTELLUS in arvis
 Cœlo conspicuum tollit , HABERTÆ, caput.
 Inter & eximios gaudet quo vindice Vates
 Et tua nitidas cingere fronde comas.



Haud humiles Vatum consecraturæ Camenas
 Pendet ab arbitrio gloria quippe tuo.
 Nec porro quisquam cettet tibi versibus æquis
 Regis in æternos ferre tropæa dies.
 Sive canes teneræ quos ille eliserit angues,
 Qualia contuderit quantaque monstra manu.
 Quas acies, quæ castra Virum turbaverit, & quàm
 Addiderit Regnis oppida multa suis.
 Seu potius referes ut parta pace reducat
 Ille idem populis aurea sæcla suis:
 Ut curas adimat jucundo lumine qualis
 Phœbus, & immensas undique fundat opes;
 Pierijs ut ade Te cloris amet, aurea de Etis
 Vatribus & largà spargere dona manu.
 Utque parans alni locupletes rursus honorum
 Externâ populos merce beare suos,
 Centum navigijs jam nunc penetrabit & Indi
 Divitis Eoas, occiduâsque domos.
 Quidquid oderis Arabs, quidquid Panchaia fa-
 dat,
 Quidquid opum magnus condit & Oceanus,
 Unde reporter ovans, populos & spargat in om-
 nes,
 Nil veritus magno naufraga saxa mari.
 Equoreus proprium cui Jupiter ipse Triden-
 tem
 Ferre dat, & tumicis imperitare fretis.
 Fit tibi mens centum varias, HENRICE, per artes
 Mel confecturæ more vagatur apis.
 Nunc nitidos per prata juvat parnassia flores
 Carpentem artificei texere festa manu.
 Nunc Sophiæ spissis solum te condere lucis,
 Naturæ arcanum dum meditaris opus:
 Qua faciat lætas, segetes, qua mitia poma
 Sol face, Pæstanas purpuret unde rosas.
 Quove sub axe, quis & fuerit, quamvisve Comætes
 De quo tam varium tot retulere sophi.

Quoque super , pridem quaesitum oracula , toto
 Docta caterva tuam tendit ab orbe domum ,
 Mille domum tabulis lætam spirantibus , & quæ
 Cecropiæ condit munera mille Deæ.
 Sed magis illustrat tanti quam didita terris
 Hospitis & pietas , & sine labe fides.
 Felix ! ô nimium S A V T E L L I pagina felix !
 Quæ sibi præscripsit Nomen , H A B E R T E ,
 tuum.

INSTITUTUM OPERIS.

AD LECTOREM POETAM.

HÆc ego , quæ facili Juvenis modulabar
 avari

Carmina, Pieriis sponte voluta jugis.
 Æternis (fateor) condi potuere tenebris ,
 Aut olidis tradi piscibus esse togas.
 Impediit pietas ; cum jam lacerare pararet
 Pignora , Medææ more , noverca manus.
 Parcite , vos , quos nulla juvant nisi seria , Vates :
 Si Natis voluit parere patris amor.
 Sed tamen exiguo damus otia nostra labori ;
 Currit & in tenui pulvere noster equus.
 Dúmque aliæ medio luctantur in æquore naves ;
 Ludit in angusto cybula nostra mari.
 Non semper gravibus tractanda negotia curis ,
 Alternoque juvat mista labore quies.
 Equor inæquales cessant vexare procelle ,
 Paxque , catenato Marte , quæta redit.
 Ille , decus Grajûm , cutru prius actus ovanti ,
 Ductor arundineo currere gaudet e quo.

Ludiera Divino quondam placuere Maroni,
Materiesque culex parvulus ampla fuit.
Quisque Virum, quisque arma canit, Trojaque
ruinam,
Sumitur huic posita lenis avena tuba.

Magnanimosque Duces, totiusque ordine
gentis

Mores, & levium praelia cantat apum.
Et tibi, quem tanto parit incluta Bilbilis ortu,
Materiem lepidi carminis Ilsa dedit.
Passeris inferias molli canit ore Catullus,
Et tua fata, loquax Psittace, Naso dolet.
Quid moror in parvis? majora exempla sequamur;

Quod decuit Superos, quis sibi turpe putet?
Sape solent Musæ, plectro, citharæque relictis,
Pactilibus violas impicuisse rosis.

Et quibus annosæ crescunt sacra robora sylvæ;

His quoque numinibus grata Myrica viret.

Ipse D E U S Vatum disco cettabat Apollo,

Fatidico sortes qui prius ore dedit.

Exutoque Deo, cannaque instructus agresti,

Ludebat tacitas Dux gregis inter oves.

Nos quoque cum reliquis fas sit luisse Poëtis,

Fas quoque sit Claris ludere more Dei.

Et quibus informet mores studiosa juvenus,

Innocuos chartis inseruisse sales.

Ludimus, & gracili modulamur arundine carmen.

Quod facilis nullâ condidit arte labor.

Sed tamen utilibus miscemus dulcia; Punctum,

Utile qui duci miscuit, omne tulit.



LUSUS
P O E T I C I
ALLEGORICI

SIVE

ELEGIÆ OBLECTANDIS
ANIMIS ET MORIBUS
INFORMANDIS ACCOMMODATÆ.

In tres Libros aut Decurias Tributa.

LIBER PRIMUS.

MUSCA

IN LACTE NAUFRAGA.

Ludus Allegoricus.

ELEGIA PRIMA.



ULXERAT à pastu reduces Gál-
latæa capellas.

Alternâ pressans ubera plena manu.
Iamq; coronatis fluitanti nectare labris,
Spumabat liquidâ fictilis urna nive.

Ausa per æreas volitare licentiùs auras,

A iiiij

2 LUSUS ALLEGORICI

Musca vider posito pura fluente cado.
 Et celeri (nam fata trahunt) ruit acta volatu,
 Subdola blanditiis quò vocat esca suis.
 Verte fugam , quò Musca volas ignara pericli ?
 Hac tibi, ni revoles , causa doloris erit.
 Ne blando ne crede nimis secura colori ;
 Namque sub hoc latitat saepe colore dolus.
 Credula flecte viam, versisque relabere pennis ;
 Sin minus , ipsa tui funeris autor eris.
 Nam solido rata posse pedes imponere fundo ,
 Lapsa cades, nec,quo sustinearis, erit.
 Nil ago : nam nisi pellecta cupidine lactis,
 Pergit quò prima cœperat ire viâ.
 Accedit, sensimque leves delapsa per auras ,
 Ponit in ignoto cruscula fessa vado.
 Vix bene lac tetigit , cum se subsidere sensit.
 Et niveo pennas rore madere graves.
 Ter celerem molita fugam , ter inutilis hæsit
 l'entia , ter officio desuit ala suo.
 Nare parat (quid amor vitæ non possit ?) at expes-
 Nesciit ignaros arte movere pedes.
 Ut volucris tentans stupas exire morantes ,
 Incidit in teretes dum male-cauta plagas:
 Quò magis obluatur agens abrumpere nodos ,
 Séque improvisis expediisse dolis :
 Hoc sese intricat , multoque tenaciùs hæret ,
 Et laqueo collum proximior ligat.
 Sic tremulas quò musca frequentius evibrat alas ,
 Aliùs hoc niveis mergitur usque vadis.
 Dum trepidat , nitensque iterumque iterumque re-
 tentat.
 Corpus ab implicio solvere capta dolo :
 Ter caput immergit , toties caput extulit, at mox ,
 Ebria fatalis fluxit in ora liquor.
 Deposuitque suam volucris tenuissima vitam ,
 Quò longam properat depositura sitim.
 Hic ego (nam memini) casum miseratus iniquum ;

LIBER I.

Alloquor exiguam post sua fata feram.
 Heu Musca infelix ! quod te male numen adegit
 Tam volucris celeres claudere sine dies ?
 Clamabam , quò Musca ruis ? tu surda monentem
 Temnis , & in vetitâ pergis , ut ante viâ.
 Hei mihi ! plena tuæ fluereut ut tempora vitæ ,
 Debueras monitis credere , musca , meis.
 Nam post decursas numerofo tempore melfes ,
 Jam fenior placidâ morte foluta fores.
 Duxiffetque tuum mufcarum natio funus ,
 Téque fequens fletet filia réque foror.
 At nunc , digna quidem producere longius ævum ,
 Occidis ante tuos præcoce morte dies.
 Hanc licet attulerit dulciffimus humor , amaram
 Jure tuam dicat quilibet effe necem.
 Nunquam certa fides ! nam quis candore fub illo ,
 Heu ! tantum infidi crederet effe doli ?
 Scilicet incertæ fatalia ftamina vitæ ,
 Quo minimè credis tempore , Parca fecat.
 Quamlibet albefcat , nunquam , me iudice , nunquam
 Tam fallax poterit candidus effe liquor.
 Debut in nigrum niveus migrare colorem ,
 Lactis ut infidias proderet ille color.
 Nam fi compofitæ morereris præfcia fraudis ,
 Non equidem tanto flenda dolore fores.
 Sed miferam occulto mors perfida fustulit aftu ,
 Qui nec-opina tulit fata , dolenda tulit.
 Non immitis eras , tenufque probofcide nullam
 Lædebas , ut amat lædere vefpa , cutem.
 Sed , blando afflictu titillatura volentem ,
 Molliter illecebras deliciofa dabas.
 Aëra nunc infar volucrum , nunc infar equorum ,
 Quaffabas curfu quadripedante folum.
 Nunc pedibus fuffulta tuis gelluque decoro
 Rolebas modici fruftula parva cibi.
 Et pennæ tenues , & venti futilis infar ,
 Qualia lanifici vellera Seres habent.

LUSUS ALLEGORICI.

Pungit apis ; formica rapit ; roduntque locustæ ;
 Et strepit ingratis rauca cicada sonis.
 Tu minimo satiata cibo , contentaque lymphâ
 Simplice , nullius causa doloris eras.
 Natos ipsa suos mater jugulavit hirundo ,
 Inque sinu fusi signa cruoris habet.
 Impia sacrilegum subiit certamen Arachne ;
 Se rata Palladias vincere posse manus.
 Tu numquam læsisti homines ; tu numinanumquam ,
 Et nullum quo sis noxia , crimen habes.
 Lactis olorinus , quo mergeris obruta , candor
 Candorem ingenij denotat ille tui.
 Sed quid amabilem tam blanda modestia morum ,
 Profuit ; aut formæ gratia tanta tuæ ?
 Non minùs in primâ moreris prærepta juventâ ,
 Aut minùs es niveomersa repente scypho.
 At vobis malè sit , tetricæ , mala numina , Parcæ ;
 Quæ rapitis , pulchri quidquid is orbis habet.
 Tyndaris Iliacos , Paridisque accenderat ignes ,
 Nunc cinis , extinctis ignibus illa jacet.
 Castaque Penelope bisdenos mansit in annos ,
 Casta suo tamen est tempore visa mori.
 Sed quid opus veterum replicare volumina vatum ?
 Sat Lachesis duras mors probat ista colos.
 Injicit hamatam cunctis Dea lurida falcem ,
 Nec pulchram cohibes fata , nec esse piam.
 Parva quidem , sed parva tamen solatia sunt ,
 Icariz consors , Muscula , mortis eris.
 Merfit utrumq ; latex , sed quamvis merfit utrumque ,
 Non erat unius fontis uterque latex.
 Nam malè ceratas agitans puer Icarus alas ,
 In mediis periit , flebile pondus , aquis.
 At te , pennigeræ pars non temnenda cohortis ,
 Insidiantefluens nectare mergit ebur.
 Cernuus è summo cadit ille sub æquora celo ,
 Vincere dum veras prævius audet aves.
 Tu madidas captiva moves , sed inaniter alas ,

Dum vis lacte sitim pascere, lacte famem.
 Ille caret patrij fraudatus honore sepulchri,
 Tu meritum moriens es quoque nacta rogam.
 Hic perit Ægeus; niveis tu merfa fluentis,
 Ille mari; sed tu lacte sepulta jaces.
 I tamen, & tantò melioribus utere fatis,
 Quantò lac solitum dulcius esse mari est.
 Nec te marmorei moles operosa sepulchri,
 Condet, in aërias crescere iussa vias,
 Qui tristi tua naufragio corpuscula merfit,
 Ille liquor Parij marmoris instar erit.
 Apti prius preissi cohibere coagula lactis
 Multa, recondendis ossibus apta venit.
 Namque ubi suppositus cinerem te fecerit ignis,
 Commoda reliquias colliget urna tuas.
 Nec ritu fundenda pio carchesia lactis
 Funeribus deerunt sponte parata tuis.
 Sed magnâ exiguam ter voce vocabimus umbram;
 Lustrantes rutilâ ter tua busta face.
 Ducet ad agnatos sic te via lactea cœtus,
 Quos habet Elysia sylva beata plagæ. (das;
 Non tamen, ut stygias, levis umbra, vehare per un-
 Rimoso veluti lintre Charontis eges,
 Nam ferruginei solito sine remigis ictu
 Lethæos poteris salva meare lacus.
 Lac Lethe, pandesque tuas, nova carbasa, pennas;
 Officium cymbæ, cimbria lactis agent.
 Sic Acheronticam non indigna scandere puppim.
 Tu tibi navigium, navita, vector eris.
 Ast ubi ad Elysios penetraveris advena colles;
 (Namque piis fedes manibus illa datur)
 Protinus accurret proavorum longa propago,
 Et generis series tota, caputque tui.
 Accurrent fratresque tui, parvæque sorores,
 Quosque tibi casto fœdere junxit Hymen.
 Gentilesque ruent, gens exiguissima, muscæ,
 Quoque cadis quærent tempore, quodque modo.

6 LUSUS ALLEGORICI.

Tu, confanguineâ circum undique cincta coronâ,
 Narrabis lethi fata, modumque tui:
 Ut dum plena peris multâ Italia, remige pennâ;
 Invito liquidam duxeris ore necem.
 Utque liquor nivibus candore simillimus albis,
 Heu! nimis extiterit in tua fata niger.
 Dum bene narraris lethi causamque, modumque,
 Et niveo mersum sæpe sub amne caput.
 Adde memor, reliquum dum panctis in ordine fu-
 Ut lapis inscriptis stat super ossa notis. (nug
 Nam quod in exilem glacilescis parvula molem,
 Intima pennigeras sis licet inter aves.
 Non tamen ignotâ sine laude jacebis in urnâ.
 Sed tuus hoc celebris carmine casus erit.

MUSCÆ EPITAPHIUM.

L Acte madefcentes perfusa tenaciter alas,
 Finit extremos naufraga musca dies.
 Non tamen ad plenum est duras experta sorores,
 Illo, quo periit, rite sepulta cado.
 Ne Pario gratere tibi, Cleopatra, sepulchro;
 Muscela si tumulo candidiore jacet.
 Ut reliqui manes busto meliore quiescant,
 Dulcior hac certè nullius urna fuit.

APODOSIS ALLEGORIÆ.

Ex illo Proverb. c. 1. Fili mi, si te lac-
 taverint peccatores; ne ac-
 quiescas eris.

D Um minima alituum tutis fecat aëra pennis,
 Heu periit monito non satis usâ meo!
 Nam lactis candore novi delusa, supremum
 Sub fluido clausit marmore merâ diem.
 Tu miseram si fortè doles periisse volentem,
 Sperne venenatos, cauta juvena, dolos.

LIBER I.

Porrigat in cyathis tibi lac lena voluptas ;
 Hic tibi non sapiat , si sapis , ipse liquor.
 Sed refugâ cervice , & prellis sobria labris ,
 Pocula Circæâ respue mîsta manu.
 Namque oculis licet ille tuis arriferit albor ,
 Atra superfuso lacte venena latent.
 Nec quia lac nullâ violatum labe nigrescit ,
 Hoc minùs infidæ fraudis inesse putes.
 Quamlibet albescant sparso Junonia lacte
 Lilia , sæpe sub hoc vipera lacte latet.
 Euridice testis, quæ tectum floribus anguem
 Heu ! moritura suos non videt ante pedes.
 Nec te mellisflui capiat cupedo saporis ;
 Ambrosium mel apîs fundit & arma gerit.
 Gutta propinati blandè dulcoris , acerbam
 Parturit incauto gutture tracta necem.
 Dormiit æternam , terebratus tempora , noctem ;
 Dum Sisaras poto stertere lacte parat.
 Ut fugias , & blanda memor discrimina vitæ ,
 Te docet exemplo Musca magistra suo.



BIBLIOTECA NAZIONALE
 ROMA
 VITTORIO EMANUELE

LIBER I

Flora videt, florisque novum mirata decorem,
 Magna mei certe est gratia veris, ait.
 Sis, rosa, sis felix; nec tantum Phœbus honorem
 Lædere, nec tantum lædere possit hyems.
 Unde tibi nullâ decor hic imitabilis arte?
 Unde verecundis indita flammâ labris?
 Hic color Auroræ est, croceos dum sumit amictus,
 Dûmque jugat roseos, prævia Solis, equos,
 Non ita se jactat pomis autumnus, & uvis,
 Ut se purpureâ tempora verna rosâ.
 Est rosa flos florum, narsisque oculisque voluptas,
 Ver ut honos anni est, sic rosa veris honos.
 Felix! quæ bisido coluit te dextera rastro:
 Felix! qui tantas protulit hortus opes.
 Felices Zephyri, qui nectaris imbre pudicas
 Sparsis, pennâ morigerante, comas.
 Non talem Gnidii Venus aurea legit in hortis,
 Non talem Alcinoi gleba, vel Hybla tulit,
 Non talem Hesperidum, non talem Gnosia tellus,
 Non talem Siculo nutriit Enna sinu.
 Jam nostrâ carpere manu rosa, nobile germen,
 Et natalitij filia verna soli.
 Dûmque volens iret simulatum carpere fertum,
 Cinget, ait, nostras flosculus iste comas.
 Hactenus; at placitum tentat dum tollere florem,
 Difficilis dextram noluit ille sequi.
 Aggreditur fallacem iterum convellere plantam,
 Sed videt elusas flore tenace manus.
 Novit ubi picti simulachrum futile veris,
 Non est Naturæ, dixit at artis opus.
 Erubuitque suum vultu confessa pudorem,
 Et jacet ad summum talia dicta Jovem:
 Huccine virginæ progressa industria dextræ;
 Luserit ut superos una puella Deos?
 Si te tanta meæ capiunt fastidia laudis,
 Si tuus à nobis tam levis errat amor.
 Quare aliam, quæ curet opes, & vellera veris,

10 LUSUS ALLEGORICI

Laus animo post hæc excidet ista meo.
 Quò mihi ruris honor, commissaque gratia florum?
 Si meus humanâ vincitur arte labor?
 Si vilis nostra est, tua sit tibi gloria curæ;
 Tangit, si nescis, te meus iste dolor.
 Nam si cura hominum nostros exæquet honores;
 Mox etiam flammæ, qui jaculetur, erit.
 Ausus id Æolides, dum non imitabile fulmen,
 Et tonitru resonis fingit inane rotis.
 Ausus & Enceladus, dum molibus addita moles,
 Ardua que ingestum Pelion Ossa tulit.
 Vel tua te moveat, vel sprete injuria Floræ,
 Nam pariter læsi, numen utrumque, sumus.
 Sic ait, & densæ penetrans umbracula sylva,
 Dicitur iliceis delituisse comis,
 Nam qui punicei decorabat stamina floris,
 Ille rubor rosæ pinxerat ora Dez.

APODOSIS ALLEGORIÆ,

Ex illo Libro 4. Esdræ. Fugite
 Umbram sæculi hujus.

Nobilis hortorum præses non unica Chloris.
 Rebus adumbratis quæ capiatur, erit.
 Ah quoties picturâ animum deludis inani,
 Quæ legis hos, pubes ambitiosa, jocos.
 Ah quoties levium captas simulamina rerum;
 Dum tibi non solidum corpus, at umbra placet.
 Nimirum tibi vanus honor, tibi gloria ridet:
 Quæ velut unda fluit, quæ velut aura fugit.
 Sic malè dilectæ dum respicit ora maritæ,
 Quam trahit è Stygijs Thrax citharædus aquis;
 Hæc Zephyro levior, prendique, & prendere cap-
 Evolat Ismarijs irrevocanda modis. ^{tans,}
 Cuncta levi nebulæ, volucrique simillima somno
 Depereunt, ut jam nulla fuisse putes.
 Quò saperis, juvenilis amor? mendaciâ fuso
^{illita}

Illita jamdudum desine velle sequi.
 Et veras, quas nulla dies, nulla auferat ætas,
 (Si tibi mens non est lava) sequaris opes.

EXAMEN APUM
 IN AMORIS
 PHARETRA
 MELLIFICANS.
 LUDUS ALLEGORICUS

ELEGIA TERTIA.

LASSUS & studio jaculandi, & lassulus
 æstu.

Quærit ubi jaceat mollè reclinit Amor.
 Fons erat; &, gelidi circum gemmantia fontis
 Gramina, nexilibus myrtea sylva comis.
 Mollis hujus varios in ferta nitentia flores,
 Et folia in placidum sufficit herba torum.
 Huc postquam Veneris soboles pharetrata recessit,
 Exiit ex humeris, quæ gerit arma, suis,
 Suspenditque habiles, quos ante retenderat, arcus,
 Hic ubi mellificas sylva fovebat apes.
 Improbulusque puer, quâ sessilis herba, resedit,
 Inque soporifero se dedit esse toro.
 Dumque quot ipse facies, quot jecerit ipse sagittas,
 Et numerat dominâ parta trophæa manu:
 Languidulis inopina quies subrepsit ocellis,
 Quam ciet irriguæ somnifer error aquæ.
 Quàmque jovitat apis, tremulâ dum voce fritin-
 ai,

Dúmque fatas circum basiat illa rofas.
 Iámque recinatum placido lenimine corpus ,
 Intima mulcebat lapsus in ossa sopor.
 Agmen apum , tonso per amœna vireta roseto ,
 Dives ad ambrosium sortè redibat opus.
 Inque sagittiferam populatrix turba pharetram ,
 It , referens multo cruscula plena thymo.
 Nimirum , æqualis specie delusa figuræ ,
 Se putat in proprios in volitare lares.
 Hic latet , & liquidum stipat levis hospita rorem ,
 Et pharetram Hyblæis tingit , & arma favis.
 Iamque farigatos somno reparaverat artus ,
 Aliger , & Cypriam cogitat ire Paphon.
 Ergo cavam ramo , cui credidit ipse , pharetram ,
 Diripit , hanc humeris aptet , ut ante , suis.
 Ecce tibi toto volat aëre stridula nubes ,
 Palantúmque errans turba vagatur apum.
 Non aliter quam cum tepidis super incubat ovis ,
 Spémque suæ gentis mater amica fovet.
 Si quis avem prensurus adit , nidóque propinquat ,
 Evolat , & celerem carpit in arva fugam.
 Sic Amor armiferæ raperet dum pondera thecæ ,
 Exit apís subitâ , quâ data porta , viâ.
 Attonitus puer intremuit , subitóque pavore
 Excidit è trepidâ lapsa pharetra manu.
 Dum dubitat , dolus , an virtus , an casus , an
 error ,
 Impulerit teneros in nova castra choros.
 Urta levi jaculo puerum violavit Amorem ,
 Ex roseam pupugit parva melissa manum.
 Sensit , uri tener est , nulláque in veste , dolorem ,
 Terque percussio subsilit ille solo.
 Hic , ego nescio quis , plagâ gavissus Amoris ,
 Risit , & argutâ voce jocularis , ait :
 Quæ toties læsit , toties quæ fixit amantes ,
 Dextra semel vulnus debuit illa pati.
 Ek rîgâ simul ex oculis abiêre colonæ ,

Et simul est pueri iussus abesse pavor:
 Attollit puer arma solo, quæ lapsa jacebant,
 Et gravius pharetræ melle fluentis onus.
 Auribus auscultat (nam lumine captus utroque est)
 Inmemor in pharetrâ si qua remansit apis.
 Nulla remansit apis, sed inemta (fidele locati
 Alveoli pretium) mella reliquit apis.
 Dum fluido abstergit stillantia spicula rore,
 Et gaudet mellis munere lætus Amor.
 Dumque favos cupido pueriliter ore ligurit,
 Et linguit bibulis defluis mulsis labris:
 Blanda quies mihi sæpe meos premat, inquit,
 ocellos;
 Dummodo sic, vigiles, mellificetis, apes.
 Inque novam subeat deducta colonia cellam,
 Penset ut hospitium melle melissa suum.
 Non tamen hæc nobis gratis concessa voluptas,
 Namque dolore gravi vulneris emta venit.
 Pectora vulneribus quis non ferat obvia nostris,
 Quæ lita mellito nectare tela ferent?
 I procul, exclamat, qui fortè astabat Amyntas,
 I procul, atque aliò vulnera verte, Puer.
 Nam quamquam madeant tenui dulcedine mellis,
 Plus tua, plus multo spicula fellis habent.
 Scilicet has agitat rerum Natura choræas,
 Hic rotat humanas mutuus ordo vices.
 Ut dulcoris amarities, ut gaudia luctus,
 Utque voluptatis sit comes usque dolor.
 Succedit nocti ipsa dies; nox ipsa diei,
 Jungitur & socijs spina marita rosis:
 Sorte pari sese excipiunt dolor atque voluptas,
 Alteraque alterius cernitur ire comes.



APODOSIS ALLEGORIÆ.

Ex illo Ecclesiast. cap. 11. Brevis in Volatilibus est apis, & initium dulcoris habet fructus illius.

Virginez volucres, quis vos malus impulit error,
 Melle pharetrati tingere tela Dei?
 Ille puer Veneris? Veneris vos nescia pubes;
 Innuba vos estis turba, sed ille salax.
 Vos nisi proritet, nemo data vulnera sentit,
 Ille vel invitos lampadis igne ferit.
 Urbibus ille frequens habitat; vos ruris amantes,
 Vos operosa cohors; desidiosus Amor.
 Ille arcum & pharetras, & inertī lampada dextra,
 Nil gestat, præter spicula, vestra phalanx.
 Usus amicitie dispar; vos esse soletis
 Agricolis comites; Regibus ille comes.
 Vos humiles habitare casas; ille atria latè
 Incolere, & Regum recta superbus amat.
 Insyncerus Amor; vobis sincera voluptas.
 Vos datis innocuum, dat grave vulnus Amor.
 Dum licet, ite procul, pharetram vitæ nocentem;
 Non bene vobiscum convenit ille puer.
 Ite, iterum moneo, vestri si cura pudoris,
 Si Veneris est odio, cur sit amicus Amor?
 Ille hominum nulli parcat, nulli ille ferarum;
 Ah vereor; vobis ut quoque parcat Amor.
 Nec bombis prosit puerum terrere, vel armis,
 Ridet enim vanos, spicula vestra, metus.
 Hæc ego dum canerem, Nescis, mihi dixit Apollo,
 Ante oculos subito visus adesse meos:
 Nescis, quantus amor sit apem, sit & inter Amorem,

Frater Amor pene est ; penè melissa soror.
 Nam cui mellilegæ fraterculus esse sororis ,
 Si nil dissimulet , non videatur Amor ?
 Quos tu dissimiles , similes ego moribus ambo :
 Quos tu dispariles , hos ego credo pares.
 Nec malè apis pharetram subit hospitis hospes
 Amoris :

Commodiùs nullum legerit illa favum.
 Æmula apis gemini mores imitatur Amoris ,
 Illa suis pennis evolat , ille suis.
 Dulcis amaror api est , & dulcis amaror Amori :
 Pungit , & ungit apis ; pungit , & ungit Amor.
 Et sua gestat apis ; & Amor sua spicula gestat ,
 Spicula figit apis ; spicula figit Amor.
 Lædit apis jaculum ; jaculum quoque lædit Amo-
 ris ,
 Nulli apis , & nulli par quoque parcit Amor.
 Vulnus utrumque nocent ; & vulnere fixa sub imo.
 Tela relinquit apis ; tela relinquit Amor.
 Par sit utérque licèt , dispar reperitur in uno.
 Mellis abundat apis ; fellis abundat Amor.

MUSCARUM
 QUERELA.
 LUDUS ALLEGORICUS.
 ELEGIA QUARTA.

SI vanis non vana fides sit habenda Cama-
 nis ,
 Protulit hos nuper musca locuta sonos:
 Quas Natura negat , trudit gravis ira querelas ;

36 LUSUS ALLEGORICI.

In tantis neque non dare verba malis.
 Lædimur innumeris, gens lædere nescia, pœnis;
 Et patet in nostras area lata cruces.
 Quotquot & insidiis, & aperto Marte parantur
 Sunt mihi, sunt generi damna parata meo.
 Nos licet in longum vexet sitis arida tempus,
 Tantillæ dabitur non tamen usus aquæ.
 Molliter appositas si fortè liguriat escas,
 Pransura exiguo sobria musca cibo:
 Libatas properante dapes vix ore momordit,
 Cum revolat trepidam carpere iussa fugam.
 Non ita Trojugenas pavet importuna Celæno,
 Ambefas avido dum rapit ore dapes.
 Non ita pastores, dum bellua nata saginæ,
 Incustoditum raptat ovile lupo.
 Et tamen hæc parasitus edax, hæc fercula rodât,
 Qui solet artifici subdolos ore loqui.
 Pellendis quicumque moves muscaria muscis,
 De nihilo, nobis invidiose, furis.
 Quantum erat ut minimo patereris pellere victu,
 Quæ lacerat dudum viscera nostra, famem.
 Non Siculis condita placent obsonia mensis,
 Nec juvat esse tuas, Sardanapale, dapes.
 At satiet (quid enim levius gens nostra prece-
 tur?)
 Quælibet esca famem, quælibet unda sitim.
 Esuriisse parum est, trepidasque fugante flagello,
 Jam prægustatis abstinuisse cibis.
 Ignaræ, quo fata vocent, quò tendere detur,
 Ponimus in nullo tempora certa loco.
 Nam vaga progenies patriis sine sedibus er-
 rans,
 Hospes in alterius cogitur esse domo.
 E agit avis nidos, apis alvear, talpa cubile,
 Et formica suos incolit hospes agros.
 Musculus effosis, latitatque cuniculus antris,
 Ea fera nocturno sub Jove nulla manet.

Nos laris expertes, propriisque penatibus orbæ,
Quærimus incertos, gens peregrina focos.
Campestres hoc more Scythæ per rura vagantur,
Quorum rite trahunt stridula plaustra domos.
Non tamen exulibus hæc pœna novissima mus-
cis,

Damna vagum cruciant ulteriora genus.
Vix blæsus dare verba puer, vix nosse parentem,
Vix signare rudi poplite cœpit humum.
Sævit, & innocuis infensa puertia muscis,
Redditur in nostras ingeniosa neces.
Nos exporrectâ captat cava dextera pœnâ,
Dumque habet, in pugnum cogitur arcta ma-
nus.

Nos nec opinato vola prompta supervenit ictu,
Nec patitur longas præcipitata moras.
Est, paleas quæ ponè trahat, plumasque sequaces,
Est, quæ cassa suo vertice cæca volat,
Hæc truncos lacerata pedes, alternâque nutans,
Claudicat obliquo non bene nixa gradu.
Altera debilibus se trudere nititur alis,
Facta pedes subito, quæ prius ales erat.
Denique si nostræ tentem numerare cohortis,
Vulnera, vix numerum vincet arena meum.
Hæc facies, hæc est crudi Mavortis imago,
Dum caput ense ferox amputat, ense pedes.
Vix patet in tantas spatium breve corporis iras,
Nostrâque sunt ipsis membra minora malis.
Alitis in minimæ tenuem compacta figuram,
Mole carens, expers pondere, musca feror.
Nos minuis damnosa dies, ætâque parentum
Censuerat reliquas nos prius inter aves.
Corpora quæ fuerant olim, corpuscula fiunt,
Decrescuntque suis attenuata malis.
Quin etiam bifidus male cautas corripit asser,
Quem prius illivit melle tenace liquor.
Credula dum pubes medicatum currit ad escam,

Aut quæ causa tuas vertat in arma manus.

Nec stetit hic clades, damnûmque autore levarem,

Cæsaris augustâ procubuisse manu.

Nos avis insidians non uno intercipit astu,

Et misera obscæni gutturis esca voror.

Mandit hians, lacerôique trahit crudeliter artus

Passer, in exitium nata vorago meum.

Non lepus in leporem sævit, non ursus in ursum;

Et furit in dispar bellua, quando furit.

Inter ego reliquas meritò numeranda volucres,

Degeneres patior sola volucris aves.

Non sat erat certos nusquam coluisse penates,

Non sat in infidos insiluisse dolos.

Non sat Cæsareis toties cecidisse sub armis,

Non satis insanâ penè perisse fame.

Non sat erat fatuæ ludibria ferre juventæ,

Non satis innumeras sustinuisse neces.

Alitibus data præda voror; quæ crimina feci?

Crimina suppliciis digna putanda meis?

Sic reus, Aufoniæ præbens spectacula turbæ,

Amphitheatrales pascit edendus apros.

Quo merui tantas sceleris molimine pœnas?

Quæ maculant mores facta nefanda meos?

Ex merito quidquid pateris; patiare lubenter,

Qui tulit indignus vulnera, flenda tulit.

An face sacrilegos templis admovimus ignes?

An dedimus tacito toxica mista dolo?

An scelus est, equitare leves super ætheris auras?

Si scelus est, sociæ criminis estis, aves.

Dicite; quæ minimas damnaverit urna volantes?

Nostræque quo tandem iudice causa cadat?

Si quis fortè meo dicat se vulnere læsum

Non equidem meritam nolo subire necem.

Sanguis ubi est? ubi plaga meis inflicta sagittis?

Nostra probaturus crimina testis ubi est.

Cogimur indictâ morti succumbere causâ,

20 LUSUS ALLEGORICI

Causidici partes nemo tuentis agit.
 Et ne quid nostro possit superesse dolori,
 Ultimus accedit in mea fata dolor.
 Cætera securos agitant animalia Soles;
 Sint licet humanum lædere nata genus.
 Me, quia non lædo, nullis quia vindicor armis,
 A tergo insequitur pœna, præmitque comes.
 Formicæ sua bilis inest, & aculeus hæret,
 Transigit illæsos non minùs illa dies.
 Lædit apes, jaculòque suos armatur in hostes,
 Et tamen armigeras educat hortus apes.
 Tuta manet, resonæ quamquam super arbore sylvæ,
 Obstrepat assiduis rauca cicada sonis.
 Quamlibet exugant puléxque, culéxque cruorém,
 Rara tulit pulex vulnera, rara culex.
 At nos, parva cohors, circumvolitamus inermes,
 Nullus aculeolus, nulla proboscis inest.
 Ducimus innocentiam solæ sine crimine vitam,
 Et solæ in pœnam, turba parata, sumus.
 Est & in hoc aliquid, socios habuisse pericli,
 Et levius tangit publicus ossa dolor.
 Crudelis teneræ mater dum parcis alumnæ!
 Impia! dum nimium te probat esse piam.
 Cur ego vitales nascebat in ætheris auras.
 Cur ego materno nutrior orta sinu.
 Debueram gravidâ cecidisse parentis in alvo,
 Quâque recens orior, hæc ego luce mori:
 Quæ mihi prima dies, utinam suprema fuisset.
 Opprimerer tantis non ego musca malis.
 Vos ô pennigeræ, generis pars maxima nostri,
 Vos moveat vestræ causa fodalis, aves.
 Decrescam licet in tenuem macilenta figuram
 Muscula, vestra tamen gloriôr esse soror.
 Nam cur dissimilem. cur nos reverentia tardet.
 Vel cur impediât vera referre pudor.
 Parca mihi, fateor, molem Natura negavit,
 Sed clara ingenij dexteritate feror.

Non ero dedecori vestris comes addita turbis ,
Quamlibet exili corpore parva volem.
Ut graeiles philomela brevis tenuetur in artus,
Pars tamen est vestri non inhonora chori.
Falco vorax , corvique avidi, milvique rapaces,
Quæque aestas Domino fida ministra Jovi :
Irruite, & nostros properate minanter in hostes,
Nos consanguineum prosit habere genus.
Nec nostræ moveat vos sola injuria cadis,
Nam furor in reliquas tam gravis ibit aves.
Postque triumphatas , infirma examina , muscas ,
Alituum hæc clades imperet omne genus.
Tu, quicumque piam bello premis impare gentem ,
Debueras titulis consuluisse tuis.
Fulminei rimare sagax vestigia pardi ,
Ausus in hirsutas cominus ire feras.
Strenuus in Libycos venabula stringe leones ,
Materies iræ non sumus apta tuæ.
Semper ab eximio quærenda est fama triumpho ,
Quis tibi de nostro sanguine surget honor.
Quæ geritæ therei vulcania tela Tonantis,
Non nisi se magno sanguine pascit avis.
Non timet Armenios tenuis formica leones ,
Non facit ad tantam tantula præda gulam.
Magnus in angustis nunquam furit Æolus undis ,
Nec Jovis exiguas fulminat ira casas.
Nos solæ patimur , trucibusque laceßimur armis ,
Quamquam habeat nullum, nos superasse, decus.
Si meruit gens nostra mori , nos dedite morti ,
Demite tot pœnas , mors data munus erit.
Si nec cur pereat , nec cur moriatur, habetis ,
Parcite muscarum perdere velle genus.



APODOSIS ALLEGORIÆ.

Ex illo 1. Regum, cap. 2. Nolite multiplicare Loqui sublimia Gloriantes.

P Erlege, quisquis is es, tituli qui captus amore,
 A Phrygio jactas Laomedonte genus.
 Stemmatæque innumeris depicta per atria ceris,
 Fumososque crepas ambitiosus avos.
 Frustratur pueros, cassoque labore fatigat
 Stridulus in pennâ versicolore culex.
 Desudant, magnoque petunt molimine muscam,
 Mercedem hanc tanti summa laboris habet.
 Aucupium puerile vides, & dulcè renidens,
 Hei mihi, quò tantus, dicite, sudor, ais.
 At tu damnandus majore videbere risu,
 Si foret hæc æquo lis agitanda foro.
 Qui steriles nugas, vacuæque crepundia mentis,
 Et qui, nescio quid futile, vanus amas.
 Nam dum purpureâ volitat favor aliger aulâ,
 Quem peperit blando spes male sana sinu:
 Venaris ventosæ in hians ludibria pompæ,
 Ut sequitur, viso papilione, puer.
 Discursisque auceps laqueata palatia circum;
 Nam res est tetrici plena laboris honor.
 Exultas, spolióque tibi grataris inani,
 Incidit in cupidus si vaga præda manus.
 At pretium muscâ levius, quis nescit honores?
 Quos sobolem virtus abnegat esse suam.
 Invidiam pueris male provida detrahit ætas,
 Sed tu, quâ veniâ dignus habendus eris.





RAPTUS

PASSERIS.

LUDUS ALLEGORICUS.

ELEGIA QUINTA.

NU n c largos , si quando , oculi , nunc fun-
dite fletus ,

Nulla de hinc major causa doloris erit.

Ah ! si quem mea damna movent, suspiria jungat,

Nam minor est , alio, saepe , dolente , dolor.

Ah passer perit , volucrum suavissima passer ;

Jam dolor , ante animi lusus , amorque mei.

Hunc ego nutrieram , dum vix lanugine tectus ,

Involucris nido pipilat ille suo.

Ille levi saltu doctus , trepidantibus alis ,

Sæpius in nostros involitare sinus.

Pileolumque agilis saliente subire volatu ,

Dum patulam nudo vertice monstro viam.

Assuetus me ponè sequi , me nosse vocantem ,

Ut sequitur dominam fida catella suam.

Scansilibus digitis solers levior rotatu ,

Sæpe per alternas ire , redire manus ,

Quàm pulchellus erat ; nitidis dum tingitur undis ,

Et scabit unguiculo molle fricante caput.

Depectitque leves plano super æquore plumas ,

Ne qua suo excedens ordine turpis eat.

Obvia lympha sitim facili de fonte levabat ,

Vescaque nux , nullis sumptibus emta , famem

Aur fucus bifidi captatus acumine rostri ,

Ruris & innocuæ , grana minuta , dapes.

24 LUSUS ALLEGORICI.

Si quando solitas vacuus non traderet escas

Alveus, aut solitas parvus aqualis aquas :

Hic modò pes , modò penna jocans , modò rasile
rostrum

Officij altricem commonuère manum.

Et modò jejuno furatus amygdala rostro ,

Si repetam , plenò stridulus ore fugit.

Et modò , virgati captivus arundine clathri ,

Per teretes radios irrequietus abit.

Quid ? quod abire domo docilis , rursúmque re-
verti

Sueverat ad proprios, nocte jubente , lares.

Quàm morsus dabat ille acres , dum , percitus irâ,

Iret in infensas , ore minace , manus.

Tantus erat dum bellum ageret galeatus Achilles ,

Tantus , dunt Danaos ureret, Hector erat.

At postquam placidæ concesserat alitis ardor ,

Et posito irarum turbine , mitis erat ;

Non illo pullus pipiebat amantiús alter ,

Non illo pulsus blandior alter erat.

Callebat , Dictynna , tuas passerculus artes ,

Nec tu venatrix unica figis aves.

Si qua foret , tremulis quæ se temeraria pennis ,

Vellet in aërias tradere musca vias :

Hanc meus assultu rapiebat mordicus ales,

Tam citus in leporem vix solet ire canis.

Segnius incautam venatur aranea prædam ,

Accipiter Paphias segnius urget aves.

Heu ! tam bellum animal rapuit , mala bellua, felis.

Penè vetat mutus dicere plura dolor.

Raptus es (ô justo defunt lamenta dolori) .

Passer , inexplætæ nobilis esca gulæ.

Raptus es insidiis , & iniquâ fraude peremptus ,

Nec tu legitimo Marte, sed arte cadis.

Non secus Ismarij perièrunt castra Tyranni ,

Non secus Argolicis Pergama capta dolis.

Clauserat , ut mos est , solitæ post fercula cœnæ ,

Flexibili textus vimine carcer avem.
Suspendo taciturna gradu vestigia felis
Librat, adornandis bellua nata dolis;
Sensimque adrepat, nullo inspectante, scelestus
Proditor, & tacitus textile limen adit.
Ter, quater, in caveam, pede concutiente, re-
sultat,
Ter, quater, illa gravi verberere quassa tremit.
Sed tandem assurgens graviorè repercutit ictu,
Illa repente suo pondere tracta ruit.
Et ruit, & fragiles ruptâ compagine virgæ,
Protinus in partes dissiluire suas.
Mille fugit, refugitque viis peritura volucris,
Prævolat, accelerat, prosilit, errat, abit.
Insequitur, spatiisque vorax propioribus urget
Captatam patulo gutture raptor avem.
Ac velut inclusum pennæ formidine cervum
Pressat anhelanti vividus ore canis.
Ille autem insidiis, circòque inclusus iniquo,
Ambiguo curvos circuit orbe dolos:
Instat agens Umber, rictumque extendit hiantem,
Rostra sed elusis concrepuere minis.
Non aliter, stimulante fame, premit helluo felis
Pennigeram cursu proximiorè feram:
Prædæ inhiat, volucremque avido propè devorat ore,
Subtrahitur parulæ sed tamen illa gulæ.
Nam circumfiliens huc mobilis errat, & illuc,
Et relegit primas irrequieta vias.
Postquam nulla fuit volucrem captare potestas,
Impatiens vires acriter ira mover.
Præcipiti sese saltu jacet hispidus hostis,
Et miserum arripuit lurco gulosus avem.
Ales agit sese, & molimine versat inani,
Bisque intercluso gutture tristè pipit.
Scilicet æluro jam conficiendus ab hoste,
Quâ poterat tardum voce vocabat herum.
Corripui, sed serò, gradum: madet aula cruore,

Pluma volat toto sanguinolenta solo.
 O scelus ! ô nostræ raptor violenté volucris !
 Quò tua te ingluvies , helluo turpis , agit ?
 Est tibi venari solos data copia mures ,
 Quis dedit in nostros hoc tibi juris aves ?
 Non est illa tuæ cœna opportuna saginæ ,
 Tam lauta ad stomachum non facit esca tuum.
 Non longum , male prædo , tuâ lætabere prædâ ,
 Diluet indignum debita pœna nefas.
 Gaudeat hostili si passeris umbra cruore ,
 Læta sub Elysiâ valle volucris erit.
 Æacidæ ad tumulum virgo Priamæia fuso
 Placat Achilleos sanguine tincta rogos :
 Sic ego , ne fato nobis præreptus iniquo ,
 Ales ad infernas tendat inultus aquas ,
 Mactabo felémque reum , felésque nepotes ,
 Nullus & è totâ gente superstes erit.
 Felis avus , felisque gener , felésque sorores ,
 Cúmque suâ occumbet posteritate parens.
 Vos , quibus incolitur pennis agitabilis aër ,
 Garrula gens , agmen pensile , picta cohors :
 Quæque terebrato pullos excluditis ovo ,
 Exitium vestræ flete sodalis , aves.
 Flete , sed antiquum flendi modò vincite morem ,
 Nunquam aliàs poterit justior esse dolor.
 Non solito contenta sono philomela querelas
 Integret , argutjs associata choris.
 Pica loquax , turturque gemens , & garrula cornix ,
 Alcyonésque , pio vos decet ore queri.
 Non ut moris erat , latitans in vallibus Echo
 Carmen inexpletis reddat avara sonis.
 Sed toros repetant spelæa fidelia leffus ,
 Ipsa etiam debet tangere saxa dolor.
 Candide flebilium , nigrescite , cœtus olorum ,
 Nimirum hic habitus fletibus aptus erit.
 Vos , corvi , vos triste decet producere funus ,
 Qui vestit , niger est , agmina vestra , color.

Huc, volucris Phœbæa, tuos huc confer odores,
 Parvus ut Assyrio fragret odore rogus.
 Illa repentini secum solatia lethi
 Deferet ad Stygias rapta volucris aquas.
 Mox viridi vacuum surget de cespite bustum,
 Et notus simili carmine passer erit.

PASSERIS EPITAPHIUM.

Passeris hac cineres, ne quære, Viator, in urnâ;
 Nil brevis hic loculus, quod tegat, intus ha-
 bet.
 Membra sepulchrali tumulantur felis in alvo,
 Elyfias habitat, si qua sit, umbra domos.

APODOSIS ALLEGORIÆ.

Ex illo Ecclesiæ. c. 9. Nescit Homo fi-
 nem suum, sed sicut Pisces capiuntur ha-
 mo, sicut avēs laqueo comprehenduntur,
 Sic capiuntur homines in tempore malo,
 cum eis extemplo Supervenerit mors...

CArmina festivo cecinit juvenilia lusu,
 Et volucrem querulâ flevit Apollo lyrâ.
 Rideat hæc aliquis, qui, quæ cecinere Poëtæ,
 Ingenit nugas desidis esse putat.
 At nihil incautam joculari carmine pubem,
 Nil prohibet teneros erudiisse choros.
 Est Anselmus avem dignatus habere magistram,
 Quam fragili filo strinxerat ante puer.
 Huic pariter fertur documenta dedisse volucris,
 Cui fuit in Domini fas cubuisse sinu:
 Tu quoque, ne noster tantummodo ludat Apollo,
 Pauca tui vatis verba monentis habe.
 Condita vimineo cantabat in orbe volucris,
 Nescia se fatis præcuisse suis.
 Cum subito assurgens, nullo modulamine tactus,

28 LUSUS ALLEGORICI.

Irruit in miseram felis abactor avem.
 Nec sat habet trepidæ claustrum effregisse volantis,
 Ipsam adeo immiti bellua dente vorat.
 Sic nos , dum choreæ , positi dum pocula Bacchi,
 Et tenet assiduas alea jacta manu :
 Mors inopina , movens strepitu vestigia nullo ,
 Clam venit , & medios turbat amara jocos.

MORTIS
 ET AMORIS
 FOEDUS.

LUDUS ALLEGORICUS

ELEGIA SEXTA.

DULCIA tranquillæ pepigêrunt fœdera
 pacis,
 Et Mors , & pennâ præpete pulcher Amor.
 Ibantque assuetis armis instructus utrèque
 Mors sua tela , comes tela gerebat Amor.
 Dúmque iter accelerant ambo , solantur euntes.
 Alternâ facilem garrulitate viam.
 Nam quamquam teneris infans videatur in annis ,
 Est tamen argutâ voce disertus Amor.
 Interea clauso vespèr procedit olympo ,
 Et placidâ suadent astra quiete frui.
 Divertère viâ pariter, tectóque sub uno,
 Unus , qui geminos excipit , hospes erat.
 Mox ubi se modicæ recrearunt munere mensæ ,
 Fortuito pharetram deposuère loco.
 Inque vicem paritérque datâ , acceptâque salute,

LIBER. I.

Compositi thalamis conticuere suis.

Jam medium nox atra polum subvecta tenebat ,

Vox hominum auditur nulla nec ulla canum.

Ecce tibi verso bipatentes cardine valvæ ,

Non expectato concrepuere sono.

Exanimes trepidare metu, longa atria circum,

Et ruere ancipiti, quæ data porta, viâ.

Dum fugitant, repetuntque suam sibi quisque
pharetram ,

*Alter in alterius spicula fortè ruit.

Mortis Amor pharetram sumsit, Mors sumsit A-
moris.

Morsque suam falsam mutat, Amorque facem ,

Jamque rubescebat pullis Aurora tenebris ,

Mors, & Amor varias corripuere vias,

Et modo mutatis facta in contraria telis ,

Sauciat hæc juvenes, sauciat iste senes.

Hinc datur humanæ ludibria cernere vitæ,

Et rerum inversas discere posse vices.

Cur juvenis præreptus obit, florentibus annis ,

Cur flagrat infami turpis amore senex.

Scilicet ex illo jam tempore vibrat Amoris

Spicula Mors, vibrat spicula mortis Amor.

A P O D O S I S A L L E G O R I Æ.

Ex illo Cantic. 8. Fortis ut mors, dilectio.

L Egerat hæc aliquis, quæ, dulcibus illita char-
tis ,

Scripsimus innocuo carmina lusa joco.

Quàm bene, ait, Morti vates sociavit Amorem ;

Et junctæ comites tradidit esse viæ.

Mors, & Amor similes tenui discrimine distant ,

Lumine Mors capta est, lumine captus Amor.

Ambo pares sua tela gerunt, jaculatur uterque ,

Nec fera Mors errat ; nec ferus errat Amor.

Sceptra pedo, famulosq; suis Mors regibus æquat ;

30 LUSUS ALLEGORICI.

Sceptra pedit, & famulos regibus æquat Amor.
Mors nuda est; est nudus Amor; pharetratus uterque;
Illa suum jaculum torquet; & iste suum.

Altera magnificos contemnit, & alter honores:

Altera congestas spernit, & alter opes.

Falce senes, juvenesque suâ Mors falce trucidat;

Et face Amor juvenes urit, Amorque senes.

Pallefcit moriens; pallefcit & omnis amator:

Tristè flet moriens; tristè fletfcit amans.

Mors moritur nullo (nam quis queat esse peremtor?)

Sic moritur nullo tempore verus Amor.

Et lacrymæ, & gemitus alimenta feruntur Amoris:

His alitur pariter Mors macilenta cibis.

Nec prece, nec pretio vis vincitur effera Mortis,

Nec prece, nec pretio vincitur acer Amor.

Sed tamen id discrimen habent, Mors omnia vincit,

Virtutem nescit vincere turpis Amor.

PSITTACUS LOQUAX.

LUDUS ALLEGORICUS.

ELEGIA SEPTIMA.

TU quoque carminibus celebrabere, Psittace,
nostris:

Qui rarum extremo munus ab orbe venis.

Tu Domini facundus amor: tu gentis eoræ

Gloria; tu nostris blanda medela malis.

Tu, sociæ miscens commercia mutua linguæ,

Garrulus alternos dâsque, capisque sonos.

Et lepidi, dum verba refers, vice functus amici,
Non pateris longas temporis esse moras.
Nullus amabilior, te nullus amicior alter,
Omnes, quas aër educat, inter aves.
Cedat morte suâ vivax Gangeticus ales:
A Scythico veniens Phaside cedat avis.
Si certet moriturus olor, si certet aëdon,
Iste gemens Ithylî funus, & ille suum:
Vincetur moriturus olor, vincetur aëdon:
Psittacus illius victor, & hujus erit.
Nam tantò minor est & olor, minor est & aëdon;
Quantò pluris erit, quàm cecinisse, loqui.
At modò quid referam raræ spectacula formæ?
Quam vix ipse suâ dicat Apollo lyrâ.
Pingere vix Zeuxis, Cœus vix possit Apelles,
Quæ sit in hac species alite, quisve nitor.
Tantus inest, (oculis decus aspectabile) fulgor:
Tanta coloratam gloria vestit avem.
Lumina sydereas radiant imitantia flammæ,
Quæ rutilus limbo divite cingit honos.
Colla rubro miniata nitent insignia torque;
Qualia versicolor colla columbus habet.
Pluma virens hebetat virides collata smaragdos:
Et prohibent liquidum rostra rubere crocum.
Innumeris pictæ radiant ornatibus alæ,
Est remorata oculos copia sæpe meos.
Non tot Apellæ mires in arte colores;
Non tot in Elysiis florea ferta plagis.
Ipsam adeo spretis actam Thaumantida cælis
Alitis in pennas desiliisse putes.
Æmula si movear formæ certamina Pavis:
Inferior, quovis iudice, Pavis eat.
Pavis, ocellati dominæ Junonis Amores:
Quémque superbificæ ponè sequuntur opes;
Sed multò meliora latent, licet extima formæ
Formosas longè gratia vincat aves.
Nulla, inter reliquas, quæ plurima turba, volucres,

Ingenii tantâ dexteritate valet.
 Alloquium, longéque sonos auscultat heriles;
 Matrem audit meliùs nulla puella suam.
 Pulsanti jubet, ut valvas ancilla recludat;
 Et monitor Dominum clamat adesse suum.
 Vocibus hunc blandis mulcet, si forsan acerbo
 In famulos rigidas intonet ore minas.
 Insequitur laterique comes spantiantis adhæret,
 Et socias pariter jungit ubique moras.
 Curstat exultim, longasque perambulat ædes:
 Nec cessator iners desidiosus agit.
 Occursantis Heri, puerique meantis adunco
 Et rostro illasas stringit, & ungue manus.
 Officii admonitus si fortè quid inîciùs erret,
 Desinit, atque animi signa dolentis habet.
 Comis adulator blando complectitur ungue,
 Des in amicitia si rata signa, manum. (moris.
 Hanc dextram, hoc pacti dat amabile pignus a-
 Atque ita sancitam nunciat esse fidem.
 Sobrius est, minimasque dapès absomit edendo,
 Et nil, præter aquam, quod sitiatur habet.
 At si quando suum non paverit altor alumnum,
 Præripit inceptas hujus ab ore dapès.
 Ferculaque innocuæ perturbat amore rapinæ
 Appositi consors dum petit esse cibi.
 Magnificas, operosa, domos, molimina Regum
 Despicit, & Pariis eruta saxa jugis.
 Nam tenuem caveam, radiisque ex ordine textis,
 Incolit argutum garrulus hospes ebur.
 Nomine quemque suo, memori sermone, salutat,
 Nec satis est illi dicere, Cæsar ave.
 Mille potest unus discrimina reddere vocum,
 Mille unus sonos fingere, mille jocos.
 Nunc pupum vagire putes, dum matris in ulnis,
 Flet sibi furaci rapta volema manu.
 Si rugire lubet; Lybicos astare leones;
 Si latret, verum dixeris esse canem.

Nunc jures densare cygnos; nunc frendere tigres;
 Clangere nunc aquilas; nunc ululare lupos.
 Nunc tibicen ciet instructos ad signa maniplos;
 Et vocat armigeras ad fera bella manus.
 Garrulitas major, major facundia crescit,
 Cum rostrum epoto tinxit, & ora mero.
 Denique sic loquitur cujuslibet æmulus oris,
 Ut volucrem, si non videris, esse neges.
 Et modò blanditias dicit, modò jurgia nectit:
 Nam modò qui fuerat hostis, amicus erit.
 Sævus amabiliter, blandèque petulcus in ipsum
 Intermixtà jocis scommata jactat herum,
 Et famulos, præter caveæ qui claustra pererrant,
 Furciferósque dicax, carnificesque vocat.
 Quas ubicumque cavâ demum bibit aure loquelas,
 Has docilis fido Psittacus ore refert.
 Tam bene qui, tacitis tecum argutatus in umbris,
 Discis ad humanum reddere verba modum:
 Pene fit ut dicam, si mens quoque sectilis esset,
 Particulam humanæ, Psittace, mentis habes.

APODOSIS ALLEGORIÆ.


Ex illo Ecclesiæ st. Qui addit Scientiam, addit & Laborem.

Psittacus humanæ referens imitamina linguæ,
 Instruit impubes hac quoque parte choros.
 Perdius & pernox secum meditata retractat,
 (Nempe ipsas etiam gloria tangit aves.)
 Ah quoties nocti, curâ defixus in illâ,
 Dicitur assiduos conseruisse dies.
 Ah quoties, reliquæ postquam siluere volucres,
 Ruminat auditos, nocte favente, sonos.
 Nec labor incassum est, nam quæ facundior illam
 Humanâ superat voce volucris avem?
 Usque adeo tituli valet ambitiosa cupido,

34 LUSUS ALLEGORICI.

Usque adeo pulchræ laudis honestus amor.
 Tu modo, qui studiis mentem puerilibus addis,
 Si nescis, volucrem, quâ docearis, habes.
 Jam longos, generose Puer molire labores,
 Nec placeat facili lecta corolla jugo. mus?
 Ardua prima via est, (quid enim manifesta nege-
 Et durum hirsutis vepribus horret iter.
 Ast ubi pierii superaveris ardua montis,
 Te manet in summo vertice blanda quies.
 Nec te futilibus capiat Venus illita fucis,
 Nec Bacchus, Veneri qui solet ire comes.
 Nec trahe languidulos discincta per ora Soles,
 Nec teneant animum lectus, & umbra tuum.
 Jam nunc à teneris, si quid mihi creditur, annis,
 Disce, Puer, possis quæ meminisse senex.
 Doctrinâ labor augetur, doctrina labore:
 Nec venit ignava gloria parta manu.
 At pretium exhausti manet immortale laboris,
 Fama sepulchrales præteritura rogos.
 Cum circumfusa digito monstrabere turbæ:
 Hic vir, hic est Latæ gloria rara togæ:
 Ergo volens operare, Puer, namque ipsa laboris
 (Quod minimè reris) fit fuga sæpe labor.





IMPIA

DELPHINI

PIETAS.

LUDUS ALLEGORICUS.

ELEGIA OCTAVA.

Æ S T U S erat, pronusque dies; festusque parabat,

Ignivomos interjungere Phœbus equos.

Ridebat placidi pellacia subdola ponti;

Nullaque tranquillæ aura vibrabat aquas.

Æquoris ad liquidas puer aureus astitit undas,

Merfurus tepido lactea membra mari. (ales,

Hunc vel Hylam dicas, vel quem Jovis abstulit.

Vel sua quem visis forma peremit aquis.

Marmoreâ involitant pulli cervice capilli,

Ridet in ingenuo nobilis ore decor.

Labra verecundo pinguntur honesta pudore,

Ut rosa si puero lactis in amne nate. (astris,

Frons ebori, geminisque oculus micat æmulus.

Vestierat rutilas primula barba genas.

Hic puer exutus pariter cum veste timorem,

In medias collo se tenus abdit aquas.

Percutit alterno fluitantia marmora motu,

Dividuumque agili corpore findit iter. (nistram,

Nunc dextram movet arte manum, nunc arte si-

Nunc pariter plauso jactat utramque mari.

Tollitur, & summâ modò pensilis extat in undâ,

Mox cadit & toto subruit amne caput.

D.

36 LUSUS ALLEGORICI.

Sub nitidis translucet aquis , ut hiantia si quis

Lilia perspicuo condat operta vitro.

Accelerat squammosa cohors , puerique natantis

Suspicit , egregio quod niter ore , decus.

Æquoreos inter Proceres , pia bellua , delphin

Formoso pueri lumine captus amat.

Miratur niveum spatiosæ frontis honorem ;

Et perit , & gelidis totus inardet aquis.

Scilicet humanam retinet sub pectore mentem ,

In piscem Bacchi numine versus homo.

Ad juvenem natat , & cupidus movet æquora pinnis ,

Laturus sociam cetus amator opem.

Aspectum delphina puer male-credulus horret ;

Et subit arreptâ litora tuta fugâ.

Quò remeas , incaute puer , te nulla sequuntur

Monstra , sub undolis quæ tegit æquor aquis.

Squammigerum ne temne pecus , quid litora quæris ?

Quid fugis oblatam , parve natator , opem

Audimur , positâque redux formidine piscem

Circuitu juvenis proximior perit.

Et ridens amat obsequium , vacuûsque rimoris ,

Scandit in æquoreâ subdita terga feræ.

Ut vehitur , prædisque fedit moderator habenis ,

Cæsâque sternacis terga fatigat equi ,

Utque alios rotat ex aliis , flectitque recursus ,

Exiguâque agiles torquet in orbe pedes :

Non aliter subeunte salit delphine natator ,

Nec pallet medii murmur inane freti.

En puer ut mediis equitat securus in undis ,

En vagus ut charo pondere piscis ovat.

Sic tibi se quondam facilis delphinus , Arion ,

Dicitur auditâ supposuisse lyrâ.

Piscis amat , redamâque puer , se piscis amari

Gaudet & alterno gaudet amore puer.

Ipseque vicem neuterque timet , neuterque timetur

Una fides geminos jungit , & unus Amor.

Eudite securi , vestros qui rurber amores ,

Par ô amicitiae nobile, nullus erit.
 Sed ramen hamati, Juvenis cave, spicula dorſi,
 Asperat armatum ſpina timenda latus.
 Ne temere injectus, quanquam via longa fatiget,
 Vectorem totâ deprime mole tuum.
 Ni ſapis innato tibi diſſecet ilia telo,
 Parce, nec unius vulnere perde duos.
 O ætas teneris improvida ſemper in annis,
 Et modò conſilio non ſatis uſa meo.
 Ah moreris! Puer infelix, tua vulnera cerno;
 Cerno ruſeſcentes imbre cruoris aquas.
 O fata humanis nimiùm contraria votis!
 O digne interitu proſperiore puer!
 Ten decuit mediis vitam finire ſub undis?
 Ten'decuit durâ claudere fata nece?
 Siccine commiſſum reddis pecus impia, pondus?
 Impia! dum juvenis te putat eſſe piam.
 Quid facies hoſti, qui ſic occidis amantem?
 O amor infelix! ô inimicus amor!
 Hæccine jurato merces reddatur amor.
 Hoccine jam fidei pignus amator habet.
 Ah quantò mallem, dum ſe puer æquore tingit,
 In mediis eſſet non tibi viſus aquis.
 Vel certè ſi viſus erat, formoſa natantis
 Ora forent oculis turpia viſa tuis.
 Nam tibi ſi turpi viſus puer ore fuiſet,
 Non ſedeat dorſo crimen, onuſque tuo.
 Hoſtis amandus eris, ſi lædere pergis amando,
 Eſt odium utilius; ſi tuus obſit amor.
 I nunc, & cupidi blandum cape nomen amantis,
 Si pueros, quos te fingis amare, necas.
 Saltem redde ſua corpus ſepelibile matri,
 Ne merſum æquoreis piſcibus eſca nater.
 Hæc pueri cineres cineri miſcebit avorum,
 Membra rigans lacrymis, jam ſatis uda, fuiſ.
 Nam modo paſſus aquas, patietur poſtmodo flam-
 mas.

38 LUSUS ALLEGORICI.

Arfurus posito , corpus inane , rogo.
 Sic ego clamabam , puerum miseratus amantem ,
 Dum fluitat mediis lugubre pondus aquis..
 Piscis ut infectas rubri vider æquoris undas ,
 Et gravius solito pondere sentit onus..
 Ah dolet , iratusque necem sibi destinat ultor ,
 Et simili mortem solvere morte parat.
 Nec mora ; vicinam rapido legit agmine ripam ,
 Et siccâ corpus flebile ponit humo.
 Decernitque suo non esse superstes amori ,
 Et pars allati funeris esse cupit..
 Exanimique super jaciens se corpus amici ,
 Ipso se voluit iudice sponte mori.
 At tu, Nauta , vagam super ora jacentis arenam ,
 Injice , ne rapidis sint jocus ossa Notis.
 Et dic , dum tumulum præterlabere madentem ,
 Sit tibi terra levis , cui gravis unda fuit.

APODOSIS ALLEGORIÆ ,

Ex illu Ecclesiast. cap. 14: Memor Esto ,
 quoniam mors non tardat..


Circumfusa cohors aderat, studiôque videndi ,
 Undique finitimis venerat acta locis..
 Quæ postquam puerisque necem , fortémque do-
 lendam ,
 Nil profecturis irrita flevit aquis :
 Hic aliquis virgâ (virgam nam fortè tenebat)
 Hoc in arenoso litore carmen arat..



PUERI DEMERSI

E P I T A P H I U M.
AD NATATORES.

O. Ccudit æquoreis extinctus Ephebus in undis,
 Delphinus lethi causa, comèsque fuit.
 Tu dubio quicumque natans petis æquora cursu,
 Infidis ausus credere corpus aquis:
 Vive memor, nec tarda putes tua funera, si mors.
 Non properet terris, mors properabit aquis.

H I N N U L U S
FUGITIVUS.

LUDUS ALLEGORICUS

ELEGIA NONA.

Vos ego, Pastores, per vestrum obtestor
 ovile,

Perque armillatos, agmina fida, canes: (bis
 Vestra per armenta hæc, per quidquid amabile vo-
 Accinit argutis garrula canna modis.

Dicite (nam reliquis melius cognosse potestis.

An meus hæc fugiens hinnulus egit iter.

Hos, equidem reor, ille specus, hæc antra subivit;

Pertæsus Domini jura, manumque sui.

Hunc ego, dum capreis, damisque fugacibus insto,

Et rabidas tortis retibus arcto feras.

Hunc ego penè suâ nuper de matre cadentem.

Obstetrice tuli sedulus ipse manu.

Et candore rives, candore præibat olores,

42 LUSUS ALLEGORICUS

Et nivè si candet, si quid olore magis.
 Una nigro tenui fuit inter cornua labes,
 Cæteraque in niveo corpore lactis erant.
 Dignus is est, ego tunc dixi, qui vivat, & omnes,
 Vivat io, comites concinuere mei.
 Ille manum patiens sensim mansuescere cæpit;
 Inque meo acclinis velle cubare sinu.
 Ingenitos, quos prima dedit Natura, pavores,
 Et totam exuerat jam cicur ipse feram.
 Oblitus nemorisque sui, cervæque parentis,
 Carpebat manibus pabula lecta meis.
 Errabat serâque redux de nocte petebat
 Incusodito limina nota pede.
 Hunc ego perspicuas ductabam ad fluminis undas,
 Ut gelidis æstus attenuaret aquis.
 Huc eques in tergo residens vectabar, & illuc,
 Nam docilis norat fræna, jugumque pati.
 Aurea pendebant tereti redimicula collo,
 Pendebat resonis tinnula bulla globis.
 Cornua texebant fertis, & amica solebant
 Pectinibus matres comere colla suis.
 Hunc sibi dum peterent iterumque, iterumque sodales,
 Malo oculis, dixi, malo carere meis.
 Vix tanto, Cyparisse tibi delectus amore,
 Quo moriente, fugis vivere, cervus erat.
 Te Superi in viridem mutant post fata cupressum,
 Et fles, & tumulis flentibus arbor ætæ.
 Eternique tenens decus immortale viroris,
 In metæ faciem surgit acutus apex.
 His ego, vel paribus, mihi credite, luctibus angor,
 Et par, ni redeat, me quoque mœror habet.
 Immemor officij, caveamque perosus abivit,
 Rupit & hac unâ vincla, fidemque fugâ.
 Armillata suæ subduxit colla catenæ,
 Quam faber aurifici cuderat ante manu.
 Nam Phaëton tæos auro calaverat ignes,
 Dum patrios juvenis non bene rexit equos.

Dicite io rursus, quas perfidus ivit in oras?
Sic quibus in latebris, quam terat ille viam?
Dicite, sic vestros nunquam maga turbet amores,
Nec lupus in saturas irruat ullus oves.
Sic camuris submittat humus virgulta capellis,
Inque humilem referant ubera plena casam.
Pro quibus indiciis, pretium non vile laboris,
Capreolo dabitur caprea juncta suo.
Quàm metuo, ne quid noceat trucidis ira molossi,
Neu viridem rubro sanguine spargat humum.
Cur fugis infelix. Vel cur feritate reversa,
Naturæ renovas jura priora tuæ.
Aut age dic, quia nam te credulus impulit error
Imperjuratam jam violasse fidem.
Nec, qui textilibus cingat tua tempora fertis,
Nec puro qui te flumine tingat, erit.
Sed, quæ tarda trabent turpes sua plaustra bubulci,
Vix lutulenta tuam leniet unda sitim.
Humanis dapibus, mensæque assuerus herili
Insipidum carpes dura per arva cibum.
Quique prius stoream, tenerumque cubile præmebas,
Nuda super nudam membra locabis humum.
Sæpe nives, madidumque Jovem, sub tegmine nullo,
Sæpe privinosa frigora nocte feres.
Sive levem Zephyrus demittat ab ilice frondem,
Seu viridem moveat parva lacerta rubum;
Labentis folii minimo terrebere motu,
Et metues, cum nil quod metuatur, erit.
Ah, quid ages! cum te venantùm turba sequetur,
Teque prement levium rostra sonora canum.
Ergo ades, & reduci, fugitive, revertere cursu,
Et pacem à Domino, transfuga, posce tuo.
Ille dabit veniam, si te, tua facta gementem,
Errati videat pœnituisse tui.
Et mores & pectus Heri placabile nosti,
Ille nihil torvum, nil habet ille ferum. (stus.
Sed quid verba juvat, quid inanes perdere que-

42 LUSUS ALLEGORICE

Nec prece, nec querulis flectitur ille minis.
 Scilicet, illectus ipse libertatis inani,
 Imperium renuit rursus herile pati.
 I fuge, & arcanos nemorum pervade recessus,
 Nostra tamen poterat tutior esse domus.

APODOSIS ALLEGORIÆ.

Ex illo Jobi 11. Vir vanus in Superbiam
 erigitur, & tanquam Pullum onagri
 se liberum natum Putat.

Hinnuleus teneræ typus est, & imago juventæ,
 Quam vitæ allexit liberioris amor.
 Lufitat exultim, mediisque petulcus in arvis
 Hinnulus it latâ quò lubet ire, fugâ.
 Dumque timet nullas posita formidine fraudes,
 Induitur teretes credulus erro plagas.
 Aut, caput hamati trajectus arundinè teli,
 Concidit & madidam corpore plangit humum.
 Sic puer effractis cui blanda licentia vinclis
 Liberat imposito subdita colla iugo;
 Præfidens sibi jura sui, cervice solutâ,
 Vindicat, & vanâ credulitate tumet.
 Ah demens, in aperta, puer, discrimina tendis,
 Dum ruis excusso crimen in omne iugo.
 Te jaculo configet Amor, te mater Amoris,
 Nec fat bisgeminis hostibus unus eris.
 Dum licet, & nullis te Cypris adultera flammis,
 Dum licet, & nullo te coquit igne puer;
 Te recipe in tutum, quo te tuearis, asylum,
 Purus ut ex omni sit tibi parte pudor.
 Noxia libertas! nullis quæ obnoxia franis,
 Te, puer, in vitium quodlibet ire sinit.
 Utile servitium, fortunatissima compes,
 Arbitrii quæ te non sinit esse tui.

Musca



MUSCA

A R A N E Æ

DOLO IRRETITA.

LUDUS ALLEGORICUS.

ELEGIA DECIMA.

DUM volito liquidas suspensa per ætheris auras,
 Infima pennigeri pars ego musca chori;
 Jam longa lassata leves vertigine pennas,
 Sisto meam, fraudis nescia, sisto fugam:
 Putris araneolus, nebulosi velleris instar,
 Texuerat nullâ stamina ducta colo.
 Filâque connectens filis, atque orbibus orbes,
 Struxerat exitio vincla parata meo.
 Nam veluti dum sylvâ errans venator opacâ
 Spumantem, in cœnæ fercula, captat aprum;
 Continuo variâ saltus indagine cingit,
 Curvâque diversâ retia parte locat.
 Non aliter patrias exercet araneus artes,
 Inque suum textor pensilis instat opus.
 Et variis glomerata ligans retinacula filis,
 Apparat heu! nostro certa pericla gregi.
 Nec prius intermittit opus, quam fraude peractâ,
 Addita sint pedicis ultima fila suis.
 Protinus, ut videat muscas invisus euntes,
 Cautus in obscurâ proditor arce sedet.
 Excubiasque suis Dux, miles, & omnia castris,
 Ingruat ut visis hostibus, unus agit.
 At si quid raucio circumstrepit aëra bombo,
 Pervigil attentâ furrigit aure caput.

44 LUSUS ALLEGORICI,

Stabat in insidiis, partesque attentus in omnes,

An daret aëriæ se vaga musca viæ.

Accedo, nullòsque timens præfaga dolores,

Involò textilibus, credula præda, dolis.

At simul infremuit teneræ raucedine pennæ

Stridulus, arguto qualis ab ære, sonus:

Et concussa levi, sedeo dum lassula, tactu,

Imposito tremuit pendula tela pede:

Prævolat, intorñisque ligat me prædo catenis,

Et captiva gravi sub pede colla premit.

Qualis in auritum leporem Jovis ales ab æthrâ

Irruit, & trepidas milvius urget aves.

Pio facinus! patuere quidem, sed serius artes,

Jam fueram levium compede capta pedum. (rem?)

Quid facerem? quibus usâ dolis, quâ fraude redi-

An fugerem infidam Marte, vel arte feram?

Me miseram! neque enim laqueis exire licebat,

Nulla, capeßendæ spes mihi nulla fugæ.

Sic ego præmior, rostroque evisceror unco,

Facta venenatæ dapsilis esca gulæ.

Nam velut Ætnæo crudus Polyphæmus in antro,

Aur velut arentem fugit hirudo cutem.

Hostis arancolus laceros crudeliter artus,

Ungue rapit; mandit dentibus; ore vorat.

Et pellem, & truncas in honore vulnere pennas,

Postibus affigit, dira trophæa, suis

At vos, si sapitis, vestræ mandata sororis,

Et memori extremos condite mente sonos.

Non solis fugienda feris sunt retia; Muscæ,

Vos sociæ, exemplo rete cavete meo.

Ne tamen ignotâ capiat vos lurco figurâ,

Discite, se quali mole, vel ore ferat.

Exiguum caput est, ingentem excrescit in alvum,

At pes & reliquum cruscula corpus habent.

Sunt hæc parva quidem tortisque simillima cirris,

Sed quæ præcipiti turbine prompta volent.

Hinc verus est; fretusque suâ levitate superbit,

ausus in aligerum vel pedes ire gregem.
 et niger est, & membra nigro sunt fusca colore,
 Proditor est nigri pectoris ille color.
 alibus indiciis vobis erit agnitus hostis,
 Qui gerit in nostrum bella cruenta genus.
 Consulo sic vestris ego parva sororcula rebus;
 Unum utinam toto pro grege danda caput.
AT tu, pro meritis coram fatearis, Arachne,
 Quæ fuit exitij causa, quis ordo, tui.
 inscriptumque pari peraretur grammate limen,
 Nesciat ut vita crimina nemo tuæ.

ARANEÆ

METAMORPHOSIS.

[Lla ergo quæ patriis olim prælata puellis,
 Virginei fueram gloria prima chori:
 et pater, & genitrix parvis natalibus orti,
 Inclyta nec generis laude, sed arte fui.
 Namque mihi nomen Phrygiæ insigne per urbes
 Lanificæ quondam promeruere manus.
 et nunc è vetulo patior suspendia tigno,
 Crux tignum; filum funis; & ipsa rea.
 his ego suppliciis primæ luo crimina vitæ,
 Palladis ausa operi præposuisse meum.
 felix; si nunquam miseræ spes improba laudis
 Armasset stolidas in mea fata manus.
 Tu superam quicunque audes contemnere numen,
 Numen ab exemplo disce timere meo.



LUSUS ALLEGORICI.
 APÓDOSIS ALLEGORIÆ.

Ex illo Isaïæ, cap. 38. Præcisa est velut à
 texente vita mea; dum adhuc ordiner,
 succidit me, de manè usque ad vespèram
 finies me.

NE tibi det solos jocularis aranea lusus,
 Temperet innocuos Musa severa jocos;
 Et modo, dum ullas metuit sibi muscula fraudes,
 Visa repentinis occubuisse dolis.
 Ad lethum quocúnque loco, quocúnque paratus
 Tempore (si qua tuæ cura salutis) eris.
 Nam tibi supremam Lachesis meditabitur horam,
 Quo minimè credis tempore, quóque modo.
 In folio quem manè dies suspexit ovanter,
 Despicit in tumulo vespere sæpe dies.
 Tu, qui multa brevi fortis jacularis in ævo,
 Te ratus in longos vivere posse dies:
 Quid tibi venturos promittis inaniter annos?
 Lux micat hæc oculis fortè suprema tuis. (réas:
 Dúmque petis cyathos, speculum, calamistra, cho-
 Deproperat celeri mōrs tibi pensa colo.
 Dúmque tibi Pyliam spondes, male-caute, senectam;
 Pendula furtivâ stamina falce metet,





L U S U S P O E T I C I A L L E G O R I C I.

L I B E R S E C U N D U S.

A V I S C A P T I V A. L U D U S A L L E G O R I C U S.

E L E G I A P R I M A.

ILLA ego pennigeræ celeberrima gloria turbæ;
 Illa ego sydereas nata tenere plagas.
 Illa ego frondosæ docilis citharistria sylvæ;
 Vox nemoris; volucrum gloria; veris amor.
 Illa ego sollicitis solamen amabile curis;
 Clausa sub angusto carceris orbe premor.
 Me cohibent armata suis ergastula virgis;
 Nec licet in patrio vivere posse polo.
 O utinam implumes lacerasset vipera nidos!
 Dum cava maternus rumperet ova tepor.
 O utinam in primæ periissem limine vitæ;
 Hospita dum teneras sylva foveret aves.
 Non ego textilibus gemerem religata genistis;
 Nec quereretur lentos ire revincta dies.
 Expassis, pennata Parens, quid mollitur alis
 Fovisti tepido membra tenella sinu?
 Cur tuleras nocuam nidis pipientibus escam?
 Nec caderet longâ garrula turba fame.

E iij

48 LUSUS ALLEGORICI

Debueram periisse semel , ne sc̃pe perirem :

Ne morerer toties ; præstitit ante mori.

Jam mihi camporum tractus , Zephyriq; recurfant ,

Et nemora , & nidis lecta latebra meis.

Desertósque cavâ reminiscor in illice pullos ;

Quos modò vel coluber , vel necat atra famés ,

Incola nativæ , vos turba sororia , sylvæ ,

Et consanguineo gens mihi juncta gradu.

Vos , quæ securas libratis in aëre pennas ,

Pensilis , exilium , turba , dolete meum.

Vos Aquilæ , plorate meos , & flangite casus :

Vos ululæ , querulis exululate sonis ,

Flæ , rubicilla soror , luge fringilla ; coturnix ,

Lactificum pennâ plange sonante solum.

Lugeat extremo reparabilis ales in ævo :

Lugeatumnas pica miserta meas.

Antiquos quid mœsta doles , Philomela , dolores ,

Flenda tuæ jam nunc fata sodalis habes.

Sed ne fortè meis par pœna sororibus instet ,

Proderit has positi præmonuisse doli.

Fertilis æstivas jam triverat atrox fruges ,

Muneribus cumulans horrea plena suis.

Assolèt innocuas quâ tempestate volucres ,

Pascere lunatâ falce resecta Ceres.

Hic ego vicini volitans ignara pericli ,

Vellico triticeas , grana relictâ , dapes.

Me miseram vaser insidias mihi struxerat auceps ,

Fallere viscato vimine doctus aves.

Arboreæ mentitus erat ramalia virgæ ;

Imbueratque suos rorè sequace dolos.

Quin etiam in fraudis partem cava fistula venit ,

Proditâ sic causis una duabus eram.

Dumque virescenti fido temeraria virgæ ,

Aucepe mentitis insidiante sonis.

Impedij geminas tactis medicatibus escas ,

Nec licuit veritam vertere posse fugam.

Hic trepido , & , versans luctamine memet inani ,

Palpito, in æthereas rursus itura plagas.
Bis celerem molita fugam, bis, inutile pondus,
Hæreo; bis lento glutinè vincta moror.
Visco irretitas magis ac magis implicor alas,
Quò magis infidà surgere nitor humo.
Vidit ut arboreâ latitans venator in umbrâ;
Irruit in prædam protinus ille suam.
Atque ait, Admissi pœnas dabis impia furti,
Nec rapies messes rursus inulta meas.
Dixit & impliciti viscata coagula mellis,
Victrici properat dissociare manu.
Mèque fenestrati dedit in penetralia clathri,
Cogor ubi famulos ducere capta dies.
Quid facis infelix! cur me sine crimine damnas?
Non est arbitrio lis dirimenda tuo.
Tu mecum reus es; dignas subeamus uterque,
Tu fraudis pœnas, credulitatis ego.
Te nostris graviora manent ergastula virgis,
Si trutinam libret iudicis æqua manus. (deri:
Hæc ego dum queror; aut possum dum quæsta vi-
Obdidit angustas sedula dextra fores.
Fallimur, & verbo lapsæ peccamus in uno:
Non erat illa manus dextra, sinistra fuit.
Ah pereat, lenti quisquis medicamina roris,
Vel docuit miseras fallere primus aves.
Ah pereat, quisquis radiis, & vimine primus,
Sacrilegâ didicit texere claustra manu.
Cancellata prior qui vincula cuderat auceps,
Carcere vinciri debuit ille suo.
Sic bove mentito fertur mugisse Perillus,
Ingenio est illi pœna reperta suo.
Regi opifex dixit, latus hoc adaptile cernis,
Hos aditus, intro conjiciendus, habet.
Hactenus; at Phalaris, fies, ait, hostia, primus
Autor, & inventos experiere rogos.
Nec mora combustus lentâ fornace Perillus
Monstrato falsi mugit ore bovis.

Debuit artificem noster quoque cludere carcer:

Verſaque in autorem pœna redire ſuum.

Debuit hæc torquere reos vindicta nocentes,

Quos verſata gravis iudicis urna premit.

Nil mihi labis ineſt, labes niſi forte putetur,

Exiguò longam farre levare famem.

Et tamen inſimulor furti, dicorque ſubaſto

Subripuiſſe vorax ſemina jacta ſolo.

Inde volatilius ſtipes veſtitus abolliſ

Ponitur in medio, terror inanis, agro.

Id ſi crimen erit, non conſcia nulla volucris,

Nullaque non conſors criminis huius erit.

Accipiter damnandus erat, qui ſæpe minores

Alituum ſævo diripit ungue greges.

Falcoque damnandus, rigidis qui ſemper in armis

Vivit, & infirmas fortior urget aves.

Attramen audaces deſcribit uterque volatus,

Aëriaſque vagus circinat erro plagas.

Ruris opes formica rapit, longumque per agmen

Furtivas tacito convehit ore dapes.

Nulla tamen duras paſſa eſt formica cataſtas,

Nulla catenatos viſa ſubire dolos.

Sola luo pœnas, furti damnata volucris,

Sola licet non ſim conſcia, ſola luo.

Sed quid plura queror? quæ me priùs alite pennâ

Suſtulit, illa meas diſſipat aura preces.

Quàm venit iſta meæ modò ſors contraria forti,

Quàm vitæ eſt diſpar hæc modò vita meæ!

Me, prius aërias docilem volitare per auras,

Jam teſtudo cavi fornicis arcta tenet.

Denſa interruptæ modo per diſcrimina cratis,

Vix oculi ſpatium, quò jaciantur, habent.

Quæ prius eliſo frangens modulamina cantu

Criſpabam tremuliſ roſtra minuta modis:

Nunc mihi præcluſis vox aſpera faucibus hæret:

Oraque nativos dedidicere ſonos.

Flebilibus deducta modis lugubria ſûndo

Carmina, servitij nuntia signa mei.
 Sæpè etiam impubi dedor jocus esse juventæ,
 Quæ pedibus stringit stupea vincla meis.
 Dùmque notos feror in tenues, oblita teneri,
 Ridet, & è mediâ me trahit illa fugâ.
 Obluctans, stupâsque volens exire morantes,
 Intricor geminos illaqueata pedes.
 Accedit nostris non ultima cura periclis,
 Captivas solitus mandere felis aves.
 Penè per insidias vitam mihi nuper ademir,
 Dum varia nostros circuit arte lares.
 Nunc hos, nunc illos aditus tentabat, & omnem
 Lustrabat cupido lumine prædo viam.
 Quid facerem? neque enim cavèa me exire licebat,
 Quod superest; septis curro, recurro meis.
 Jam pede quassabat repetitis ictibus audax
 Bellua texta meæ dejicienda domus.
 Et nisi versato strepuissent cardine postes,
 Capta forem rabidæ præda futura gulæ.
 Ostiolo si quando mihi datur esca recluso,
 (Nempe sit ut pœnæ longior hora meæ)*
 Sæpè ego deluso meditor custode reverti,
 Sed vetat oppositâ janua prompta ferâ.
 Sæpè pigros alis trepidantibus increpo ventos,
 At spatio carcer me brevior premit.
 Sæpè ego cancellos, & rasile vellico vimem,
 Exiguam rostro sollicitante fugam
 Ast omnes scrutata vias hoc carcere claudor,
 Experiens lacrymis omnia furda meis.
 Cur cohibet miseram custodia tanta volucrem?
 Cur patet effugio rimula nulla meo.
 Cantus obest; cecinisse nocet; nocet esse loquacem,
 Quæque fuit multis, est mihi lingua malo.
 At prius alitibus, tunc cum meliora fuerunt
 Tempora, certamen garrulitatis erat.
 Nunc silet, & tacitâ volucris se voce coercet,
 Si qua veli longos ducere tuta dies.

52. LUSUS ALLEGORICI

Cernite securas , examina lata , volantes ,
 Quæ modo nil , quare decipiantur , habent.
 Liber agit bubo ; grus libera , libera cornix ,
 Liber agit pluviz graculus autor aquæ.
 Me , quia sum nemorum , verisque canora voluptas ,
 [Mercedem hanc metuit musica] carcer habere.
 Non aliter , si sacra licet conferre profanis.
 Abdita velato vertice virgo later :
 Quam virtus , & plena Deo Ductore voluntas ,
 Et vitæ in claustrum dat melioris amor :
 Id tamen est unum discriminis inter utramque ,
 Quod clathrum patitur sponte , coacta fero.
 Sic reus innumeris circum undique cingitur armis ,
 Sic Scythicus cæveæ pompa Tyrannus erat.
 Sic Labyrinthi vario curvamine septi
 Semivirum implicuit Dædala Creta bovem.
 Non metum vastas pueri cognominis undas ,
 Si foret Icariz spes super ulla fugæ.
 Sed mihi nulla fugæ , spes est mihi nulla salutis ,
 Nulla , meis spes est nulla relicta malis.
 Nulla mihi amissâ spes libertate potiri ,
 Nulla mihi cælo liberiore frui.
 Non erit ulla dies ; quâ , fractâ compede , possim
 Libera per patrios ire , redire polos.
 Non erit ulla dies ; quâ vinclo exuta tenaci ,
 Ire queam tribubus consociata meis.
 At tu quem penes est servandæ cura volucris ,
 Accipe quæ tecum fas mihi verba loqui.
 Te si fortè meæ mover inclementia sortis ,
 Pande catenatas , sed cito pande fores ;
 Pande fores , cæloque , precor me redde patenti ,
 Et sine me pennâ præpete rursus agi.
 Rimosum furabor iter ; fac janua corpus
 Admittat modicâ semiadaperta viâ.
 Longa fames talem corpus tenuavit in usum ,
 Nam mihi vix macri corporis ossa manent.
 Pande fores ; sic nulla tuas retinacula plantas ,

Nulla tuas possint stringere vincla manus.
 Si tamen es scopulis & carcere durior isto ;
 Hæc saltem in claustro carmina scribe meo.

INSCRIPTIO CAVE Æ

Hic gemit impositis volueris captiva catenis ,
 Cui dedit ætatos aucupis ira lares :
 Illa quidem admittæ rea dicitur esse rapinæ ,
 Hanc Cereris granum si facit esse ream.

APODOSIS ALLEGORIÆ.

Ex illo Psalmi 141. Educ de custodiâ
 Animam meam.

Hæc ego dum canerem , satis est, satis, inquit
 Apollo :
 Reddenda est tenebris lux modo clara tuis.
 Siparium remove , remove simulamina , vates ,
 Tempus inutilibus cur teris omne jocis.
 Sic mihi Phœbus ait : Phœbo sic ipse monenti
 — Pareo ; nam sacris vatibus ille præest.
 Exhibet humanam fragili sub corpore mentem ;
 Condita quæ texto vimine mæret , avis.
 Utque Notos sese expediens everberat alis ,
 Nequiequam in trepidam se dare nisa fugam.
 Sic tetricæ mens passa diu fastidia vitæ ,
 Increpat ingratas temporis usque moras.
 Corporeâ , clamat , quis me contage resolver ,
 Longa sat exilii jam fuit hora mei.
 O patriâ ! ô superi, Divûm domus inclyta, cæli !
 Pegasus ô ! ô me si quis in astra vehat !
 Quod licet, huc cum voce manus, huc lumina tendo:
 Quoque pedes renuunt currere, vota volant.
 O, quæcunque hominum netis rata pensa, sorores,

54 LUSUS ALLEGORICI.

Quas penes est vitæ summa, modûsque meæ :
 Has per ego lacrymas, per & hæc suspiria, quasce,
 Rumpite, præcipiti rumpite fila manu.
 Rumpite ; nam vinculis amat ille tenacibus uri,
 Qui gravido solvi corpore cunque timer.

B O M B I C I S
 LANIFICIUM.

LUDUS ALLEGORICUS

ELEGIA SECUNDA.

DUM meditor Bombicis opus, textique se-
 pulchri

Fila per artificem sæpe reducta globum :
 Instrue [nam simul es modulari, & texere solers]

Vatis inexpertas ; docta Minerva, manus.

Tu pariter nenti, pariter succurre canenti ?

Utrâque tutelæ subdita cura tuæ.

Sol ubi pulsam hyemem flammis melioribus egit:

Et victor multâ luce coruscus orat,

Ova [gregis germen] soboli servata creandæ,

Castâ nurus tepido condit operta sinu.

Nec pudor est niveas inter fôvisse papillas :

Tanta novæ gentis gloria, tantus honor.

Ter caput eôo vix extulit æquore Titan,

Ter caput Hesperis vix quoque merfit aquis :

Ecce [quis hoc credat ?] nisi sint & lumina testes,

Incipit attonitâ serpere fetus homo.

Nam soboles vacuas paulatim erumpit in auras.

Dum sensim insinuat mollis in ova tepor.

Si licet exiguo saxum prægrande lapillo,
 Et catulis matres æquiparare suis,
 Non aliter, Cadmo dentes jaciente per agros,
 Prodiit armata fronte timenda seges.
 Aspicias fervere novis animalia formis:
 Dum narum exceperit carbasus alba gregem.
 Ut primum hauserunt tinea spirabile lumen,
 Sollicita poscunt pabula lecta manu.
 Proderit in validis si sedula præsit alumna
 Legitimos nondum passa puella toros:
 Et super injiciat pleno studioso canistro
 Quas modo virginco carpserit ungue, dapes.
 Vermiculis Thibæa dabit reptantibus arbor,
 Rodendas rauco molliter ore dapes.
 Appositas jejuna cohors ruit omnis in escas,
 Et curvo ambesum circinat orbe cibum. [ber:
 Non tamen has appone edulas, quas sparserit im-
 Tentabit tenerum, si madet esca, pecus.
 Post ubi ter niveæ latuerunt cornua Lunæ:
 Nec Bombix vesco germine rursus eget:
 Attollit sese resupinus, & omnia lustrat;
 Sicubi det fragiles alta myrica lares.
 Repit in erectas ramosa per atria virgas
 Et patrium fullo penilis ornat opus.
 Hic sedes locat, hæc primi fundamina testi,
 Hæc faber ovatam fornicat arte domum.
 Interea nullæ stridunt in robora ferræ,
 Perstreperit ingrato lamina nulla sonò.
 Nulla redemptorum auditur vox nulla fabrorum:
 Ipse sibi gnomon, ascia, libra, tudes.
 Materiemque suâ sibi sufficit unus ab alvo,
 Filaque nobilibus nobiliora cedris.
 Id certe humanæ in primis mirabile menti,
 Divitis egeries unde laboris eat.
 Nam neque cæruleo cultor serit hispida lino
 Rura, nec auratas forfice tondet oves.
 Auricomæ pretiosa rument præcordia filo,

Pœtaque inexhaustas suggerit avas opes,
 Nunc plicat innatæ sinuosa volumina gazæ,
 Nunc replicat filis fila retexta suis.
 Nunc variis varios interferit orbibus orbes;
 Nunc gracili rarum pectine densat opus.
 Fas nulli cessare, locus requiescere nulli,
 Nulla labore dies, nox quoque nulla vacat.
 Non tamen unius species est una laboris;
 Orsus hic est, hic vix cernitur, iste latet.
 Sunt qui, dum nimio laudis stimulantur amore,
 Ante suum, ah miseri! procubuerunt diem.
 Tantus amor laudum, & texendi gloria fili,
 Ut decus hoc emptum vel sibi morte velint.
 Ite, levès animæ, rursusque in corpus ituræ,
 Syderis in nitidum vos decet ire locum.
 Si tenet astra Leo; si taurus in æthere fulget,
 His quoque, me, Bombyx, iudice, dignus erit.
 Dum moror; interea reliqui sua vellera texunt,
 Et fundunt uteri, flamina, ditis opes,
 Hic graciles nebulas, & fila renerrima ducit,
 Folliculumque levè carminat ore suum.
 Tendit, vel venti, vel textilis aëris instar
 Læva visceribus volvitur ab usque suis,
 Defixos intende oculos, subtilia possunt
 Fila sub aspectum vix cecidisse tuum,
 Et neque tacta putes tangi, neque visa videri.
 Crassior est minimi vel levis umbra pili.
 Lyncea falluntur tenuato lumina tractu,
 Idque nihil jures esse, quod ipse vides.
 Bombycem solerte putes à Pallade doctum,
 Tam bene palladiæ perficit artis opus.
 Penelopes radium, radium quoque vincit Arachnes:
 Quasque trahis, vincit, Lydia virgo, colos.
 Cedit opus Regina, tuum, Sydonia, cedit
 Quidquid Mygdoniæ composuere manus.
 Talia nec Belgæ discunt, nec fingere Turcz:
 Utraque gens artis sit licet hujus amans.

O ego tam dextro ducam si pollice carmen,
Quàm facili bombyx pectine fingit opus:
Credo equidem, docto carmen sit Apolline dignum
Nec mea Lethæis charta madescat aquis.
Vermiculus teretis speciem molitur in ovi,
Inque rotundatum vellera curvat opus.
Ut caput uberibus dum pomifer extulit arvis;
Autumnusque suas pandit adultus opes.
Poma, coronatos curvantia pondere ramos,
Arboribus pendent, munus edule suis.
Pendula sic plenas onerant glomeromina frondes.
Hæc plerumque oculos cepit imago meos.
Non tantum proprios bombyx operatur in usus,
Ille labore homines ornat, & ille Deos.
Vell' eribus sacrata suis altaria vestit,
Et sua velandis regibus exta vomit.
Vestimenta aliis, sibi provider ipse sepulchrum;
Lanzæ tam dispar unius usus erit.
Nam sibi Dadalæa quod cuderat arte lucanar:
Fit tumulus subito, quæ fuit ante domus.
Te deceat bombix, modici quicunque sepulchri
Immemor, immensas construis usque domos.
Namque ubi defectæ meruit dispendia vitæ,
Et fati extremum sentit adesse diem.
Ut multi occurrant casus, brevis omnibus ætas:
Vix ulli Lunæ tertius orbis eat.
Protinus artificii senior componitur urnæ;
Hoc ego crediderim fuere velle mori.
Ipse propinquantis dispensat stamina fati,
Nec secat expletam Parca severa colum.
Ipse sibi Lachesis, pollinctor, præfica, lessus:
Ipse sibi loculum destinat, ipse rogam.
Sæpè etiam gemini tumulo clauduntur codem,
Et socio unus jungit uterque globo,
Ac veluti vivax post sæcula dena volucris
Sternit odorifero membra novanda rogo,
Non aliter rupto bombyx redivivus ab ovo

38 LUSUS ALLEGORICUS

Nascitur, & primos ducit, ut ante, dies.
 Nonne vides quanto tentans molimine rursus
 Niritur experto se dare posse polo?
 Et tenuem fodicat, quâ se prius abdidit, urnam,
 Rostello exiguum perterebrante viam:
 Quique prius reptabat iners, modò carcere liber
 Evolat, & segnem despicit ales humum.
 Repperit in tumulo nativas divite cunas:
 In cunis tumulum repperit ille suum.

BOMBYCIS EPITAPHIUM

Bombycis dum fata vides, & pensile bustum,
 Quosque sibi mirâ condidit arte rogos:
 Quid Mausolei miraris inania busti
 Pondera, quid medio pendula saxa polo.
 Aspice utrumque rogam; dices si vera fateris,
 Ditius est, bombyx quod sibi struxit opus.
 Quocunque in tumulo, quacunque jacebit in
 urna,
 Non alio poterit mollius esse loco.

APODOSIS ALLEGORIÆ

Ex illo Ecclesiastici cap. 22. In vestitu ne
 glorieris unquam, nec in die honoris
 tui extollaris.

Tu quicunque tumes filo spectabilis auro:
 Et latam panno divite verris humum:
 Has tibi, si nescis; tinea nevere lacernas,
 Hoc tibi, quo tumidus, tinctile vellus ovas.
 I nunc, & Tyrios jacta tunicatus honores,
 Quam geris hanc vermis gesserat ante togam.

PHOENIX

PHOENIX
REDIVIVUS.
LUDUS ALLEGORICUS

ELEGIA TERTIA.

NOBILIS Eoâ locus est circumfluvius undâ,
Quem primis oriens Cynthus afflat equis.
Non tamen immodicis regnata coloribus ardet,
Aut pigra brumali frigore torpet humus.
Ver ibi perpetuum, pictisque Favonius alis
Spirat, & ambrosias parturit ore rosas.
Poma recurvatis pendent demissa flagellis,
Inque ipsos veniunt sponte voluta sinus.
Ipsa suas pariunt inarata novalia messes,
Ipseque gemmifero grandinat imbre polus.
Civus inexhaustis saliens exuberat undis,
Dividuasque vago segmine fundit aquas.
Quaque coloratos interfluit unda lapillos,
Offensis queritur lenè susurrus aquis.
Gratuitis sudata fluunt opobalsama nimbis:
Qualia Panchæi vix ferat uber agri.
Non timet humanæ regio contagia labis,
Flagitiumque locis omnibus omne fugit.
xular hinc & morbus iners, & curva senectus,
Et dolor, & trepidi, pallida turba, metus.
ulla machaonios præbent medicamina succos,
Phœbe tam nullus flagitat æger opem.
verrant vegetusque vigor, lævisque juvenas,
Et jocus, & sociis Nympha, Charisque choris.
ndique planities in apertum funditur æquo,
Nam neq; mons crescit, nam neque vallishiat.



60 LUSUS ALLEGORICI.

Hic sylva æternos viret indetonsa per annos :
 Quæ sibi de solis nomine nomen habet.
 Dum Phaëton patriis temerarius omnia flammis
 Ureret , hoc sospes lucus ab igne fuit.
 Dumque superfluis naret tener orbis in undis ,
 Deucalionæ restitit unus aquæ.
 Hæc nemora , hos ales Titanus incolit hortos ,
 Hæc fovet unigenam sylva fidelis avem.
 Nec reliquas quæ vilis amat nutrire volantes ,
 Vel fugat unda sitim , vel levat esca famem
 Sed thuris lacrymas , & , quæ de divite passim
 Matutina fluunt æthere , mella bibit.
 Reliquias superûm , dum mensâ Aurora remotâ
 Impluit in bubulam fusile nectar humum.
 Hunc & odoriferæ spirabilis halitus auræ .
 Et cognata sui flammula Solis alit.
 Has epulas , hæc unus init convivia Phoenix :
 His habitat ? quæ sunt jam memorata locis.
 Non satis id cecinisse putat citharædus Apollo ,
 Sed modo quam speciem præferat ales , habe.
 Errigitur cristatus apex , & vertice summo
 Stella serenatâ nubila luce secat.
 It geminis jubar ex oculis , Tyrioque veneno
 Crura ; rubris radiant plumæa terga notis.
 Attevolat Zephyrorum animas pernicibus alis ,
 Quas suas innato flore colorat honos.
 Qualibet explicitos oculorum circinat orbes
 In mediis late pavo superbus agris.
 Aut hos , aut etiam numero superante colores ,
 Picta renascentis penna volucris habet.
 Quod mirere magis , Veneris connubia nescit ,
 Ut reparet gentis damna vicesque suæ.
 Nam sator est , sobolesq; sibi, sibi posthumus hæres:
 Ipse sui generis limes , & ipse caput.
 Nempe ubi millenos Phœbi rota transiit orbes :
 Phœnicemque premunt sæcula dena senem :
 Ut juvenes iterum melior revirescat in annos ,

LIBER II.

61

Sole suo nostrum mutat, & orbe solum.

Mortalésque plagas Siriae moritura volucris

Debilior, senio membra gravante petit.

Phœnicis sibi servat adhuc Phœnicia nomen,

Quæ juvenescentem conscia cernit avem.

Arcanos palmeto petit per devia lucos.

Explicat intonfas hîc ubi sylva comas.

Tum vicina legit nitentem ad sydera palman,

Altè quæ totum protegat una nemus. (ras,

Inter enim reliquas magis hæc accommoda plan-

Quæ sibi Phœnicis nomen: & omnen habet.

Hic nidum victura locat, moritura sepulchrum,

Nam parat, ut vivat mortua, viva mori.

Ore simul, simul ungue suum sibi præfica bu-
stum

Fingit adornatis immoritura rogis.

Substernit quidquid tepidis Panchaia sylvis,

Quidquid alit sæto gleba Sabæa sinu.

Quidquid & Assyrius, quidquid sibi colligit Indus,

Quidquid & ardenti sole perustus Arabs.

Mox ubi mirandum vitæque, nescique theatrum

Ipsa sui fati præscia stravit avis

Hîc sedet; exiguas dum Sol jacet igneus umbras,

Et metâ ex æquo distat utrâque dies.

Vespillòque sibi felix, circûmque suprâque

Injicit arsurum frugis olentis onus.

Mox noto Tirana patrem clangore salutat,

Sèque petit flammæ missilis igne mori.

Ignigenam, dicâmnè pater; dicâmnè peremptor:

Solatur simili murmure Phœbus avem.

Astrorum, cælique cliens, nemorisque sacerdos;

Quæ genus à nullo nata parente refers.

Aut tua si horunt aliquem cunabula patrem,

Edita tu magni filia Solis eris.

Exue longæ vos stratis in odoribus annos:

Et quo depereunt cætera, vive rogo.

Mortis adi, vitæque vices; tibi namque renatæ

62 LUSUS ALLEGORICI

Ipsa, vel invitâ morte superstes eris.
 Ex oreris, morerisque simul, tibi funebris idem,
 Natalisque idem fulget ab axe dies;
 Hæc fatûs, vibrat è radiis jaculabile fulgur,
 Auricomum quatiens terque quaterque caput.
 Decurritque volens riguo per nubila tractu,
 Lux in odoriferam iponte voluta pyram.
 Ecce tibi, crepitante rogo, reparanda volucris
 Æstuat, atque ultro gaudet in igne mori.
 Ex tumulum ardentem repetito verberare pennæ
 Excitat, & laterum plausibus ala juvat.
 Flagrat Achæmenius succis fragrantibus agger;
 Primævamque ferax parturit ignis avem.
 Viventis thalamus; tumulus morientis, & una
 Officii geminas exhibet urna vices.
 Interea volucris Natura laborat in unâ,
 Ne pereat flammis irreditiva suis.
 Parce metu, rerum ūlma parens; jam spontemoveri
 Incipit attonito viva favilla rogo.
 Perque cævos venarum aditus sinuosus inundat
 Sanguis, & arcanus gliscis in ossa vigor.
 Succeditque sibi melior, falsâque renalcens
 Morte, senescentem decutit ales avem.
 Felicem reperit, Parcâ obstetrice, juventam,
 Et eunas bustum quod fuit, esse probat.
 Ut vetus, utque nova est, quæ vivit & interit ales;
 Nec nova, nec metus est, quæ prius ales erat.
 Sic revolubiliûm nova per miracula rerum,
 Fit modo progenies, qui fuit ante parens.
 Non aliter, magici succo medicaminis, Æson
 Sæcla redorditur, quæ prius orsus erat.
 Alituum glomerata phalanx Phœnicis ad ortus
 Advolat, & circum mœrmure fusa fremit.
 Nec tantum viles animæ comitantur euntem,
 Pica loquax; mollis passer; aquosus anas,
 Ipse etiam subit accipiter, pavorque superbus;
 Quæque gerit domino tela trifulca Iovi.

Et reliquæ, quæcunque volant per inane, volucres
 Regis honoratum devenerantur iter.
 Ille præit, claràmque volat Titanis ad urbem,
 Et Pelusiacæ tendit in arva plagæ.
 Reliquias, cineresque rogi pia colligit ales;
 Sive rogum mavis dicere, sive torum.
 Et pedibus, gratoque ferens anathemata rostro,
 Solis in æde memor numeris, ipse locat.
 Accurrit visura novæ primordia vitæ,
 Turba parætonios quæ tenet hospes agros.
 Utque operis tanti monumēta perennia restent,
 Sculptitur æternis resque, diēsque notis.
 Turbæque miratrix, Patrias dum tendit ad oras,
 Soligenam simili voce salutat avem.
 Vive Parens, hæresque tui, quibus omnia cedunt,
 Principium vitæ dant tibi fata tuæ.


APODOSIS ALLEGORIÆ.

Ex illo Ioan. cap. 5. Procedent, qui bona fecerunt, in resurrectionem vitæ; qui verò mala egerunt, in resurrectionem iudicii.

Sed quid Achæmenios tumuli genialis honores;
 Vel loquor Assyrii cinnama quassa rogi?
 Fœcundosque rogi cineres animæque renascens
 Dum tardam properat sollicitare necem.
 Explicat humanæ reditura exordia vitæ,
 Quæ sua post vivit funera rursus avis.
 Nam, spatio annorum circumvolvente, jacemus,
 Inclusi modico pulvis, & umbra rogo.
 Ast ubi vindicibus, quas impluet igneus æther,
 Purus erit flammis, ut prius orbis aquis;
 Exanimis animans mens insinuabitur artus,
 Et recidiva novus serpet in ossa tepor,

64 LUSUS ALLEGORICI.

Surgite , funerei , clanger tuba , surgite , manes ,
 Tristis ad extremum vos citat urna forum.
 Horrificum belli ? non pacis amabile signum ,
 Tristè coloratis proferet Iris aquis.
 Nimirum medio curvabitur arcus olympo ,
 Ut diro intortas vibret ab axe neces.
 Judicis ipsa duas feret æquo exàmine lances
 Formidanda malis dextra , benigna bonis.
 Nulli impune nefas erit admisisse piandum ;
 Infantesque manet præmia , pœna reos.
 Pars hominum Stygias petet execrabilis undas ,
 Sorte petet meritos pars meliore polos.
 Tu sapiens momenta tuæ sic digere vitæ .
 Ut omnes æthereis annumerè choris.
 Felicésque rosis ; violisque perennibus hortos ,
 Quos neque Sol urit, quas neque bruma, colas.



AVICULA
 NIDIFICANS.
 LUDUS ALLEGORICUS
 ELEGIA QUARTA.

C E S S I t ubi Boreas Zephyri genialibus auris.
 Celsit ubi pulso frigore turpis hyems :
 Arboribus sua forma redit , sua gratia campis :
 Ornatuque solum versicolore niter.
 Ludit inæquali compactis ordine cannis
 Graminis oblitus Dux gregis inter oves.
 In pratis resoluta comas , evincta papillas
 Exiit alterno Gratia terna pede.
 Non cessant querulæ tenerum tinnire volucres ;

Et dare festivis carmina mista sonis.

Grus gruit ; accipiter pipat ; gallina gracillat :

Gratitat anser , olor drensat , alauda fremit.

Bubulat horrendum bubo , tu , butio , bubis ;

Pulle , pipis , croticas , corve : retrinnit anas.

Trinsat hirundo : aquilæ clangunt : tu psittace ,
garris :

Strix stridet : cucubat noctua ; milve , lipis.

Cucurrire solet gallus : cuculare cuculus :

Pica loqui , trutilas , turde : columba , gemis.

Æquoris alcyones , nemoris canit hospes ædon :

Pupillat mediis pavo decorus agris.

Urque suæ pensent damnum reparabile gentis ,

Has teneræ sobolis vividus urget amor.

Ergo , latebrosâ sedem sortita sub umbrâ ,

Fingit avis luteos , Dædala texta , lares.

Parvaque metandis intenta penatibus hospes

Nidifico casulam fabricat ore brevem.

Tomentum , tricasque legens , culmosque volantes ,

Textile cænofo glutine nectit opus.

Inferior regum status est , quibus ampla domorum

Atria molitur nocte , dieque labor.

Vix tamen alta sui crevère palatia parte ,

Cum mors , cede novis ædibus , hospes , ait.

Ut volucris properat paucis sibi tecta diebus ,

Nec numerosâ operis mole fabrilis eget.

Nulla dolabra , bidens nullus , nullæque secures ,

Malleus offensâ nullus in aure sonat.

Nec ferri rigor auditur , nec plaustra trahuntur ,

Nec secat iliceas stridula ferra trabes.

Nulla cavis percussa gemit fornacibus incus ,

Nullus cardo : foris nulla , nec ulla sera est.

se locator , & ipse redemptor , & omnibus unis

Sufficit , ut totum construat ales opus.

luxuries procul omnis abest : nec , limine primo.

Régia magnificas explicat aula fores.

c curvus rutilâ fulget testudine fornix ,

66 LUSUS ALLEGORICI.

Nec sedet Oebalio marmore fulta domus.
 Has moles, hos ridet avis paupercula luxus:
 Ridet Cæsareos, pendula saxa, tholos.
 Nam sibi quam volucris, parvisque hæredibus,
 arcem,
 Fabricat, hæc nullis sumptibus emta venit.
 Vix stetit ad summum perducta domuncula finem,
 Ipsa quidem tenuis mole, sed arte gravis.
 Hanc sedem, ut longos nova gens sobolescat in
 annos,
 Hanc generi mater destinat alma suo.
 Et super expansis germen complectitur alis,
 Plumosoque fovet molliter ova sinu.
 Ova fovet, nidoque parens incumbit uterque,
 Et varias subeunt sæmina, masque vices.
 Conditur oblongo, soboles captiva sub ovo:
 Et teres inclusa stirpe tumescit onus.
 Jamque moræ impatiens erumpere gestit in auras
 Pullulus, & cælo liberiore frui.
 Clausa obstat domus, atque ovi densissimus umbo:
 Et nullâ circum rimula fissa viâ.
 Lumen, in angustos tandem insinuat hiatu,
 Punctâque rostellæ cuspide claustra patent.
 Frangitur alveolus, modo natæ ergastula proles:
 Inque duas partes carcer apertus hiat.
 Jam nullum albumen superest: nullusque vitellus:
 Et tener è vacuis ædibus hospes abit.
 Pipilat involucer pullus; dum molle putamen
 Deserit, effractâ, lætus abire viâ.
 Fragmina ne modico sint pondus inutile nido,
 Pellit in immundam provida mater humum.
 Indigesta salit rupto de germine proles:
 Et quam, vix aliquis dicere possit avem.
 Serpit humi, tardoque movet corpuscula gressu:
 Nilque minus, quam quod dicitur esse putes,
 Vix tremulum quiddam pipienti voce fritinnit,
 Vix refugo plenam sustinet ore diem.

Comminuunt

Committunt mansam natis hæredibus escam
 Aliger aligerâ cum genitrice parens.
 Inque vicem dapibus rostella famelica complent,
 Alternamque alrix præstat, & altor opem.
 Et quoties pleno convivium gestat ab arvo,
 Nutriat unde suum mater amica gregem:
 Erecto tepefacta super cunabula rostro,
 Conspectis inhiat garrula turba cibis.
 At ubi collegit vires, roburque recepit,
 Et sensim tacito tempore crevit avis;
 Implumem lanugo cutem mollissima vestit,
 Qualis in arboreis fœtibus esse solet.
 Digeriturque suos moles informis in artus,
 Jamque oculi vires, ut tueantur, habent.
 Tum nova se rerum facies mirantibus offert,
 Solis inaspecto dum licet ore frui.
 Et circumciliunt, pennisque minoribus ardent
 Mollia stramineæ linquere claustra domus.
 Naturâ Matrem incipiunt cognosse magistrâ,
 Turbâque nutricem palpat alumna suam.
 Et plausu alarum trepido, cantûque salutat;
 Quâque potest grates voce referre, refert.
 At pia se rursus vastum dat in aëra mater,
 Quæsitura suo fercula nota gregi.
 Iunc bruchos, viridesque redit venata locustas,
 Et reliquas; pleno quas gerit ore, dapes.
 Et licet ipsa parens ardore prematur edendi,
 Abstinet à placitis sobria rostra cibis.
 latusque dapes in partes dividit æquas,
 Nec socius socio plusve minusve capit.
 imque suæ soboli justum partitur amorem;
 Nulli plus æquâ parte benigna favet.
 quamvis faveat, nulli tamen invidet alter;
 Nec tangit fratrum pectora livor edax.
 s etiam irrupto jungit concordia nexu,
 Et sacra fraternæ fœderi pacis amant.
 mque tot existant, nidus tamen omnibus unus

68 LUSUS ALLEGORICI.

Sufficit, hæc sedes omnibus ampla satis,
 Interea volucris crescens in corpore pluma
 Spem facit æreas carpere posse vias.
 Induitur varium proles pennata colorem,
 Et secum nata veste superbit ovans.
 Nunc vacuum tremulis eventilat æra pennis;
 Et tentat, quo se tollere possit, iter.
 Nunc cælum, tenuesq; loquax circumspicit auras,
 Et canit indocili gutture molle melos.
 Jam piget ignavos diuturna per otia Soles
 Matris in egelido delituisse sinu.
 Hæc ubi pannigeræ vis est manifesta parenti,
 Legitimæ robur cernere proles amat.
 Et notæ subdit stimulos hortamine vocis.
 Quæque poli valeant parte volare, docet.
 Illa præt, sternitque viam monstratque moveri
 Lentius, & celerem temperat usque fugam.
 Dumque suas agit, pullorum respicit alas,
 Nec sibi, sed tenero providet illa gregi.
 Jungit iter, matremque sequi non passibus æquis
 Incipit attonito filia plena metu.
 Nam quamquam rudis ales amet tentare volatus;
 Audet inexperta vix tamen ire viâ.
 It primûm pavido circum sua tecta recurso;
 Et gyro nubes inferiore fecat
 Interdum accipiris strepitantibus excita pennis;
 Palantes genitrix territa cogit aves.
 Mox ubi debilibus fidens audacia crevit;
 Cordâque degenerem dedidicere metum:
 Desertam exuperat soboles tyruncula matrem;
 Antevolatque suam prævia turba ducem.
 Et celeri ruit exultim, super æthera nifu,
 Immemor ad patrios ire reversa lares.
 Hac satis est cecinisse tenus; jam supprime cursum;
 Et sine pennatos quolibet ire greges.
 Nempe puellares frustra vexabere plantas;
 Si pedes aligeras, musa, sequaris aves

P O E T A

EPIGRAMMA AFFIGIT

Arbori, ex quâ Rusticus nidum dejecit.

Non faciam, parvis illex male-commoda cunis,
Cortice quin portes carmina pauca tuo.

Enixura pennata puerpera fœtus.

Hic mirâ exiguam struxerat arte casam.

Nam cœno, paleâque leves fabricata penates;

Tollebat generis spēmque, metūmque fui.

Et reputat, nemori prolem dum tradit habendam,

Provida se rebus consuluisse suis,

Heu volucrum ignaræ mentes; gens cæca futuri;

Depositas fagus perfida proderet opes.

Nam dum mater abest, totoque volutis arvo

Quæritat, unde suum nutriet alma gregem

Dejicit implumes nidos crudelis arator,

Porticâque in partem criminis alta venit.

Illa redit, captâmq; videt, quam condidit, arcem;

Et dolet hæredes interiisse suos.

Fronde sedet, longūmque gemens tristes hymenæos

Plorat, & argutos questibus implet agros,

Rusticus immitem videt absque dolore dolorem;

Rusticus es, si te non movet ille dolor.

APODOSIS ALLEGORIÆ.

Ex illo Jobi 4. Qui habitant Domos luteas,
quæ terrenum habent fundamentum,
consumuntur velut à tineâ.

Cum primum è parulo soboles excluditur ovo;


Et teneram vestit plumula nata cutem;

Protinus exultat, nidiq; se perosa teporem

G ij

70 LUSUS ALLEGORICI

Tentat in aërias se dare posse vias.
 Nos mortale genus, terris remoramur inertes;
 Nec nos sursum animi vividus ardor agit.
 Ut volucris dulces fabricatur in ilice nidos,
 Et paleas misto glutinat apra luto:
 Si nos, celsa quibus cælo laquearia fulgent;
 Construimus luteas, vilia tecta, domos.
 Utque leves casulas primæ æratula pubis
 Fingit, & hac ipsâ castra caduca die.
 Instant ardentes pueri, pars quærere culmos;
 Pars properat tracto ducere plaustra iugo.
 Massam alter manibus subigit, cæmentaque pistor.
 Mollit aquâ mediam prætereunte viam.
 Festucam gerit iste humeris sub mole labascens.
 Increpitar tardas iste, fugâque moras.
 Alter anhelanti similis, similisque gementi,
 Exiguæ lateres convehit orbe rotæ.
 Jurares condendæ operas insistere Troiæ,
 Res ita parva suum publica tractat opus.
 At pueri sibi jam structâ gratantur in urbe,
 Et decus eximium se retulisse putant.
 Hæc videt, & ridet sapiens, ac ferior ætas,
 Mœniaque impacto diruit illa pede.
 Sic superi rident, quas cælo educimus, arces;
 Regnâque pro nido nostra volucris habent.
 Quisquis is es, qui lucis amans, vitæque caducæ
 Astra potes luteo posthabuisse solo;
 Jam fabricata fugis, fabricanda palatia poscis,
 Cùmque tibi pateant sydera terra placet.
 Construimus stolidæ magnalia more volucris,
 Quæ breviter vanus dat ruitura labor.
 Altibus res una tamen nos cedere cogit,
 Æremus nidis turpiter ales abit.



UVA

INTORMENTIS

LUDUS ALLEGORICUS

ELEGIA QUINTA.

ELUCTATA viam tenues vox fertur in auras :
 Et querulus trudit verba negata dolor.
 Me fruticum regina potens, quam purpura vestit,
 Quam decorat culto plurima gemma sinu :
 Me vitis peperit, generosoque edita partu,
 Non minus innumeris opprimor uva malis.
 Maturos quam nostra parens queat edere sætus ;
 Mille prius patior vulnera, mille neces.
 Vix bene subrubui misto variata colore,
 Vix bene lac matris incipit esse cruor.
 Me prædo, dextræque rapit furace viator !
 Carpere dum fructum credit, aborsus erat.
 Si teneris parcat populantum turba racemis,
 Ne tamen immunem vulneris esse putes.
 Nam licet occultas mihi matre parante latebras
 Undique pampineis condar operta comis
 Vinitor in matris gremio me falce trucidat,
 Duraque fert genitrix vulnera, funus ego.
 Amisso vitem videas languescere sætu ;
 Ut dolet orba suo pignore vera parens.
 Sæpe gelu, primaque putes pallefcere brumâ :
 Palloris tamen est unica causa dolor.
 At dum trunca suis mutilatur vinca ramis ;
 Falce per immites vulnera dante manus :
 Illa suis lacrymis (sunt hæc quoque signa doloris)

Illa suo totum perpluit imbre solum.
 Cùmque alii frutices celfo caput aëre tollant ;
 Et nullâ alterius sustineantur ope :
 Vineæ gibboſo collum compactile collo
 Apprimit , inflexum curva dolore caput.
 Nec ſibi ſufficiens , humilis properit in iniam ;
 Ni fulcrum infirmæ ſubjiciatur , humum.
 Sic grefſum molitur anus ſubnixa bacillo ,
 Vixque pedem , ſenio debilitante , movet.
 Cur me naſcentem primo non ſupprimis ortu ?
 Vei quid in hæc ſobolem vulnera mater , alis ?
 Ah melius fuerat ! ſi filia matris in alvo
 Vidiſſem nullos ante perempta dies.
 Ah quantò melius , creſcenti dira dediſſet
 Si mihi pro ſolito lacte venena parens ,
 Et quaſi deſuerit , qui me prius ureret , angor ;
 Accumulat clades altera pœna meas.
 Me volucris lacerat præacuto plurima roſtro.
 Sat , reor , humanæ , non nocuere manus.
 Nec ſatis eſt quod paſſa fui , graviora ſuperſunt :
 Et quamvis tulerim plurima plura , fero.
 Matris ab uberibus poſtquam me cruda revulſit
 Dexteræ , nec ſolito nutritior uſa cibo ,
 Trudor in anguſtæ tenebroſa ergaſtula cupæ ;
 Nec licet æthereâ poſtmodo luce frui.
 Vix latui ternos inamœno in carcerẽ Soles ,
 Me gravior ſolito tunc quoque pœna manet.
 Nam ſuperinfiliens , grandes exuta cothurnos ,
 Preſſat agens nudo ruſtica turba pede.
 Et terror , & miſeram lacerata eviſceror alvum ,
 Dum nequeo turbæ ferre prementis onus.
 Stat circum feſtiva cohors , mihi labra lacuſque
 Subdit , & in noſtris ridet inulta ris.
 Non tamen illa meis clades venit ultima damnis ;
 Per numeros creſcit pœna , graduſque ſuos.
 Torqueor infelix , preliſque rotatile pondus
 Exprimit ex oculis flumina larga meis.

Nam quis non lacrymis? quis non subdore madescat

Hunc si tam gravidâ mole trapeta molant.

Colchiea dum stridet querilo versatilis orbe,

Indolet & nostris aggemit illa malis.

Nec prius abistit prelum tornare juventus,

Quâm fuerint corpus, pellis. & ossa meum.

Projectum in triviis calcatur inane cadaver;

Meque terit plaustrî prætereuntis onus.

O inventa meis mala torcularia damnis!

Impiâque in pœnas prela reperta meas.

Pro facinus! tam dira solet sævire tyrannis:

Dum cruciat miseros carnificina reos.

Debuit in solis nasci labrusca ruberis:

Immatura suo sospes ocore foret.

Me quia gratus odor, quia me dulcedo saporis

Nobilizat, tantis maceror uva malis.

Sape suos alii flectunt pioratibus hostes;

Dum lacrymor, nostro crescit in hoste furor.

Quoque fleo uberius, me pœna ferocior angit,

Et mea cum cessat lacryma, cello pari.

Cur tamen hunc oculis dixi manare liquorem?

Cum cruor è venis disfluat ille meis.

Siquid adhuc dubitas; rubicundum cerne colorem;

Nil tibi præterea, quod dubitetur, crit.

Dic age, quis furor est; nostro temerare cruore

Quæ melius puris ora rigentur aquis?

At quondam primis (ætas erat aurea) sæclis,

Sobria secusam proluit unda sitim.

Vitis erat nullos hoc tempore passa dolores,

Nulla recurvatæ vulnera falcis erat.

Terra dat innocuis Acheloia procula mensis,

Cur gaudet nostro sanguine vestra suis?

Sic Gæta, sic scythicus, gens sanguinolenta;

Gelonus,

Sarmataque epoti sanguine gaudet equi.

Sic bibit humanum crudelis hirudo cruorem:

Nec mittit vacuum, sit nisi plena, citem.

Non impune tamen (vestri nostra certa furoris)
A sitiente meus ducitur ore cruor.

Nam vapor immodicus subit ipsam corporis arcem
Et rotat infanus mobile turbo caput.

At quanquam titubante gradu vestigia lapsent,
Motaque fallenti sub pede terra tremat.

Et Luna, & gemino Phœbus duplicetur olympo,
Nec vacet officio linguæque, mēnsque suo.

Non ideo mergunt calicum minus ora trahones,
Non ideo vino mensa minore natat.

His ego torminibus si libera fortè reservor,
Nec crucient artus prela rotata meos :

Non tamen hîc hæret tolerati meta laboris,
Altera me anxietas, me dolor alter habet.

Pensilis è summo patior suspendia tecto;
Furca, trabes, filum, restis & ipsa nocens.

Sic reus obtorto libratur in aëra collo,
Sèque agitat nec, quo sustineatur habet.

Protinus in rugas caperatâ fronte senesco:
Reddita de pulchrâ virgine turpis anus.

At postquam infami demittitur arbore prædo;
Esse datur rabidis præda, cibûsque feris.

Me pariter numerat, postquam satis ipsa pependi,
Appositas inter mensa secunda dapes.

Siccine, Bacche, tuas ulcisceris immemor uvas?
Siccine præsidio deferor orba tuo?

Unica despicitur geniali vitis Iaccho:
Tutantur frondes numina quæque suas.

Palladis auxilio, teretes, floretis, olivæ:
Laurus Apollineo numine tuta viret.

Populus Alcidiæ, Cybeles tutamine pinus,
Est Paphiæ myrtus salva favore Deæ.

Quercus amata Jovi foliis uberrima frondet,
Arcadio frondet fagus amata Deo.

Quin etiam invisas Pluto fovet ipse cupressus;
Nullaque non sentit numinis arbor opem.

Sola ego destituor, solam cœlestia temnunt

Numina sola Deo Præsides vitis eget.
 Dic mihi, quo merui fieri tibi crimine vilis?
 Quo tua te vitis læsit, Iacche! modo?
 At fueram tibi chara prius, dum Thracia pubes
 Erueret stirpes, rege iubente tuas.
 Arma bipenniferi nobis nocitura Lycurgi
 Vertit in autorem mens furiata suum.
 At nunc, vindicibus tutanda fideliter hastis,
 Orba patrocinio deferor uva tuo. (Indos?
 Thyrsus ubi est? ubi tela nigros quibus impetis
 Arma corymbiferi sunt ubi festa chori.
 His tu militibus terram Gangetida vincis;
 Inque capistratis lyncibus altus evas.
 Arma iterum capias, quæ me tueantur oportet,
 Inque hostes nostri sanguinis ultor eas.
 Vos, quibus è nostro pariuntur gaudia luctu,
 Quos cura in tantis non movet ulla malis:
 Sumite in exemplum supremi facta Tonantis,
 Nam duce quis renuat vivere velle Deo.
 Non nisi in aërias sævit Iovis ira cupressus;
 Quæque suas altæ surrigit arbor opes.
 At tennes humilis quia vinea projicit umbras;
 Impercussa sacro fulminis igne later.
 Parcitate, nam misera posthac nisi parcitis uvæ,
 Vestra erit armato sævior ira Jove.

APODOSIS ALLEGORIÆ.


Ex illo Psalmi 79. Vindemiant eam omnes,
 qui prætergrediuntur viam.

Hoc mihi ludicrâ modulanti carmen avenâ
 Astitit assumptâ Calliopæa chely.
 Primaq; cur solidas teris, inquit, inaniter horas.
 Cur vanis tempus ponitur omne jocis.
 Cum tibi materies, quam lamentere, supersit,
 Ingenium movit quid levis uva tuum.

76 LUSUS ALLEGORICI

Aptius assiduos sperat deffere dolores,
 Vestra, quibus, demto limine, vita dolet.
 Nam fueris quocunque loco, quo tempore
 cunque

Vixeris, ærumnas perpetiêre graves.
 Seu bello, seu pace tuos exegeris annos :
 Multa tibi belli, multa ferenda domi.
 Seu littus securus amas, seu vivis in undis :
 Plurima, quæ doleas littus, & unda dabunt.
 Sive maritus eris, seu cœlebs : multa maritus,
 Tristiâque in vitâ cœlibe multa feres.
 Denique ut expositos laceratâ vite racemos
 A populo quereris prætereunte peti ;
 Sic vos diripiunt avidi, mala, turba, dolores,
 Vitaque, non vitis, quod fleat, omnis habet.



MUSCÆ

METAMORPHOSIS

LUDUS ALLEGORICUS

ELEGIA SEXTA.

DUM nova mutatæ modulamur fata puellæ,
 (Nam modo quæ musca est, ante puella fuit)
 Vos ô Hamadryades, sylvestria numina, Nymphæ
 Tuquæ pharetrati Dux nemorosa chori :
 Ferte pedem Fauniquæ leves, facilisque Napææ ;
 Rusticaque auxiliis, turba, favete meis.
 Captabant umbras pecudes, altusque terebat
 Æstifero medias Phœbus in axe vias;
 Cum nemorum præses, positis Diana sagittis,
 Jam sat, ait, comites sylva cruoris habet.

Sistat opus, solvatq; suam modo quæque pharetram
Dum melior calidum temperet hora diem.
Dumque suis Zephiri moderentur flatibus æstus,
Frangat & occiduis se calor ipse rotis.
Accelerant mandata Deæ pharetrasque reponunt;
Nil fera, nil volucris, quod metuatur, habent.
Una tamen reliquas inter cunctata sorores,
imperium surdâ respuit aure soror.
Hanc sociæ dixere suo de nomine Mûscam;
Hei mihi! non multos Nympha futura dies.
Vallis erat piceâque frequens, altâque cupressu,
Quò via Phœbeis invia facta rotis.
Imminet aequatum tophis pendentibus antrum,
Frondeâque è summo procubat umbra iugo.
Fons per arenosi sinuosa volumina saxi
Serpebat liquidâ pronus in arva fugâ.
Hic Dea montanis fessos venatibus artus
Tingere prægelidis sæpe solebat aquis.
Quò postquam subiit, teretes simul exiit arcus;
Et simul armiferæ tradidit arma sibi.
Depositumque latus frondente reclinat in umbrâ;
Garrula quâ tremulo labitur unda pede:
Collectamque sitim puro positura fluento
Arida suscepto flumine labra rigat.
Dumque loci faciem miratur & omnia circum:
Nescia furtivus gliscit in ossa sopor.
Labitur in cubitum caput, &, suadente susurro;
Annuit illa tuis, garrula lympha, jocis.
Vixque soporatos Morpheus religaverat artus,
Vixque papaveribus sparserat ora suis.
Musca nemus per agreste ruens, per & aspera resqua
Dat malè compositos vociferata sonos.
Ite, mei, clamat, fidum pecus! ite, molossi!
Et premite occultas nare sagace feras.
Hic metus agricolis, & adunco dente timendus.
Jam notus multo vulnere frendet aper.
Excussère soni somnos, Dea territa lumen

Tergit in herboſo ſemiſopita toro :
 Et properante oculo procul omnia circumſpexit ;
 Quis cava clamoribus verberet antra ſonis.
 Tandem importunam nemora inter frondea
 Muſcam

Vidit odoriferos exagitare canes.

Tunc meum removes, Nympha clamor! ſaporem

Tunc mei, dixit, cauſa pavoris eris ?

Non impune quidem ſaxo, crimenque piabis,

Supplicium admiſſi poſt luitura tui.

Quæque prius fueras noſtris celeberrima ſylvis,

Muſca, mei nunquam pars eris una chóri.

Nec capreas exinde petes, nec vulnere damas :

Nulla tuâ volucris concidet iſta manu.

Sed dein inſidiis cautæ capieris Arachnes,

Quos modo tendebas, poſtmodò paſſa dolos.

Et ne fortè meam turbes, velut ante quietem,

Nullus in elingui mox erit ore ſonus.

Léxque eadem pœnæ, ſeros domitura nepotes,

Ut tibi, ſit generi ſit quoque dicta tuo.

Deſierat Dictynna loqui; nec pœna moratur,

Sed premit extremos ponè ſecûta ſonos.

Incipit in gracilem macreſcere Nympha figuram;

Nec decor, aut ſpecies, quæ fuit ante manet.

Decreſcit, ſenſimque breves tenuatur in artus,

Et penè in nihilum facta volucris abit.

Ex humeris pharetræ, è pharetris cecidère ſagittæ;

Vixque ſuum virgo priſtina nomen habet.

Me miſeram, dictura fuit; ſed labra moventem

Primus in attonito deficit ore ſonus.

Jam neque primavâ grata eſt viduata figurâ :

Jam neque virgineus lucet in ore decor.

Quantula jam reſtat totâ de virgine moles,

Quantula de tantâ virgine reſtat avis !

Pes gracilis, ſubtile caput, tenuiſſima penna;

Crura tenent partem, cætera venter habet.

Evolat, & placidos inimportuniſſima ſomnos,

Si quem sopitum viderit esse, fugat.
 Et strepit & rauco circumsonat aëra bombo;
 Usque adeo est primi nunc quoque moris amans.
 Sic igitur superum sævit gravis ira Deorum,
 Cum sua, quod nolunt, numina læsa vident.
 Testis erit Niobe, saxum modo: testis Arachne,
 Spernere victricis Palladis ausa manus.
 Testis erit Calydon, testis cadmeius Heros,
 Præda fugax canibus creditus esse suis.
 Et modo Musca, recens testis quæ vindice Divâ,
 In minimam verso corpore transit avem.
 At tibi ne veniat summum mens impia contra,
 (Se siquidem graviter vindicat) ire Deum.
 Sis pius, & iustas, tu quisquis es, effuge pœnas,
 Nullus ab offenso numine tutus erit.


APODOSIS ALLEGORIÆ.

Ex illo Proverb. cap. 22. Adolescens juxta
 viam suam, etiam cum senuerit,
 non recedet ab eâ.

P Arve puer, dubiis quem lubrica flexibus
 Quémque suis versat prima juventæ dolis:
 Carmina ne Vates non proficientia perdat,
 Erudiat mores fabula ficta tuos.
 Alitis in parvæ tenuem collecta figuram
 Quæ circum volitat muscula, Nympha fuit.
 Exiit antequam Latoïde vindice formam,
 Exiit ingenium non tamen illa suum.
 Nam licet elinguis modo sit, tamen improba somnos
 Quoque potest turbat tempore, quoque modo.
 Et revolubilibus circumstrepit obvia gyris,
 Dum subit irriguus lumina victa sopor.
 Hinc didicisse potes, quàm sit dediscere durum,
 Cum longa mores invaluere morâ.
 Nam quos à teneris alias exercuit annis,

80 LUSUS ALLEGORICI.

Hos & depositâ virgine musca tenet.
 Id manet, a primo quodcumque inoleverit ævo;
 Et retinet primas rafa tabella notas.
 Musca quiescentem non sat venerata Dianam
 Supplicium nimix garrulitatis init:
 Te quoque, si superos petulanti voce laceffas,
 Seriùs, aut citiùs debita pœna manet.



R O S Æ

M A R T Y R I U M

S I V E

R O S A I N C O N O
 D I S T I L L A R I O L A C R Y M A N S

L U D U S A L L E G O R I C U S.

E L E G I A S E P T I M A.

ILLA ego Pæstani pulcherrima filia prati,
 Flos Veneris; Charitum gratia: Solis amor:
 Illa ego, quæ vernæ retego spectacula pompæ,
 Visâ per innumeros vivere digna dies.
 Heu morior, quâ luce orior; vix nata senesco:
 Nec mihi vel gemino vivere Sole licet.
 Unica lux nostrum, non amplius explicat ævum:
 Quæ mihi prima dies, hæc mihi summa venit.
 Quin etiam toto lux est spatiosior ævo,
 Et vetor in solidum vivere sæpe diem.
 Ducere quæ reliquos inter suavissima flores
 Debueram plures omnibus una dies:

Facta mihi brevior vernis quàm fratribus ætas ,
Quos ego purpureæ vinco decore comæ.
Sic superi , sic fata jubent , sic & invida pulchris
Parca rosis vitam sancit esse brevem.
Si mihi tot licitum saltem numerare Decembres ,
Quot folia è calathis punica pando meis :
Sorte meâ contenta forem , divesque dierum ,
Non quæreret vitæ tempora fluxa meæ.
At meus est foliis multo numerosior hostis ,
Si numeres , summæ cedit arena tuæ.
Mille modis pereo , ne mille pericula cingunt ,
Mille rosas perdunt funera ; mille neces.
Illa tamen cunctas inter sævissima mortes ,
Quâ lento infelix cogor in igne mori.
Non fat erat , crudâ lactantis ab ubere matris
Filiolam dextrâ diripuisse rosam.
Non fat erat tremuli sub lumina primula Solis ,
Ungue rapace meam deproperasse necem.
Et flammis cruciando fui ! quibus impia noxis ?
Vel rea flagitii , dicite , cujus agor ?
Dicite , quæ labes , quod sit scelus igne piandum ,
Quæ mihi vindicibus facta luenda rogis ?
An scelus est , nascente die , quod in aëra nascor ?
An scelus est , morior quod moriente die ?
Cernite participes , hæc si modo crimina flores ,
At socios pænæ non tamen esse meæ.
An scelus est , patulis quod ego rubicundula labris
Tollo verecundum conspicienda caput ?
Accusata meæ nimium damnosa parentis
Viscera quæ pulchram progenuere rosam.
Accusate solum ; Solem accusate parentem ,
Cujus ab igne meum nascitur omne decus.
Sol caput est generis , nostræq; propaginis autor ,
Hunc probat esse meum par prope forma patrem
Flavescit rutilo latè radiosus in auro ,
In mediâ rutilant aurea fila rosâ.
Eminus ille suas , ego cominus evibro flammæ ;

82. LUSUS ALLEGORICI:

Ille suis radiis cingitur ; ipsa rubis.
 Prænitet æthereos inter pulcherrimus ignes ;
 Sic rosa præ reliquis floribus una nitet.
 Præradiat stellis ; ego fulguro sydus in hortis ;
 Res tamen est , quæ nos non finit esse pares.
 Ille oculis , capitique nocet ; mea flammula nullos
 Visa oculos , nullum lædere visa caput.
 Hirsutâ horrefcis spinosior histrice , dices :
 Nec licet illasâ te tetigisse manu.
 Non ego diffiteor , cingit me spina satelles ,
 Et leviter summam vellicat unca cutem.
 Sed quanquam hamato distingat acumine corpus ,
 Nullus ab innocuo vulnere sanguis abit.
 Et quamvis abeat , Dominam , quis spicula damnet
 Deffendisse modo quo potuere suam ?
 Quæ mediis florum princeps rosa regnat in hortis ,
 Cincta satellitio debuit esse suo.
 Cum neque vel minimæ convincar imagine noxæ ,
 Sacrilegis meritam quo fero jure pyram ?
 Qui Siculo taurum fertur fabricasse Tyranno ,
 In miseram finxit stannea vasa rosam.
 Artificum crudele genus ! vulcania monstra !
 Diraque in exitium vasa reperta meum !
 Nasa tuum , Phalari , rursus renovantia taurum ;
 Mugitus falso qui dedit ore suos.
 Utque luit pœna monstri fabricator aheni ,
 Expertumque suæ pertulit artis opus :
 Sic modo quæ nostris nimis est fecunda querelis ;
 Debet in artificem pœna redire suum.
 At tu quem nostræ movet inclementia fortis ,
 Quique meos lacrymas tristis in ore vides :
 Ne diversa putes nostri instrumenta doloris ,
 Inspice , non aliam dixeris esse manum.
 Plumbea suppositos turris supereminet ignes ,
 Inque modum metæ longulus extat apex ,
 Ardet inextinctis subter fornacula flammis ,
 Fulcitur triplici machinâ tota pede

Hic.

His jaceo tumultata rogis ; hoc carcere claudor ;
Uror in hac , quamquam sim sine labe pyrâ.
In longum cervix se guttute porrigit unco ,
Quâ sensim expressi fluminis humor abit.
Namque vaporiferum postquam fornacis hiantis
Implevit multo Mulciber igne sinum :
Paulatim assurgit tenui nubecula fumo ;
Perque canaliculos se vapor intus agit.
Si tamen è nostris quæ lacryma manat ocellis ;
Jure mihi tenuis dicitur esse vapor.
Cum tetigit convexa ; gravis delabitur humor ,
Inque imam recidit , vas nisi subdis , humum.
Vitrea stillatis , tumido quæ plurima dorso
Vascula circumstant , subjiciuntur aquis.
Unda quidem serpens longis siphonibus exit ,
Illa sed ex oculis exiit ante meis.
Adde , quod in nostram solers fuit ille ruinam ;
Qui prior excudit plumbea vasa faber.
Ut lacrymæ fluerent , longi patuère canales ,
At patet effugio rimula nulla meo.
Nulla patet , nisi parva cavi spiracula colli ,
Longa quidem , at nostræ non satis ampla fugæ.
Guttatim fluidas ignis mihi subditus undas
Exprimit , & lacrymis disfluo tota meis.
Donec flaccida sensim , & torrida distillando
Extremo morior colliquefacta rogo,
Lacryma succenso quod manat odora metallo ;
Unicus est nostri fons , & origo mali.
Flectuntur rigidi , lacrymis manantibus , hostes ;
Asperat hostiles lacryma nostra manus.
Quæ reliquis prodest , uni mihi lacryma damno est.
Fortunata nimis , ni lacrymarer eram.
Indulgere meo videor male-sana dolori ,
Dum mihi , (quis possit credere ?) fletus obest.
Sæpe quidem lacrymarum imbres ego sistere luctor
Sed nimius prohibet sistere posse dolor.
Mutarunt elementa suum confusa tenorem ;

Nec Natura statas servat, ut ante vices.
 Namque coërcebat flammæ contrarius humor,
 At modò nil humor quo timeatur, habet,
 Lacryma suppositis est mutua causa favillis;
 Mutuâque est lacrymis causa, favilla meis.
 At mihi quod gravius, fatòque dolentius ipso est.
 Nostra salutifero vindice facta carent.
 In mediis licet expirem miseranda favillis,
 Nullus qui miseram vindicet, ultor adest.
 Andromede monstros flebat devota marinis,
 Illa tuam, Perseu! libera sensit opem.
 Stabat sacrificas mactanda mycenis ad aras:
 Grata puella, Deâ sospite sospes abit.
 Nullus Abantiades vectus talaribus alis,
 Fertur in auxilium nulla Diana meum.
 Nulla hominum experior tutamina, nulla Dearum?
 Ridet & in nostris terra, polusque malis.
 Vos saltem incensum, stimulis pungentibus hostem
 Invasisse, piæ, debueratis, apes.
 Nos inter, sociasque rosas concordia cedit,
 Est & amicitiae fœdere junctus amor,
 Cum matutini pretiosa liquamina roris
 Defluerent foliis excipienda meis,
 Vos ego nectareo cœli sudore beabam,
 Et pleno illecebras ætheris ore dabam,
 Ah quoties primo mihi blanda tulistis Eôo
 Oscula roriferis uvida facta labris?
 Quid, quod & ambrosias armant sua spicula matres
 Armat Acidalias ut sua spina rosas.
 Et vos hortus alit, riguis ego nascor in hortis
 Nosque ligat socio patria terra solo.
 Cum mihi tot titulis, tanto societur amore,
 Cur apis oratam ferre recusat opem? (arcu,
 Tu quoque amor pharetrâ telisque instructus &
 Debueras teneris ultor adesse rosis.
 Omnia cum similis tibi sim, vultumq; comamque
 (Nam rosa si nescis, est tua penè soror)

Te decuit nostris facilem succurrere rebus ;
 Et pia pro gemina bella movere rosâ.
 Aurea cæsaries (humeri crinale flagellum)
 In collo rutilat luxuriosa tuo.
 Non ego dissimilis , rutilo nam concolor auro
 Luteus in nostro vertice flavet apex.
 Æmula sunt geminis tibi labra corallina fragis ,
 Inque meis vivunt rubra coralla labris.
 Spēdida nativo facies tibi pingitur ostro ;
 Et mea nativus vestiit ora rubor ,
 Fervida tædiferam clarat tibi flammula dextram ,
 Puniceæ rutilat par quoque flamma rosâ.
 Usque tibi puero viret inconsumta juvenus ;
 Mors pariter præcox me vetat esse senem.
 Te per ego faculas , per ego , germane , sagittas ,
 Oro , puer ; miseris auxiliare rosas.
 Tende arcum , jaculare faces : insume pharetras ,
 Nam tua cur nostro cessat in hoste manus ,
 Si tibi quæ jacias , ex hausta picula dextrâ
 Defuerint , spinis urere , Dive meis.

APODOSIS ALLEGORIÆ.

Ex illo epistolæ Jacobi cap. 4. Quæ est
 enim vita vestra? vapor est ad modicum.
 parens : Et deinceps exterminabitur.

P Unicei quicumque vides lacrymabile bustum
 Floris , ab inspecto lumina flecte typo,
 Lufit adhuc mea Musa rudem modulata figuram ;
 Dum cecinit mæstæ tristitia fata rosâ.
 Non sola assiduos rosa distillatur in imbres ,
 Nec sibi de propriis sola parentat aquis.
 Nostra per innumeros exercita vita dolores ,
 Instar habet Cypriæ , dum flet adusta , rosâ.
 Flebilis aërias sensim tabescit in auras ,

Disertosque sibi forulos , populatàque passim ,
Quæ tanto intulerant mella labore , vident.
At pater exempto vacuat dum nectare cellas ,
Et profugas arcet , ne jaculentur , apes :
Divitias Paphii roseo puer ore roseri
Carpebat pulchris pulchrior ipse rosis.
Quà Zephyri ludentis amor , florumque juvenus ,
Dulce verecundis ridet hiulca labris :
Quâque corona decens , verisq; venustula proles
Explicat ornatus ambitiosa suos.
Lilio , narcissos , casiam , vaccinia , calthas ,
Ingenuus legulo subsecat ungue puer.
At postquam toto satis est sibi visus in horto ;
Floriferi messes depopulatus agri :
Ambrosiâ puer ambrosius cervice renidens
Gestat odoriferâ plena canistra manu.
Astirit annofo soboles dilecta parenti ,
Et totas veris monstrat ovariantes opes.
Cui pater , est nostræ flos umbra simillima vitæ ;
Intereunt uno vitæque flôsq; modo.
Traçtabat ceram interea , nectârque puellus ,
Nescius articulis hæc nocitura suis.
Mox jacula biliam nimbos spargebat odorum ;
Picta relabenti flore rubebat humus.
Quin etiam audaci penetrans alvearia dextrâ ;
Eruit ambrosias , mellea , mulsæ , dapes.
Clâmque suo furtim melimela fluentia patre
Lâmbendo cupidus surpuit ungue puer.
Surpuit , & dixit , dum raptim mel ingerit ori ;
Dulcoris quantum guttula mellis habet !
Cecropiæ accurrunt , irata examina , matres ;
Et juvenem toto circumiere globo.
Fit sonitus , residensque animos ad bella laceffit
Clangorem querulæ vox imitata tubæ.
Præ reliquis salit una magis turbata manipulis ,
Et pueri tremulo perstrepat ora sono.
Nempe perire suos apis indignata labores ;

Bombilat , & raucas jactat ab ore minas.
Ilia ruit teneris plagam illatura labellis ,
At puer opposita protegit ora manu.
Et formidatum procul arcet , & ejicit hostem ,
Et jubet aligeram longius ire seram.
Illacrymat (teneræ lacrymæ sunt arma juventæ)
Et mihi fer properam , fer , pater , inquit , opem:
At pater intentus curis gravioribus audit ,
Nec curat pueri verba , precésque fui.
Interea querulo minitata milissa iusurro ,
Vindice furacem sauciat ore manum.
Et stimulum , & vitam simul uno vulnere ponit ,
Nempe fuit , post hæc vulnera , digna mori.
Ingemuit tristis puer , injussæque tenellis
Protinus ex oculis exiluistis aquæ.
Ter læsus vocem attollit , ter vulnus inhalat ,
Supplosam tenero ter pede pulsat humum.
Ter plagam injectâ tentat lenire salivâ ,
Absentem querulo ter vocat ore patrem.
Vox pueri patrias subiit penetrabilis aures ,
Protinus inceptum dextra reliquit opus.
Accurrit natique sonos , lacrymasque misertus ,
Quæ lacrymas , inquit , causa sonosque ciet ?
At puer inflatam patri dans cernere dextram ,
Hoc mihi vulnus , ait , parvula fecit apis.
Guttula dum fluidi mihi tingeret oscula mellis ,
Insidiant meam vulnerat ore manum.
Cui pater , hinc castos , si quid sapias , instrue mores ,
Mella voluptatis spernere , disce , puer.
Gaudia venturi sunt nuntia sæpe doloris ,
Et lacrymas risus non procul esse docet.
Plus apibus , tibi plaga mali vitetur amoris ,
Qui cor , nescio quâ cuspide , sæpe ferit.
Mella voluptatis pereunt , mellisque voluptas :
Et quod melle placet , fellis acore mader.
Parva apis est , & parvus amor , sed uterque pusillo
Quam libet exiliat corpore , triste ferit.


Gignit apismagnum, quamvis non magna, dolorem
Et venit à minimo magnus amore dolor.
Dum monet hæc genitor, medico demulcet olivo.
Quæ fuerat duro vulnere læsa, manum.

APODOSIS ALLEGORIÆ.

Ex illo 1. Regum, cap. 43. Gustans, gustavi
paululum Mellis, & ecce morior.

TE quoque si nescis, liber hic, ignara juvenus,
Ut Veneris fugias blanda pericla, monet.
Ne labor in sterili noster delusas arenâ
Nil profecturis jugera bobus aret:
Collige, quos isto poteris tibi carmine fructus
Carpere, ne monitis, prorsus inanis eas.
Sunt rebus miscenda inter joca parva severis,
Et madidi nullo fellis acore sales.
Mellitas imitatur apes fugitiva voluptas;
Et plagæ, & similes sunt utriusque viæ.
Utrâque pennata est, & habet, quibus evolet, alas;
Utraque, quod possit figere, vulnus habet.
Nam postquam dedit Hyblæos apis æmula rores,
Vulnerat, & voluceri mox abit acta fugâ.
Sic ubi pars apibus fudit sua dona voluptas,
Avolat, & morfu corda tenace ferit.
Ne tamen id sileam, quod ego te malo doceri,
Unica res ambas non finit esse pares.
Est levium leve vulnus apum, sed amara voluptas
Dulcia lethifero gaudia felle linit.





NARCISsus
SUI AMANS
LUSUS ALLEGORICUS
ELEGIA NONA.

SI fati tibi fortè mei nescitur origo ,
 Hæc te , quo cecidi funere , charta docet.
 Jam medium provectus erat super æthera Titan ;
 Et nemus , & pluviis hortus egebat aquis.
 Infectatus ego leporis vestigia , sterno
 Membra salebrosæ fracta labore viæ.
 Hic ubi , perspicuas volvens sine sordibus undas ;
 Serpebat tacitâ rivus amœnus aquâ.
 Pulvillum dedit herba mihi; dedit æsculus umbram,
 Fons speculum ; volucres carmina ; ripa torum.
 Nec deerat , nimios quæ pelleret aura calores ,
 Nec deerat viridi reptile gramen humo.
 Scrupulus in nitida lucet numerabilis undâ ;
 Garrulaque irriguis obstrepit Arthis aquis.
 Vix ego frigidulæ requieram in margine ripæ ;
 Mersurus gelido flammea labra lacu.
 Vix me nexilibus ramorum amplexibus arbor
 Texerat umbrarum luxuriosa parens :
 Ecce , percussos parit unda puerpera vultus ;
 Blanditurque oculis æmula forma meis.
 Qualis ab adverso speculi solet orbe remitti ,
 Talis in illimi fonte figura natat.
 Latatur , dum lætor ego ; dum lugeo , lugèt ;
 Dúmque loquor, loquitur ; dumque silesco silet.
 Oscula libanti libat , dat brachia danti.

Me

Me fugiente fugit ; me redeunte redit.
Incalui visæ correptus imagine formæ ;
Quis flammam in gelidis esse putaret aquis ?
Maceror infelix , proprioque accendor amore ,
Et patior manibus spicula jacta meis.
Emorior , fatique mei male cognitus autor ,
Ille ego , quo totus torreo , ignis eram.
Qualiter immodicos dum Sirius excitat æstus ,
In mediis marcet flosculus ustus agris ,
Non aliter facies solito mihi tristior horret ,
Alba genis , oculis lurida , sicca labris.
Ergo metens virides inamabilis Atropos annos ,
Præsecuit vitæ stamina prima meæ.
Naiades exequias , lessum miserabilis Echo ,
Ripa mihi tumulum præbuit , unda necem.
Nec campus teneris rubuit , velut ante , rosetis.
Nec Zephyrus crispis risit , ut ante , labris.
Flevêre intonsi montes , flevêre Napææ ,
Depositis flevit proxima sylva comis.
Fons quoq; dum fleret,prope fractâ turbidus urnâ
Dicitur à lacrymis intumuisse suis.
Flevêre Oreades , Dryades flevêre puellæ ,
Nymphæque , quæ truncos reddit avara sonos.
Et lacrymis tumulum , & plenis sparsêre canistris ,
Rore cadente oculis , flore cadente manu.
Jure rosas , comites , & lilia spargitis , inquit
Una Dryas , flos , dum viveret , ille fuit.
Vidit , & imparibus carmen modulatus avenis ,
Hos cecinit Daphnis , me moriente , sonos.
Cui , Narcisse , tuum dabitur cognoscere fatum ;
Hic tibi ploratas , Bellule , fundet aquas.
Dum fugis exosos Nymphæ vocalis amores :
Et Phœbem turpi Cypride pluris amas :
Dumque times,levibus ne post data vulnere damis;
A Puero pariter vulnus Amore feras :
Ah luis immeritam quamvis sine crimine, pœnam,
Digna pudicitæ non fuit illa tuæ.

Umbra tui vanâ te ludit imagine vultûs ,

Et speciem veri corporis unda dedit.

Aspicias , aspiceris idem , cuperisque , cupisque :

Tèque ipsum redamas unus , & unus amas.

Miraris , loqueris , rides , blandiris , inardes :

Et fingis , quod amor fingere cumque solet.

Sed postquam optatô prohiberis amante potiri ,

Cerneris ipse tui captus amore mori.

Ecquis idô sylvæ (nam vos meminisse potestis)

Ecquis amatorem durius ussit amor ? [gittæ

Jam pharetræ sine honore jacent , sine honore fa-

Quas puer hirsutis fixerat ante feris.

Vidimus in tenebris amites , inhonorâque lina :

Sparsaque fortuito tela jacere loco.

Ite leves damæ , sylvisque impunè , volucres.:

Nullus , qui vobis insidietur , erit.

Nam puer alituum quondam certissima strages ,

Jam sua in Elysiis retia tendet agris.

Et mutas volucres , quas fixerit ales arundo ,

Offeret infernæ , præmia grata , Deæ.

Nam tibi dent Nymphæ fatis melioribus uti ,

Quàm si erres Stygiis intumulus aquis.

Hæc cecinit , dum ducit oves ad ovilia Daphnis ,

Et nectit dominæ ferta ferenda suæ.

At superos tetigit nostræ inclementia sortis :

Quippe dedere alios posse videre dies.

Ne totus morerer , fierémque in morte superstes ,

Narcissus liquidis exiit alter aquis.

Nam novus in gelidæ flos margine nascitur undæ:

Qui sibi de nostro nomine nomen habet.

Et sic illæ meæ fuerat qui mortis origo :

Est pariter vitæ rivus origo meæ.




APODOSIS ALLEGORIÆ

Ex illo Proverb. 3 2. Fallax Gratia, & vana
Pulchritudo.

Quifquis is es, qui sæpe soles, vernante juvena
De facie speculum consuluisse tuum;
Ah nimium fluxæ, nimium ne crede figuræ!
Gratia purpureis excidet ista genis.
Et decor hic vacuas evanidus ibit in auras:
Nam quævis spoliū corporis hora rapit.
Sit decoris tibi major amor, quàm cura decoris;
Et cultum ingenii corpore pluris habe.
Quam citò deperdit primo spoliata vitore
Spina rosas, umbram populū, uva comas:
Tam citò deperdit speciosum vultus honorem;
Horaque deterior prætereunte subit.
Sic ubi purpureis risere papavera labris,
Et pinxit varium Dædala Flora solum:
Fervidus æstatis tantum decus excoquit ardor;
Solstitio mediū dum caluere dies.
Res est, forma, fugax: vanòque simillima flori:
Qui caput è mediis surrigit ortus agris.
Nascentem parit una dies, rapit una cadentem:
Hunc nisi vel medio Sole procella metat.
Vidimus hesternæ florere rosaria luce:
Exhibuit nullam lux hodierna rosam.
Nulla reflorescit, rosa si defloruit, unquam:
Nec redit; ut semel est visus abire decor.
Restituent nulli, qui fulsit in ore decorem:
Restituent nulli tempora lapsa dies.
Cognosci sibi quemque jubet consultus Apollo:
Nam nimium, qui se non bene novit, amat
En modò, pellicibus dum se speculatur in undis
Narcissus, medias tabuit inter aquas.
Heu puer infelix! simulachra fugacia captans.

94 LUSUS ALLEGORICI.

Credideras corpus esse, quod umbra fuit.
 Non unus Narcissus aquis lenonibus ardet,
 Sunt alii, proprius quos malè ludit amor.
 Qui legis hæc, nostrisq; breves das lusibus horas,
 Plus æquo placeas ne tibi fortè, cave.
 Nam malè conspectæ deceptus imagine formæ,
 Tu quoque Narcissus, ni sapias, alter eris.



A P I S

R E T I B U S
EXPEDITA.

LUDUS ALLEGORICUS.

ELEGIA DECIMA.

SADOLUS explicitos glomerabat araneus
 orbes;

Et leve sub querno stipite nebat opus :
 Nimirum hæc miseris pandit retinacula muscis,
 Et tacitâ prædas aucupis arce capit.

Dum vigilans agit excubias, & arce tuetur,

Præda per aëriam si sit itura viam :

Fortè sequi socias apis aspernata sorores ;

Incidit in fragiles, textile rete, dolos.

Irruit ut sensit, laqueoque tenace vagantem

Protinus impediit perfidus hostis apem.

Talis erat (si fas pumilum conferre Giganti)

Cum vaser Alcidae robore Cacus obit.

Talis & Antæus, dum matris ab ubere raptus,

Prægrave compressis faucibus hæsit onus.

Fluctatur apis frustra, frustra evibrat alas,

Et frustra oratam vindicis urget opem.
Bombilat, & tenui mussans sic voce fritinnit,
Exiguos linguâ penè loquente sonos:
Non tua me virtus, non me mea crimina perdunt,
Me miseram casus, non mea culpa facit.
Mellifico, fati ignorans, operata labori,
Deserto in pedicas agmine lapsa ruo.
Non tibi magnificus, teneram captasse triumphus,
Quæ levis, amisso rege, vagatur, apem.
Credulitas fuit illo tuo dignanda favore,
Laus servata tuum mortua crimen ero.
Aut hoc, aut simili gemuit sua fata dolore,
Nilque quod ulterius perdita possit, habet.
Ille novi gaudens tumefactus honore trophæi,
Mancipii vorum ridet inane sui.
Dumque bibax placitum parat epotare cruorem,
Ut sitiens plenâ fugit hirudo gulâ:
Villicus emissum alveolis ut cogeret agmen,
Quassabat validâ tinnulus æra manu.
Conspicit, & dixit, quæ te fata impia tangunt?
Certè aliam, digna es, quæ patiare necem.
I levis, instaurâque tuos, liberta, labores,
Et repete antiquos, dulcis alumna, focos.
Tityrus hæc [quis enim labor est ita credere] dixit,
Dixit, & illasam liberat ultor apem.
At subiit meritas crudelis aranea penas,
Passa gravem, duro sub pede trita, necem.
Jure quidem, nam mortis erat quæ præcocius autor.
Illa etiam meruit præcoce morte mori.



APODOSIS ALLEGORIÆ.

Ex illo Psalmi 36. Vidi impium super-
exaltatum sicut cedros libani ; &
transivi , & ecce non erat.

Magnificâ quicumque tumens versaris in aulâ.
Stent, tua quam fragili, disce, trophæa loco
Nos sæpe à minime fas est animante doceri ,
Nos parva officii recula sæpe monet.
Sic Franciscæ , aliàs frater te dicitur agnus ,
Téque cicada , alias erudiisse soror.
Ah quoties dixti ; dum balat amabilis agnus ,
Stridulaque argutâ voce cicada canit !
Lucet in exiguis divina potentia rebus :
Major & in minimis cernitur esse Deus.
Nos & araneolus , nos & vaga turba , melissæ
Admonitu poterunt instituisse suo.
Exultabat ovans , miseramque ferociter angens
Ah malè torquebat bellua putris apem.
Sed subitò versâ fata in contraria sorte ,
Quæ fuerat victrix , hæc quoque victa fuit.
Tu quoque qui dominas rerum moderaris habænas
Ni sapias , instabiles experière vices.
Nam tua dum tumido ventosa superbia fastu
Surgit , ut in Solymis cedrus odora jugis ;
Et nullâ te posse quati vertigine credis ,
Vel brevis in versâ merferit hora rotâ.
Nectè triumphali victricia tempora lauro ,
Laurigerum feriet fulmine Parca caput.
Erige struclilibus laquearia fulta columnis ,
Mors rapiet validâ te tamen inde manu.
Te cingant clypeatæ acies , cuneataque castra ,
Atropos arreptâ falce tot arma metet.
Denique quidquid opum , quidquid resplendet
honorum.

Proteret indomito mors inopina pede.
 His igitur confide bonis, quæ lubrica cæcæ
 Nulla volubilitas datque rapitque Deæ.

L U S U S
 P O E T I C I
 A L L E G O R I C I
 L I B E R T E R T I U S
 R O S Æ E T V I O L Æ
 C E R T A M E N
 D E F L O R U M I M P E R I O.
 L U D U S A L L E G O R I C U S.
 E L E G I A P R I M A.

FAGINEA nuper recubabam lentus in umbrâ,
 Stravit ubi facilem cespitis herba torum:
 Hortus odoriferis suberat prope confitus herbis;
 Quem riguâ saliens rivus alebat aquâ.
 Pinxerat innumeros ibi Chloris Dædala flores,
 Atque omnis circum copia naris erat.
 Incertum an vigilans, an amico callidus astu
 Prefferat obrepens lumina nostra sopor.
 Excepi gemini certamen amabile floris,
 Nam rosa se violæ prætulit, illa rosæ.
 Flos igitur levium dulci modulamine vocum,
 Colloquij alternas miscet urerque vices.
 Primaque diductum pandens rubicundula labrum
 I iij

98 LUSUS ALLEGORICI.

Hos dare , vel similes est rosa visa sonos.

R O S A.

Punicei Regina decens , & gloria campi ,

Tollo coronatas imperiosa comas.

V I O L A.

At viola hic retulit , justum mihi provida cessit

Imperium in flores Flora tenere suos.

R O S A.

Nil in te , nil juris inest ; se turba minorum

Arbitrio florum supposuere meo.

V I O L A.

Non tibi ver subjecit amor ; sed iniqua Tyrannis ;

Ast ego legitimo regno recepta throno.

R O S A.

Illo me Maii soboles dignatur honore ,

Cur decus affectas ambitiosa meum?

V I O L A.

Non rosa , at in famulos regnant violaria flores :

Unica regnantes non capit aula duos.

R O S A.

Inclita nobilium decorant me symbola regum :

Stemma , genus , folium , purpura miles , odor.

V I O L A.

Sed tamen ista tui non cerno insignia regni :

Ambit inornatum nulla corona caput.

R O S A.

Nulla meam redimire putes ne stemmata frontem ;

Aureus è nostro vertice surgit apex.

V I O L A.

Regia vestis ubi est , ubinam regalis amictus ?

Quæque solet claros cingere pompa duces ?

R O S A.

Nobilis augusto me vestis amicit ostro :

Nempe est conveniens regibus ille color.

V I O L A.

Cincta satellitio procedit femina princeps :

Nulla tuum stipant militis arma latus.

ROSA.

Reginam densis vallat seges horrida telis ,
Vepribus incingor sic ego tuta meis.

VIOLA.

Stat custos mihi solus amor, blandusque fatelles :
Hastatis tueor non ego sceptris rubis.

ROSA.

Solis ego soboles, reliquis hic ut imperat astris ,
Sic decet imperio ferta subesse meo.

VIOLA.

Filia sum Floræ ; ridentis ocellus Amoris ;
Sydus agri ; veris nuntia : gemma soli.

ROSA.

Chloridos ornatus, rurisque decora venusta
Nos fumus, & Cypriæ sedula cura Deæ.

VIOLA.

Pratorum juvenile decus, Ludusque jocantis
Sum Zephiri, & picti Veris amœna charis.

ROSA.

Hortorum flammæ infontes, & amabile fulgur
Nos fumus, & verni purpura viva soli.

VIOLA.

Nos alit Ambrosiâ Zephyrus, dapibusq; Deorum,
Et satiat nostram nectaris imbre sitim.

ROSA.

Vincit odoriferas Arabum fragrantia mœles ,
Quam meus è mediis halitus afflat agris.

VIOLA.

Nec formâ, nec odore minor tibi cedo ; mihique
Suavis ab ambrosio spiritus ore fluit.

ROSA.

Est roseis digitis, roseis Aurora capillis :
Dum roseo roseum pandit ab axe diem.

VIOLA.

E violis ligat illa suæ redimicula fronti :
Et violis croceas alligat illa comas.

R O S A.

Libat amabilibus Zephyrus mihi basia labris ,
Et thalamum sponsæ postulat illa rosæ.

V I O L A.

Turba volatiliū te captat anhela procorum :
At violæ florem virginitalis amant.

R O S A.

Me Zephyrus cupidis ambivit amasius alis ,
Malo tamen casto vivere Nympha toro.

V I O L A.

Dum lasciva tuis furtim daret oscula labris ,
Vidi ego te totis erubuisse genis.

R O S A.

Erubui , sine labe tamen virguncula vixi :
Non ego do Zephиро basia , at ille rapit.

V I O L A.

Tincta rubescenti facies tibi purpurat ostro :
Hic solet indicium criminis esse color.

R O S A.

Virgo rosa est , hæc causa subest, cur purpura vivo
Murice virgineas pingat honesta genas.

V I O L A.

Illā pudicitiaē titulos , famamque reliquit,
Quam nemo Idaliæ possidet omne Deæ.

R O S A.

Hanc ego, ne quisquam Paphiæ me dicat amores,
Cuspibus pupugi sanguinolenta meis:

V I O L A.

Impia cui parces ? quem non temeraria lædes ?
Ausu & in æthereas bella movere Deas.

R O S A.

Senferat in bellis graviolem cypria plagam ,
A Diomedæa faucia facta manu.

V I O L A.

Culpa minor Tydidis erat , dum læderet hostem:
At tu quo tandem mora dolore furis ?

R O S A.

Incidit in nostros, quos arrigo nescia, vepres,
Et tenerum implicuit sentibus ista pedem.

V I O L A.

Debueras hebetasse tuos innoxia fentes;
Ne qua daret Veneri vulnera cuspis hebes,

R O S A.

Turpis apis; nisi tela gerat: nisi spicula miles:
Et rosa, ni possit pungere, turpis erit.

V I O L A.

Pacificos non lædit apis, nec miles amicos:
At tu quam jaculo pungis, amica Dea est.

R O S A.

Cypris amica nocet, prodest inimica: mihi que
Postmodo, quæ prodest hostibus, hostis erit.

V I O L A.

Tu tamen excépto, quem fuderat illa, cruore,
Flos consanguineæ diceris esse Deæ.

R O S A.

Vulneris illa sui monumentum triste reliquit:
Inficiens rubram, quæ fuit alba, rosam.

V I O L A.

Restitit illa tuos nota testatura reatus,
Non poteras læsâ non rubuisse Deâ.

R O S A.

Castâ mihi notat ora pudor: tibi pallida livor
Principibus facies invidiosa rosas.

V I O L A.

Pallida sum, nihil inficior: sed pallida mecum
Omnia, & is toto regnat in orbe color.

R O S A.

Criminis est index color hic, trepidique nocentis
Buxus exangui pallor in ore sedet.

V I O L A.

Gratius argento nihil est; nil gratius auro:
Pallidus infuscat bina metalla color.

102 LUSUS ALLEGORICI.

ROSA.

Argentum pallet , pallet tibi concolor aurum :
Dum metuunt avidas furis utrumque manus.

VIOLA.

Fulgidius cælis nihil est , nil pulchrius astris ;
Luna tamen pallet , pallet & ipse polus.

ROSA.

Non pallet , nisi dum pluvios prænuntiat imbres ,
Aut ubi cantatis Luna laborat equis.

VIOLA.

Me charites impune metunt ; tua fæta legentem
Hirsutis fodicas hispida tota rubis.

ROSA.

Furaces si spina manus à floribus arcet :
Nil mirum , Dominam protegit illa suam.

VIOLA.

Nulla tamen reliquos cingit custodia flores :
Arma quid in mediâ pace cruenta geris.

ROSA.

Tela puer sua gestat Amor , sua gestat Apollo :
Armor ego Superos sic imitata Deos.

VIOLA.

At te nec Dryades , nec te Venus aurea tangit :
Ne laniet roseam vulnus , ut ante , cutem.

ROSA.

Me carpunt Dryades , pictis me carpit in hortis
Immemor antiqui vulneris ipsa Venus.

VIOLA.

Unguibus illa suas explens muliebriter iras
Te carpit , sed me pollice blanda legit.

ROSA.

Pulcher amor Veneris & amor sum pulcher Amoris ,
Cui pharetram foliis mos onerare meis.

VIOLA.

Non onerat foliis , sed aduncis sentibus ornat ,
Spinaque neglectis carpitur unca rosis.

R O S A.

Non video , cur sola legat vepreta Cupido :
Sentibus utilitas non foret ulla meis.

V I O L A.

Dum puer exhaustis viduavit tela pharetris ,
Ingeniosa tuos vertit in arma vepres.

R O S A.

Exermes puer ales amat decerpere flores :
Dum metuit tacto faucius esse rubo.

V I O L A.

Palpat amor mulcerque animos aspergine florum;
Sed spinas levium more relinquit apum.

R O S A.

Et mihi Cecropii cœtus blanditur Hymetti ,
Dum fugit teneras in sua mella rosas.

V I O L A.

Non transfert in mella rosas, sed in horrida spinas
Spicula , & arma sibi cudit inermis apis

R O S A.

Te nec apis, nec Amor, nec te Dea quærit Amoris;
Nigror enim refugas territat ille manus :

V I O L A.

(cis

Candida quæ fueras; modo sanguine tincta rubef-
Sic ferus occiso miles ab hoste redit.

R O S A.

Dum minio fucata genas sibi Nympha colorat ,
Ora gerit paribus vermiculata notis.

V I O L A.

Non amat ascitum , si casta est Virgo , colorem ,
Sat rubet , innato si qua pubore rubet.

R O S A.

Pallefcunt violæ : mors pallida : pallidus orcus :
Pallet anus : pallent crimina : pallet hyems.

V I O L A.

Præfulibus gestanda datur violacea vestis :
Insula quæis sacras ambit honora comas.

R O S A.

Præfulibus gestanda datur violacea vestis ;
 Ausonios decorat purpura nostra Patres.

V I O L A.

Quamvis puniceo rubeas insignis amictum
 Ureris occultum iussa piare scelus.

R O S A.

Non aliquod mihi crimen obest, sed avara cupido ;
 Quod lacryma ex oculis stillat odora meis.

V I O L A.

Jure tibi lacrymas extorquet, vindice flammâ,
 Debita criminibus carnificina tuis.

R O S A.

Uror ut è calido fluat unda rosacea plumbo ;
 At viola in nullum cernitur apta lucrum.

V I O L A.

Ipsa quoq; innumeros licet unica nascor in usus :
 Utilis à medicâ sæpe reperta manu.

R O S A.

Tuta suburbanis florum Dea nascor in hortis :
 Nasceris in mediâ, vilis ut herba, viâ.

V I O L A.

Falx mihi nulla comas, mihi brachia nulla recidit,
 At tu læsa gravi vulnere sæpe doles.

R O S A.

[umbras :

Villicus occat humum, nimias mihi deputat
 At modicæ dabitur non tibi fulcus aquæ.

V I O L A.

Ætatem tibi dat lux unica, quique puellam
 Manè rosam cernit, vespere cernit anum.

R O S A.

Immortale nihil, nihil omni floret in ævo ;
 Et quæ nascuntur, cumque jacere timent.

V I O L A.

Una oreris morerisque die, diuturna que vita
 Est violæ : at brevibus vita diurna rosæ.

ROSA.

Sic placitum Superis : rarò meliora fenescunt ;
In longos superant deteriora dies.

VIOLA.

Elysiis gemmata micant violaria pratis :
Hesperidumque trium me parit almus ager.

ROSA.

Picta rosis rutilant biferi viridaria Pæsti :
Meque Semiramidos pensilis hortus alit.

VIOLA.

Dulce viatori , gelidâ dum fontis in orâ
Stellatam violis pressat anhelus humum.

ROSA.

Vos reptatis humi , flores ? innobile vulgus :
Tollor honorato conspicienda throno.

VIOLA.

Tu quoque reptares humilis , nisi subdita collo
Longa reclinato pergula ferret opem.

ROSA.

Se melius rhamni platanis , se corvus olo
Æquiparet , dominæ quàm tua forma rosæ.

VIOLA.

Sim quamquam tenuis , tamen audacissima florum
Nondum hyemis pulso frigore , promo caput.

ROSA.

Iustæ molis e gens , oculosque manusque legentis ,
Effugis , ignaro planta terenda pede.

VIOLA.

Corporis exigui mihi forma minutula prodest ,
Damnaque si fuerint repere , damna juvant.

ROSA.

Attamen exiguo minor est in corpore virtus :
Fortior est gracili pumilione Gigas.

VIOLA.

Aërias vibrata petunt dum fulmina quercus ,
Nulla coruscantis me Jovis ira ferit.

R O S A.

Invida livescis , nostros dum cernis honores ;
Hinc ferrugo tuas inficit atra genas.

V I O L A.

At tu dum calyces oriens diffindis hiulcos
Si qua fides vero , rumperis invidiâ,

R O S A.

Non equidem invideo , sed honesto tinctilis ostro
Flosculus è cunis exerit ora suis.

V I O L A.

Ille color casti non est nota certa pudoris ,
Dumque rubes , solo mota furore rubes.

R O S A.

Flos ego virginei vocor intemeratus honoris ,
Et micat intacta purpura pura rosa.

V I O L A.

Te nec ego castam , nec te reor esse pudicam ,
Cujus inest scelerum testis in ore rubor.

R O S A.

Vulnus ego spinæ , tu figis acumine linguæ ,
Sed gravior nostris est tua lingua rubis.

V I O L A.

Ecquid amabilius viola ? quæ noxia nullo
Vulnere , quæ nullis sentibus hirta riget.

R O S A.

Dignum innata dedit violæ violentia nomen ,
Nomina pacificæ ros dedit apta rosæ.

V I O L A.

Nominis id violæ est , quod marcescente roseto ,
Floreat in longos inviolata dies.

R O S A.

Imò ego scetilibus caput extricata cucullis.
Pando verecundum ruris alumna jubar.

V I O L A.

Quàm benè folliculi captiva sub ore gemebas ,
Æternos tali carcere digna dies.

R O S A.

ROSA.

Sub calathis de nocte premor, sed solis ad ortum,
Explico diffusas ebria rore comas.

VIOLA.

Ebria tota mades; mihi stillula sufficit undæ;
Sobrietas foliis convenit illa meis.

ROSA.

Inter ego sum epulis, lautasque venustula menfas;
Orno coronatos flore tegente scyphos.

VIOLA.

Ah quoties calicem meditato subdola lapsu
Suxisti bibulis insidiosa labris.

ROSA.

Non ego Mæonii calices amo sobria Bacchi;
Ex quo orior fatis, est ille superque calyx.

VIOLA.

Me lactat vitreâ nutrix Aurora pruina,
Ut pupam dives nectaris uber alit.

ROSA.

Ipse quoque & lacrymas, & amati gaudia roris
Ebibo luciferæ dulcis alumna Deæ.

VIOLA.

Bisgenitus te Bacchus amat, te vina colorant;
Delectatque tuam concolor uva sitim.

ROSA.

Nil mihi cum Baccho, nil cum spumantibus uvis;
Et fatis est bibulæ sorbilis unda rosæ.

VIOLA.

Non adeo rubicunda fores, abstemia virgo;
Nam color à nimio provenit ille mero.

ROSA.

A nimio color ille mero! nec vindicor ultrix;
Nulla mihi ebrietas prorsus, at ira rubet.

VIOLA.

Eia, quis indomitas tantus dolor excitat iras,
Effera tranquillam non decet ira rosam.

R O S A.

Armata sentire cupis , vel parce loquelis
Garrula , vel spinas experire meas.

V I O L A.

Vicisti , fateor , dirimant si prælia litem ,
Namque armata tibi cuspis ; inermis ego.

Jamque moræ impatiens armata satellite dumo ;
Cominus in violam tendere visa rosa est.

Cum placidis volitans per rura Favonius alis ,
Pacificis suadet fœdus inire sonis.

Dumque rosis violas blando spiramine tentat
Et violis teneras conciliare rosas :

Sistite , formosi , dixit , certamina , flores ,
Arbitrium litis me penes hujus erit.

Et rosa tu digna es ; viola es quoque vincere digna :
Sceptraque sunt violæ debita , sceptra rosæ .

Sed tamen ut reliquis sol lucet amœnius astris ,
Sic rosa præ reliquis floribus una micat.

Motavere caput Zephirique edicta probantes ,
In longum positis fœdus ière minis.

APODOSIS ALLEGORIÆ.

Ex illo primæ Petri c. 1. Omnis Caro est
fœnum , & omnis Gloria ejus tanquam
flos fœni , exaruit fœnum , & flos ejus
decidit.

Qui tantum expectasse putas jocularia florum
Jurgia , plus aliquid , quod tuearis , (habes .
Aspicias humanæ simulachra fugacia vitæ ,
Exprimit illa tuos , quisquis est umbra dies .

Quos modo vidisti committere prælia flores ,
Ævi te poterant admonuisse tui .

Flos , & homo sibi sunt similes , succrescit uterq ;
Unius spoliū veris uterque viret .

Ut flores stimulat amor sceptrique cupido ,
 Sic homines vani ludit honoris amor.
 Morte fumus, vitæque pares : & mundus & hortus,
 Nascuntur , simili depereuntque modo.
 Expirat crocei formosa superbia prati
 Et siccâ sænum sectile languet humo :
 Usque adeo brevis est morituris floribus ætas ;
 Turbo rapit ; grando verberat : urit hyems.
 Nos quoq; rugosæ carpunt mala damna senectæ ;
 Æthereum nobis dent licet astra genus :
 Hoc unum discrimen inest ; nam sæpe senescit
 Flosculus , & ruptâ sæpe resurgit humo.
 Nos ubi tristis hyems lethali afflaverit aurâ ,
 Nulla reversuri tempora veris erunt.



FORMICA

PROVIDA.

LUDUS ALLEGORICUS.

ELEGIA SECUNDA.

NEc tu indicta meis, Formica, silebere plectris
 Tu quoque tu lusus inter habenda meos. ;
 Ut rostrata solet , mirantibus æquoris undis ,
 Per dominas victrix tendere navis aquas :
 Dum cava subductum retinent navalia lintrem ,
 Proximaque extremam cymbula radit humum :
 Sic mihi , quem gracili donavit arundine Phœbus,
 Non licet inflatâ grandè sonare tubâ.
 Ergo alii Herôum celebrent, Regûmque triumphos,
 Et grave Mæonio syrmate Martis opus.
 Est quibus ingenium, quibus altè in carmina vires,
 Et quibus aligeri largus it humor equi.

110 LUSUS ALLEGORICI

Illæ meæ , fateor , vincunt modulamen avenæ ;

Tu formica , meis viribus apta venis.

Te superat levitare lepus , philomela canore ;

Lynx oculis , taurus robore , mole leo.

Tu tamen has , quas terra parit quas educat aër ;

Sedulitate præis , ingenioque feras.

Nec rata sit , quam posco fidem , nisi vera loquendo ,

Grande meis pondus vocibus esse probem.

Dum validi , in numerum , pubes operosa , coloni

Alternis feriunt grana solumque flagris.

Dum crepitant farra , & crebro sonat area pulsu ,

Dum teritur curva falce resecta Ceres.

Thestylis & paleas vanno sejungit inanes ,

Et medio fruges ventilat usta die.

Tum gelidæ formica timens jeiunia brumæ ,

Nulla per æstatis tempora cessat iners.

Usque catenatis operando laboribus instat.

Nec vacuum noctem , nec finit ire diem.

Castigat gens nigra moras ; certosque penates ,

In quos ferre queat furta dapesque , parat ,

Dumque suum molitur opus , nec vomere duro ;

Nec duro bifidi dente ligonis eget.

Sed fabro cavat ore lares , penitusque sodinis

Egerit ignavam , quæ jacet intus , humum.

Idem omnes simul ardor habet , nec nulla laborat ,

Ut paret exiguum parca colona domum.

Ac veluti jactis dum molibus argua surgunt

Mœnia , finitimis invidiosa locis :

Instant ardentes operæ , pars ducere muros ,

Altera pars validâ volvere saxa manu.

Substratis ponunt alii fundamina saxi ,

Sortitòque suum quilibet urget opus.

Haud aliter formica suas agit impigra partes ;

Nox ipsa urgetur nocte , dieque dies.

Nam dum Luna suum spectabili exhibet orbem ,

Nox etiam in partem muneris ipsa venit.

Pars fodiunt : pars tecta locant : pars fossilis agri

LIBER III.

111

Unguiculo hærentes vellit & ore fibras.
cinditur in ternas partita cavernula sedes ,
Et ternis apta est usibus una specus.
upremæ pars alta domus , quó rapta feratur
Præda , recondendis cernitur apta cibis.
Visitur in medio minimæ cœnatio gentis ,
Hic ubi turba suas carpit alumna dapes.
Triste sepulchretum datur imo cernere fundo ;
Quo defuncta suæ corpora plebis hument.
At postquam vario digesta est ordine sedes ,
Et cultu instructa est interiore domus :
Dispositis externa parant munimina vallis ,
Ut sit ab insidiis tutus , & hoste locus.
Ne carus irrepat tenues furunculus ædes ,
Cingit inaccessam cespitis agger humum.
Utque urbem nullis assultibus imperat hostis ;
Aggestâ circum mœnia mole tument.
Si tamen aggeribus munitam irruperit arcem ,
Non interceptus Marte , sed arte cadit ,
Indeprensus inest , & inobservabilis error ,
Quale tuum perhibent , Cræta fuisse nemus.
Hic hæret variâque loci regione retentus
Fur per inexplicitas itque reditque vias.
Errabunda iterum donec vestigia retro
Quâ prius irrupit tristega parte , legat.
Hæc domus , hic positus habitat formica latebris ;
Hæc regit exiguum parva caverna gregem.
At modo sit quantæ formica renellula mentis ,
Mens quoque sit quantæ dexteritatis , habe.
Sicca Cleonæis dum rura vaporibus ardent ,
Et riget assiduis solibus usta seges.
Myrmidonum studiosa cohors hypogæa relinquit ;
Quæsitura suam plena per arva penum.
At veluti , dum campo agmen procedit aperto ,
Primitium sequitur cætera turba ducem :
Non aliter formâ reliquis , & corpore major
Formica , exiguos Dux præit una greges.

Itur in auricomam, prædæ loca commoda, messera
 Jugeraque hospitibus proximiora cavis.
 Molle flagellatis ubi fluctuat æquor aristis,
 Et seges in certo stringitur acta Noto,
 Quo postquam ventum est, fervet numerosa juven-
 Et sibi partitum dividit agmen opus. [tus;
 Quæ reliquas inter præstat virtute sorores,
 Quæque pedum cursu mobiliore valet;
 Sectile conscendit gravidæ leve culmen aristæ,
 Triticeasque suo demetit ore dapes.
 Quæque minor turbella legat demittit in imam
 Cædua divisi fragmina farris humum.
 Parva laboriferis fervet respublica curis;
 Quælibet has partes, quæ sibi dantur, amat.
 Pars humeris propellit agens, vel in horrea mordax
 Oris nativâ forcipe grana Vehit
 Hæc recipit venientis onus, tectoque reponit,
 Hæc redit, hæc parvum limen onusta subit.
 Hæc rostro, pedibusque rotat cereale legumen,
 Illa suo gravius corpore pondus agit?
 Si qua videt pressam sub iniquo fasce sodalem,
 Juncta suæ properat ferre sodalis onus.
 In geminas partes moles onerosa secatur,
 Unaque quod nequit ferre, tulere duæ.
 Nulla dies, nox nulla vacat, seu Cynthius astat,
 Cynthiave in longas officiosa vias. [numquam
 Dumque nigella cohors it, abique reciproqua
 Impedit egrediens, ingredientis iter.
 Utque vetet parvæ solers industria gentis,
 Ne pereant turpi mucida farra litu:
 Pars pluviiis excludit iter, pars aggere structo,
 Furtivæ prohibet ne fluat imber aquæ.
 Sole novum radiis retegente micantibus orbem,
 Pura repurgato dum nitet axedies;
 E foveis pars haurit aquam, pars vectat in auras
 Pabula quæ penitis immauere cavis.
 Sicca serenatæ flammis melioribus æthræ

Fert alimenta suæ rursus in antra domûs.
 Pars memores venturæ hyemis, ne rursus in herbam
 Humida succrescant germina, dente premit.
 Pars alit invalidas, & inertibus assidet ægris,
 Pars tumulat celebri corpora functa rogo.
 Exilem cum tanta animet solertia turbam,
 Ut miranda oculis visa sit illa meis:
 Non ego nobilium spectacula miror equorum:
 Non hæc, quæ dorso pondera: Barre geris,
 Non ego prægrandes; portenta natantia, cetos,
 Quæque fatigatas, bellua, plaudit aquas,
 Hæc alii stupeant, ego te, formica, fabrumque
 Miror in exigua plus ego mole Deum.

EPITAPHIUM FORMICÆ.

Frugiferos formica trahens frumenta per agros
 Pressa sub injusto fasce misella cadit.
 Hanc postquam reliquæ comploravêre sorores:
 Reliquias tumulo composuere suo.
 Vidit, & arreptâ miseratus arundine vates
 Scripsit in arboreo carmina pauca libro.
 Hic jacet illiccâ tenuis formica sub umbrâ,
 Cui sua maturat fata laboris amor.
 Ferret ut in fausti pretium non vile laboris,
 Debita nobilior vitæque morsque fuit.
 Vivere Myrmidonas formicula debuit inter,
 Myrmidonas inter debuit illa mori.

APODOSIS ALLEGORIÆ.


Ex illo Proverb. cap. 6. Piger vade ad
 formicam & considera vias ejus, &c.

ERudit incautam formica magistra juventam;
 Ne sinat ignavos currere lenta dies.
 Sollicito populosa vacat turbella labori,

114 LUSUS ALLEGORICI

Providaque annonæ consulit ante suæ.
 Interea raucis resonant arbuſta cicadis,
 Et ſtrepit aſſiduus ſtridula ſylva ſonis.
 Aſt ubi nimboſæ furit inclementia brumæ;
 Arvaque ſunt tacitæ vellere teſta nivis.
 Perfruitur dapibus prudens formica repoſtis,
 Dum perit ignava muta cicada fame.
 Hinc, precor, incautos monitis ſapientibus annos
 Inſtrue, conſiliis uſa juventa meis.
 Ecquis enim prohibet rebus miſcerè jocofis
 Seria, ſint animi quæ documenta tui?
 Canities dum triſtis abeſt, ſteriliſque ſenectus,
 Nulla tibi currat non operoſa dies.
 Jam vultum innumeris rugoſus arabere fulc'is,
 Factus olor ſubito, qui modo corvus eras.
 Nuper ego vidi juvenem, qui, præpete curſu,
 Præcipites flebat præteriſſe dies.
 Sed fruſtra, neq; enim lachrimis revocabile tempus;
 Quod ſemel elapſæ labitur inſtar aquæ.
 Ergo age, chare Puer, longis modo conſerer ulcis,
 Quæ valeant plenâ poſtmodo falce meti.
 Divitias locuplete ſenex ſibi ſervat in arcâ,
 Quas juvenis largâ ſpargit ubique manu.
 Mutet uterq; vices poſthac ſeniorque, puerque;
 Divitias, ſenior, divide, conde, puer.
 Nam niſi condideris, reliquum quod proſit in ævum
 Curvus egeſtatis mole premere ſenex.





A P I C U L A

I N F L O R E M M E L I P H Y L U M

V E R S A.

LUDUS ALLEGORICUS.

ELEGIA. TERTIA.

STRIDULA dum tremulis apīs emicat undique pennis,
 Purpureasque rapit, quas parit hortus, opes.
 Et modò transilit huc, modò transilit ocyor illuc:
 Nec remanet certo mobilis hospes agro.
 Fortè colorato Chloris spatatur in horto,
 Dædaleâ texens florida ferta manu.
 Circumstant sociæ, sylvestria numina, Nymphæ;
 Et capiti nectunt stemmata quæque suo.
 Dumque rubrum niveo Dea carperet ungue rose-
 Fortè laceffitam nescia pressit apem. [tum
 Læsa volans, querulum roncho testata dolorem,
 Stringit in incautam protinus arma Deam.
 Heu quid agis? magno ista tibi violentia stabit;
 Quam terebres, nescis, parva melissa, cutem.
 Sed jam vulnus apīs, spreto monitore, reliquit,
 Incautam punctu cuspidis ulta Deam.
 Ut tactam tenui se Chloris acumine sensit,
 Ut vidit roseas intumuisse manus.
 Protinus ingemuit (neque enim cælestia tingi
 Turpiter indignis fletibus ora decet.)
 Ingemuit, comitesque simul gemuere puellæ,
 Et medicæ properant ferre levamen opis.
 At postquam se, quantus erat, dolor ille remisit;
 Non tamen offensæ concidit ira Deæ.

L

116 LUSUS ALLEGORICI.

Vertitur ad socias, & humi vestigia pressans;

His commota minax asperat ora sonis.

Siccine turba meos compensat Hymettia flores?

Munus enim, quod mel conficit illa, meum est.

Conjuge ego Zephyro, Zephyrus me conjuge gaudet,

Purpureique fumus Veris uterque parens.

Et quascunque suos vertunt solerter in usus,

Has apibus noster sufficit hortus opes.

Me tamen una suis hostiliter impetit armis,

Ledere munificam mordicus ausa manum.

Ausa est tale nihil, fucos dum sævit in hostes,

Et gravius sentit vulnus amica manus.

Hæne mihi grates, hunc fertilitatis honorem,

Hosne mihi fructus officiosa refert?

Non impune feret tantos male & rata furores,

Sævitiæ pœnas mox luitura suæ.

Hæreat hic, veteremque novâ mutata figuram,

Spicula, quæ possit figere nulla gerat,

Inque meliphylli germen modo transeat ales,

Quæ fingendi opifex ædula mellis erat.

Et ne quando mei pereant monumenta doloris,

Nomen adhuc teneat versa melissa suum.

Finierat nec cassâ minas jactavit inanes,

Sed sequitur vocis pondera pœna comes.

Cernitur in teretem volucris gracilescere culcrum,

Cernitur in viridem flavus abire color.

Pro pedibus se sensit apis radice teneri,

Nec jaculum, quo se jam tueatur, habet.

Iret in ærias, velut ante, volatilis auras:

Sed folium facta est, quæ prius ala fuit.

Mussabar dolitura suæ dispendia formæ,

At siluit medio muta repente sono.

Servat adhuc veteris simulachra impressa figuræ

Flosculus, & prima est penè superstes apis.


Rursum eat, & virides jam nunc quoque ventilet

Impediant dominæ ni rata jussâ Dææ. (alas

APODOSIS ALLEGORIÆ

Ex illo Proverb. 14. Risus dolore miscebitur; & extrema gaudii luctus occupat.

Perios documenta inter dare seria lusus,
 Ut rudibus pueris proffit, Apollo docet.
 Flora coronandis legeret dum ferta capillis,
 Indoluit molles duriter icta manus.
 Nam libans crocei succos apes Attica floris,
 Ausa est nativâ pungere numen acu.
 Ne qua putes hic esse suo sine gaudia felle,
 Armat in offensas spina, tegitque rosas.
 Vipera sub niveis latet atra subinde ligustris:
 Læsâque si florem dextera carpat, erit.
 Sic periiit tacito Regina admorsa colubro,
 Clara per Ausonias pompa futura vias.
 Ergo gravem tu quisquis amas fugisse dolorem,
 Gaudia & alterno mista dolore fuge.
 In numerum sibi succedunt dolor atque voluptas,
 Sed solitus longe longior esse dolor.
 Longum spina riget, fugitivaque gaudia currunt,
 Nimirum flores gaudia, spina dolor.



PULICIS FUNUS.

LUDUS ALLEGORICUS

ELEGIA QUARTA.

Siste gradum, qui præter abis hæc busta, Viator,
 Et lege quæ vatis metra jocantis habes.
 Hæc tegit exanimis brevis urnula pulicis artus,
 Parva quidem, Domino, sed tamen aptâ suo.

118 LUSUS ALLEGORICI.

Corporis exuviz loculo tumulantur in isto ,
 Nam levis Elyfias incolit umbra domos.
 Doribus ingenii nusquam præstantior alter
 Ad Stygias pulex iverat ullus aquas.
 Nullus erat , qui se erigeret levioze petauzo ,
 Nullus , qui saltu mobiliore foret.
 Non ita , Mzonio multum celebratus Homero ,
 Eacides agili corpuir arva fugâ.
 Non ita dum fatuæ præbet spectacula turbæ ,
 Schænobates tenso membra rudente vibrat.
 Parca Gigantæos Natura negaverat artus ,
 At quantum in nano corpore mentis erat!
 Quid tamen ille lepos, quid inutile mentis acumen
 Profuit , aut vegetæ mobilitatis amor ?
 Non minus infernis bellatulus occubat umbris ,
 Transmissâ , tenui lindre , Charontis aquâ.
 Si breve contracti tempus numeraveris ævi ,
 Ante suum , dices , oppetiisse diem.
 Bis novus exoritur , bis mergitur æquore Titan :
 Hæc fuit exigua viâ peracta feræ.
 Summis stare diu fati vetat invidus ordo ;
 Et Lachesis , quæ sunt optima , prima rapit.
 Sic superest victura novem cornicula sæclis ;
 Exiguas numerat vix philomela moras ,
 Exuit annosam coluber cum pelle senectam.
 Dura breves homini fata dedere dies.
 Imbellem minuit Tithonum longa senectus ,
 Abstulit Emonium mors violenta Ducem.
 Vidit iners Drances animosi funera Turni ,
 Occidit ignayum Troilus ante parin.
 Urticis longa est , & aduncis sentibus ætas ;
 At rosa vix nata est , cum rosa nata perit.
 En modo , reptilium bellissima portio , pulex
 Præfestinata clade miscellus obit.
 Nil, vel in exiguas cautum est animantibus horas,
 Quas rapit in mediis mors inopina jocis.
 Dum pedibus plaudit choreas , & in æra pulex .

Tripudiante suum poplite corpus agit :
 Heu super imposito contusus atrociter ungui ,
 Sensit inhumanas in sua fata manus.
 Dextera crudelis ! quid in uno pulice sævis ?
 An domat Hercules talia monstra labor ?
 Si belli te tanta tenet , cadisque cupido ,
 Materies titulis altera danda tuis.
 Scilicet eximios referes hoc hoste triumphos ,
 Et clarus domito Pulice victor eris.

PULICIS EXEQUIÆ.

Finiit angustum Pulex ubi bellulus ævum ,
 Pars reliquas inter non inhonora feras :
 Adfuit omne genus pecudum , genus omne ferarum
 Quodcunque in pumilo corpore repit humi.
 Festinavit apis , festinavere locustæ
 Exequias socio concelebrare suo.
 Cantharis attelabus , mordella , pyralis , asilus ,
 Bruchus , & in mediis nata pyrausta focis.
 Funeris exequiæ certam indicuntur in horam ,
 Finitimasque ciet garrula fama tribus.
 Undique conveniunt , vel quos vicinia junxit ,
 Vel quos antiquo fœdere junxit amor.
 Huc fratres venere , piæ venere sorores ,
 Nubilis huc venit filia , venit avus.
 Huc neptes venere , pii venere nepotes ,
 Et consanguineo turba propinqua gradu ,
 Mærorem locus omnis habet ; gemit angulus omnis ,
 Omnia sollicito plena dolore sonant.
 Si liceat minimis componere maxima rebus ,
 Hi gemitus , Hector dum traheretur , erant.
 Sic flebas , Cassandra soror , sic Troile frater ,
 Sic flebas , socio Polydamante parens.
 Mox ubi jam lacrymæ , jam cessavere querelæ ,
 Dictaque ducendi funeris hora fuit.
 Formicæ modico quatuor subiêre feretro ,

120 LUSUS ALLEGORICI.

Sandapilamque humeris subſtinuere ſuis.
 Jure quidem, nam Myrmidonas regit ater amiſtus,
 Nimirum inferiis convenit ille color.
 Atque ut ponderibus nata eſt formica ferendis,
 Subdita luſtificum ſponte vehebat onus.
 Longulus atrati ſpatiatuſ funeris ordo,
 Itque ſuo juffus quilibet ire loco.
 Proxima ſublimem ſequitur cognatio cippum:
 Pulla habitu, gradiens ordine, lenta gradu.
 Mœſta ſepulchrales apis edere juffa ſuſurros,
 Bombilat in totâ præfica facta viâ.
 Proſequitur comes exequias, ne ſcilicet abſens
 Deſoret officio ſtridula muſca ſuo.
 Lampyris accenſo funalia prætulit igni;
 Et ſtrepuit raucis juncta cicada ſonis.
 Fuderunt querulos gryllorum examina leſſus:
 Et culices propriis inſonuere tubis.
 Invitatus opus ceſſavit texere bombix,
 Et fuit exigui pars quoque magna chori.
 Huic inter me veſpa fuit, nec fucus honori.
 Altera quod turpis, quod foret alter iners.
 Muſculus eſt pavidis non auſus abire latebris,
 Dum ſibi mordaci felis ab ore timer.
 Limosâ ne rana loquax reptaret ab ulvâ,
 Impediit nimia garrulitatis amor.
 Nam poſtquam tacitæ filuere per arva volucres;
 Illa paludoſâ merſa coaxat aquâ.
 Procedit dum pompa frequens, miſerabile carmen
 Unanimes, ſociis concinuere choris.
 Occidit indigno quadrupes tenuiſſima letho,
 Exiguas inter gloria rara ſeras.
 Aſt ubi ad eſſoſæ loculum venere lacunæ,
 Conditur in tumulo corpus inane ſuo.
 Fertur apis tremulo dixiſſe loquacula bombo;
 Huic ſis terra levis, nam fuit ille tibi.
 Quamlibet exiliſ breve velet arenula corpus:
 Non ipſo levior pulice ceſpes erit.

Protinus exequiis solito de more peractis ,
 Aggestâ rediit turba sodalis humo.
 Sed minimæ pecudis casum miseratus Apollo ,
 Flevit inauratâ tristia fata lyrâ.
 Felix infletâ qui non inglorius urnâ ,
 Qui non sub muto marmore clausus erit.
 Nam scriptis super ossa silex stat læsa figuris ,
 Et recitat lethi parva tabella modum.

PULICIS EPITAPHIUM.

Hic situs est pulex , reptantis gloria turbæ ,
 Pulice qui fuerat pumilione fatus.
 Hunc neque marmoreo surrecta cacumine moles ,
 Hunc neq; multo asper lemmate cippus habet.
 Sed quanquam tenui jaceat sepelibilis urnâ ,
 Non ideo vel te judice vilis erit. [abundans,
 Si spectes , quam molis egens , quam mentis
 Et quo pertulerit funera dura modo.
 Nam neque vel gemitu , queruli vel voce susurri ,
 In longas voluit ducere fata moras.
 Ille sed immotis vultuque animoque cruentum
 Sustinuit duro vulnus ab hoste pari.
 I nunc , & magni fatum mirare Catonis ,
 Dum pulex confors nominis hujus eat.
 Clarus uterque fuit moriens , nam pectore forti ,
 Intulit ille sibi vulnus , at iste tulit.
 Lector abi , cursûsque tuos jam perface , postquam
 Legeris inscriptas , quas gerit urna , notas ,
 Et dic , cum cinerem prætergrediare sepultum ,
 Sculptilis exiguo quem tegit orbe lapis :
 Fortunata lapis , gemmâ pretiosior omni ,
 Tu mihi tu posthac jure lapillus eris.

LUSUS ALLEGORICÆ APODOSIS ALLEGORIÆ.

Ex illo Ecclesiast. cap. 10. Vidi cuncta quæ
sub sole fiunt, & ecce universa vanitas,
& afflictio spiritus.

HÆc ego quæ patulâ ludebam entus in umbra;
Quâ Rhodanus properis currit in æquor
aquis.

Fastidis, caperansque gravem per tædia frontem
Moroso censor tetricus ore legis.

Et quid, ais, levibus dudum teris otia nugis?

Quid juvat in sterili ponere semen humo?

Surge age sublimis, nec inertes confere sulcos,
Proveniet jacto semine nulla seges.

Non ego diffiteor, quid enim manifesta negarem?
Crede mihi nugas non tamen unus ago.

Nugæ, Chrysolithus, berillus, jaspis, achates,

Nugæ, adamas, nugæ, bacca, pyropus, onyx,

Nugæ partus honos factis, sunt stemmata nugæ,

Nugæ, Mygdonio marmore fulta domus.

Nugæ, mille togæ species, & mille colores:

Nugæ, Sidonio vellera tincta cado.

Terrarum æquatâ perpende negotia lance,

Invenies, nugas præter, id esse nihil.

Nuper ego cupido lustrabam compita visu,

Ausus & arcanos mente subire lãres.

Et vidi quæcunque domi, bellique geruntur,

Sed, qui nil ageret futile, nullus erat.

Tu tamen hoc carmen cave prorsus inutile credas,

Forfan in hoc aliquid, quod juvet esse potest,

Continuò requies intermiscenda labori;

Alternas peragunt noxque, diesque vices.

Pierides choreas, manibus per mutua nexis,

Depositâ gaudent ducere sæpe lyrâ.

Ludicra sunt rebus quondam jungenda severis;

Nec nunquam pharetram ponit Apollo suam.
 Dic age querebam, quæ causa terenderit arcus?
 Cur geris in vacuâ spicula nulla manu.
 Tendere si nunquam cesses, referebat Apollo,
 Mollior adductis cornibus arcus erit.
 Tu, cui visa mei levitas culpanda libelli,
 Quique putas animi carmen inertis opus:
 Parce hilares lusus, vacuæ joca carpere Musæ
 Parce, nec ad sensus exige cuncta tuos.
 Nam licet hæc verso juvenilia pollice damnes,
 Lunibus his, alius qui capiatur, erit.



L E O.

S E R V A T O R I S

SUI SERVATOR.

LUDUS ALLEGORICUS

ELEGIA QUINTA.

ERRABAT, vastoque ferox horrore ruebat
 Saxa lacertosus per nemorosa Leo:
 Dumque ruit, validam configit arundine plantam,
 Et sola vulnifico persecrat ima rubo;
 Nullum ægri medicamen erat, via nulla salutis,
 Nam medicus tantæ quis ferat esse feræ.
 Quod gemitu petit auxilium, rugitibus arcet,
 Et torvus revocat, quam vocat æger opem.
 Fortè cavum subiit Domini fugitivus in antrum,
 Androdis, si vis discere, nomen erat.
 Dum latet, & pœnas, quas fugerat, horret heriles,
 Certus inhumanæ vivere more feræ:

124 LUSUS ALLEGORICI.

Ecce ululans, & acerba dolens se triplice plantâ
 Hospita magnanimus trudit in antra leo.
 Vix trahit immensum saxeta par aspera corpus,
 Et gemit, & gemitus signa dolentis erant.
 Impexis fera colla jubis exasperat horror,
 Et geminum gemino lumen in orbe rubet.
 Horruit attonitus venientem verna leonem,
 Alcidae potuit quo novus esse labor.
 Et pavidus: Quas me in clades Fortuna, reservas,
 Nos alia ex aliis fata subinde premunt.
 Non fat erat scuticas, non fat tolerasse catastas,
 Stigmataque à Domino duriter ulla meo:
 Ni satiem vasti spatiosos oris hiatus,
 Esca cavernosâ comminuenda gulâ.
 Hæc secum; meliora Deus: rebusque cavendis
 Vix erit à serâ posteritate fides.
 Nam facilis sua colla leo acclinata reflectit,
 Et medicam læso flagitat ungue manum.
 Attollensque pedem tremulum, vestigiaque ægra,
 Voce saluriferam quâ valet, orat opem.
 Ferret ad affectum medicamina prompta leonem,
 Sed timet infidæ servus ab ore feræ.
 Hæret inops animi mentemque per omnia versat,
 Suadet amor propius ire, redire timor.
 Victus amore timor, Davusque audentior ultro
 Aggreditur posito cominus ire metu.
 Accedit nutuque feram, verbisque salutat,
 Et palpat facili colla jubata manu.
 Penè loquax hiat ore leo redditque salutem,
 Reddere si potuit, quâ tamen ipse caret.
 Vulnificâque dolens violatam cuspide plantam
 Porgit. & inflatam tabe tumente cutem.
 Et miserabiliter rugitu interprete sensum
 Explicat & caudâ supplice poscit opem.
 Dextra hebetes tractans innoxia molliter unguës,
 Sensit inhaerentem sub pedis ossa rubum.
 Nec mora, sollicitat, digito luctatus, acumen:

Vellere, si quâ vi possit & arte trahi.
Nec labor in cassum cecidit, sequiturq; trahentem.
Sponte suâ facilis spina, volensque manum.
Exprimit Androdus saniem, quæ, lurida tabo,
Fluxit in immundam, causa doloris, humum.
Obligat & lacero (nam fortè gerebat) amictu
Quæ prius affusâ vulnera fovit aquâ.
Protinus amissæ rediêre in pristina vires,
Atque omnis posuit, qui fuit ante, dolor.
Mox grates muto eloquio, gestuque loquaci,
Quas referat factis, murmure vocis agit.
Ille prius Libycæ Rex formidandus arenæ,
Sponte suâ præda est, qui modo prædo fuit.
Spondet enim nutu capitis, caudâque fideli
Pro Domino famulum se fore Rege canem.
Et spreto imperio, & spretis sylvestribus aulis,
Derulit obsequium, tempus in omne, suum.
Admittit famulum Androdus pro Rege leonem,
Inque vicem fidum spondet amicus herum.
Utque novi pactum fœdus firmetur amoris;
Porrigit hic dextram; porrigit ille pedem.
Sic jurata fides, nodoque adstricta tenaci;
Jam rata servitii dat leo signa sui.
Venatur medicique sui sit, & hospitis altor;
Et Lybico assandas sole dat esse dapes.
Nam capreas damasque leves, cervosque fugaces
Fert Domino famulus, justa tributa, suo.
Acceptamque semel tantum, trieteride totâ,
Bellua non uno pignore pensat opem.
Nec stetit hic tam fidus amor, nam captus uterque
Non ita post, Romam ductus uterque fuit,
Inque fugæ prænam, Romanâ Androdus arenâ
Constitit immensæ cedat ut esca gulæ,
In cassumque ciens gemitus moriturus inanes,
Expectat rabidas in sua fata ferâs.
Ecce tibi è caveis in campum emissus apertis,
Efferus immani rugiit ore leo.

Intremuere cavæ, cuneo trepidante, cavernæ,
 Cumque tribus resonant tota theatra foris,
 Quid tibi nunc animi, quæ spes, Androde salutis,
 Dum ruit, & patulo se movet ore leo?
 Vita, vale, dixit, nostrique valete parentes,
 Tu quoque libertas, nomen inane, vale.
 At leo magnanimas regaliter excitat iras,
 Effusus rutilam colla per hirta jubam.
 Incedensque suæ stimulat se verberare caudæ
 Et patet, incessu principis, esse leo.
 Mòs ubi captivum juxta stetit ilicet omnes
 Ex inopinato detumuere minæ.
 Resistit attonito similis, mox supplice gestu,
 Munificos pronus volvitur ante pedes.
 Et nutu, caudâque jocans vestigia lambit,
 Et palpanda cavâ dat sua terga manu.
 Adstrictuque pedum & placidæ lenimine linguæ,
 Blanditur teneræ bellua more canis.
 Inque vicem agnovit veterem recreatus amicum,
 Sosпитis Androdus sospes amore feræ:
 Et pectit sine fraude jubam collumque remulcet,
 Nudamque insertat tutus in ora manum.
 O nemorum terror, non hæc sperare sinebant
 Et furor, & rigidâ colla comata jubâ.
 Naturam vicit pietas! ô amabile monstrum!
 O fera, quæ ravidæ nil feritatis habes!
 Interea cupidis dum se complexibus arctant,
 Dant & amicitiz signa, notasque suæ.
 Spectatrix stupuere cohors, festisque theatrum
 Vocibus, & plausâ personat omne manu.
 Ecquæ causâ tuæ, clamant, Androde, salutis?
 Cur leo depositâ fix cicur iste ferâ?
 Ille refert, primi memorem se præstat amoris,
 Quamque prius dederam, jam mihi reddit opem,
 Et seriem rerum memorat gratatur utrique,
 Vinculaque exultans circus utrique levat.
 Sed dum Roma jubet captivis vincla levari,

In nova servatos vincula mittit amor.
Namque leo mediam liber deductus in urbem,
Maluit Androdi dulcia vincla pati.
It socius, Dominumque sequax comitatur euntem,
Ut sequitur matrem bima puella suam.
Accelerant justique senes, cupidæque puellæ
Et pueri; & focii femina, virque choris.
Mirantur voluisse capi, longèque recedunt,
Aspectæ quories profiluere jubæ,
Ille dolens metui, tentat celare leonem,
Frustra nam viso noscitur ungue leo.
Ergo canis ritu vestigia lambit, & ipsum
A tergo insequitur quo prior ibat, herum,
Quaque triumphat amor, qua pompa incedit amo-
Sparsa corollarum floribus halat humus. (ris,
Vivite felices ambo, gens Martia clamat;
Munere tu felix illius, ille tuo.
Vivite felices par nobile, clamat amantum,
Vestraque dissociet fœdera nulla dies.
Vivite, septeni repetunt, ter vivite colles:
Tamque tenax omni tempore vivat amor.
Hos qui fortè aderat tanti mirator amoris,
Non potuit civis continuisse sonos.
O amor, ô cunctis facinus memorabile sæclis!
O fera Zodiaco digna, fruique polo!
Discite, mortales, quod adhuc nescitis, amare!
Nec pudeat fœvas consuluisse feras.
Id melius sylvæ quam plenæ civibus urbes,
Id metius, quam nos monstra vel ipsa docent.
Hunc ergo aspiciat, qui nescit amare, leonem,
Crimen, amore homines si leo vincat, erit.

LEONIS APOTHEOSIS.

Quid facit æthereos inter Leo torridus ignes!
Quid fera monstrifero præcipitanda polo?

108 LUSUS ALLEGORICÆ

Scilicet Herculeo pestis compressa lacerto ,
 Incolit æthereas ambitiosa plagas ,
 Ut formidatum miseris mortalibus astrum ,
 Veris odoriferas depopuletur opes ;
 Et totam exurat radiis feralibus Hyblam ,
 Æstiferâque nemus torreat omne jubâ.
 Quam melius partem hanc premeret radiantis
 olympi ,
 Qui memorem Androdi se probat esse , Leo :
 Quique vicem meritis , longoque rependit amori ,
 Et magno acceptam fœnore reddit opem.
 Fulserit antiquo postquam novus ignis in astro ,
 Pestifer afflabit corpora nulla vapor.
 Veris honos illæsus erit , nec gramina campos ,
 Nec sua siccatos deferet unda lacus.
 Cede loco , quem dedecoras , ignobile monstrum ,
 Debet in hoc melior flamma micare polo.
 Ignibus irarum vel adhuc ardescis , amoris
 Ardebit solis ignibus iste Leo.

APODOSIS ALLEGORIÆ

Ex illo Proverb. Cap. 17. qui reddit mala
 pro bonis non cedit malum
 à domo illius.

(echidnas;

QUæ jaculos , Lernæque malum , quæ nutrit
 Nil terra ingrato pectore pejus alit.
 At sincerum odiis quisquis compensat amorem ;
 Is miser exitiis omnibus unus erit.
 Improba progenies ! meritorum oblita propago !
 Nullum homines inter digna tenere locum.
 Si sapias , à memori discas redamare leone ,
 Nec rabidas animo vince feroce feras.
 Ille vicem reddit meritis ; pretiumque salutis ,
 Ipsa salus æquâ lance repensa fuit.
 Sic memor officii , longos reminiscere Soles ,

Nec cadat ex animo gratia fluxa tuo.
 Mîres esse feras homines docuere magistri ,
 At fera nunc homines esse magistra docet.

~~~~~

MUSCA  
 IN AUREO CALICE  
 TUMULATA  
 LUDUS ALLEGORICUS.

ELEGIA SEXTA.

**R**EGIUS appositas libare modestius esca  
 Visa verecundo quæ prius ore fui :  
 Quæque Ducum paterasque super , patinasque  
 morabar ,  
 Principibusque inter fercula missa gulis :  
 Et calcare thronorum apices & eburnea sceptrâ ,  
 Et diademâtas non semel ausa comas :  
 Fungor honorato fortunatissima fato ,  
 Vivere læta prius , nec modo mæsta mori  
 Non peperit mihi fata puer , qui sæpe dolosâ  
 Aucupii nostros decipit arte greges.  
 Non ego flumineam legerem dum proxima ripam ,  
 Lautâ voraturis piscibus esca feror ;  
 Nec vasra textilibus me cepit aranea filis ,  
 Pensilis admissum iussa piare scelus.  
 Non lentâ me tabe fames , nec passer adedit ,  
 Nec dedit infletum vilis arena rogam ,  
 Et viva , & moriens fatis melioribus utor.  
 Aurea dant tumulum pocula , vina necem.  
 Namque ego , purpurei pellecta rubore Lyxi ,  
 Accelero siccam depositura sitim.

130 .LUSUS ALLEGORICI.

Sed dum plus nimio liquidum sorbillo saporem ;  
 Mergor in aureolo naufraga facta scypho.  
 Atque ira quæ dapibus conviva fruebar opimis ,  
 Net mihi dum niveos candida Parca dies.  
 Nunc quoque , principio ne discrepet ultima finis ,  
 Funeribus morior nobilitata meis.  
 Felix naufragium ! tumulus post funera felix !  
 Felix , quæ moriens muscula sorte fruor.  
 Deplorare meos , cognata examina , casus  
 Parcite ; nam tanti sic periisse mihi est.  
 Ebria dum cecidi , nec mors mihi dulcior esse ,  
 Nec mihi , dum tumulor , ditior urna potest ,  
 Si necis electum facilis mihi Parca dedisset ,  
 Illo , dixissem funere malo mori.  
 Si vellent optare meum me fata sepulchrum ,  
 Auro vovissem divite functa regi.  
 Non poteram tumultanda frui , moriturave fungi  
 Vel meliore urnâ , vel meliore nece.

EPIGRAMMA.

**S**I memini ternas vates celebravit Iberus  
 Quas quondam implicuit succina gutta feras.  
 Vipera prima , locum tenuit formica secundum ;  
 Tertia se parili carmine jactat apis.  
 At tu Musca , fores talem si nacta poetam ,  
 Exigua qualem tres habuere feræ :  
 Non formica rapax , non picto vipera dorso  
 Clarior aut opifex nectaris esset apis.  
 Hunc inimica bonis tibi fors invidit honorem ,  
 Ne pariter felix hac quoque parte fores.  
 Ore quidem fateor , poteras graviore referri ,  
 Non poteras tumulo divitiore regi.  
 Succineâ quamquam fera terna superbiat urnâ ,  
 Vilior est auro succina gemma tuo.

APODOSIS.



## APODOSIS ALLEGORIÆ.

Ex illo Prov. c. 23. Ne intuearis Vinum  
quando flavescit , Cum splenduerit in  
vitro : Color ejus ingreditur blandè ,  
Et in novissimo mordebit , ut coluber.

**I**nconsulte puer-tectique ignare pericli ,  
Ah nimium nimio credere parce mero.  
Servanda est tibi , si sapias , mensura bibendi ,  
Nam male cum pueris convenit ille liquor.  
Flosculus opprimitur, dum plurimus ingruit imber:  
Mergitur immodico pondere pressa ratis.  
Non bene Palladio Bromius miscetur olivo ,  
Nec virides oleas proxima vitis amat.  
Nulla solet bifido frondere cacumine vitis ,  
Nec viret Aoniis montibus ille frutex.  
Nec tibi vina , Puer , sed tuta ministrat Apollo  
Pocula , Castaliâ quæ Prius hausit aquâ.  
Dum salit , & cyathis infusa capacibus ardet ,  
Blanditurque oculis purpura fluxa tuis :  
Temperet indomitum si sobria Thetis lacchum ,  
Naufragus è potu tuspè ferère Deo.  
Sic premit Ifacidam dum gens Mareotica gentem ,  
Hæsit Erythræi fluctibus hausta maris.  
Et modo dum plenum temeraria currit ad aurum ,  
Exhausto periit naufraga musca mero.  
Illa dolenda minus , nam corpore mergitur uno ,  
At tu nî caveas , mente sepultus eris.



\*\*\*

ARION  
 DELPHINO  
 VECTUS  
 LUDUS ALLEGORICUS.  
 ELEGIA SEPTIMA.

**I**MPLERAT Siculas jam nomen Arionis urbes;  
 Captaque erat Lyricis Ausonis ora modis:  
 Ille potens auro, citharâque superbus eburnâ  
 Ad patrios remeat, Lesbica tecta, lares.  
 Quasque sibi blandâ lyricen quæsierat arte,  
 Fulva pericla, gravi nave ferebat opes.  
 Eruta jam validis canebant marmora remis,  
 Impulerantquæ leves linea vela Noti.  
 Jam placido felix ibat procul æquore navis,  
 Ipse dabat facilem ventus, & unda viam.  
 Cum magis, ah! sævo nautarum perfida ponto  
 Astitit armatâ conscia turba manu.  
 Ore minax, strictoque ferox crudeliter ense,  
 Et jugulum, & partas tradere cogit opes.  
 Quid tibi cum ferro? facilem rege, navita, clavum,  
 Conveniens digitis est magis ille tuis.  
 Dii, quibus imperium maris est, quibus æquora cu-  
 Grataque pierii sunt quibus antra jugi. (ræ,  
 Hæc precor à sacris avertite monstra Camænis,  
 Nec pius exitium tam grave Mystra ferat.  
 Quid faciat Citharista miser? quibus æquora placer,  
 Et quibus imploret sydera surda sonis?  
 Ocyus exurgens, Mortem non deprecor, inquit,  
 Eas modò sit querulâ præcinuisse lyrâ.

Concedunt, ridentque moras; at rite sacerdos

Imposuit meritis Delphica farta comis.

Induit & Tyrio medicatum vellus ahenò,

Tendit & assumptæ tristia fila lyræ.

Extremosque ciens factus sibi prefica lessus,

Sollicitare suum pectine cœpit ebur.

Qualis ubi jam fata vocant, canit albus, & uno

Vitamque & vocem gutture fundit olor.

Flebiliter damnassee suam, sed seriùs artem

Dicitur, elicitis voce, manûque sonis.

Væ tibi, væ, dixit, levis aëris improba Sirem,

Musica plus Siculo perniciofa freto,

Illicitum pellax, agitati futile venti

Ludibrium, blandi lena magistra soni.

Callida prædatrix animi, funèsta voluptas;

Pompaque funereis addita jure sacris.

O utinam rudibus dum te tyrunculus annis

Excolo deliciis ars nocitura tuis.

O utinam, primo resonantis pectinis ictu,

Sponte suâ fractum defiluisset ebur,

Non patrios peterem longo post tempore fines,

Flebilis æquoreæ præda futurus aquæ.

At misero nec crimen obest, scelerisve nefandis

Conscia probrosis mens labefacta notis.

Plectra mihi, citharæque nocent, & perfidus auris

Fulgor, & illecebris aura corusca suis.

Incolumis, Polydore, fores, at avara cupido

Vertit inhumanas in tua fata manus.

Hesperii secura forent pomaria Regis:

Sed micat arboribus pendula gaza suis.

Quæ pariter mala-cunque fero, spes unica prædæ

Attulit, hæc damnis causa reperta meis

Flere liber, dum flere licet, damnabile plectrum

Causa sit, & fati blanda medela mei.

Assolet indomitum fletus lenire dolorem,

Quamque cadunt lacrymæ tam cadit ipse dolor.

Hora brevis superest, cum, me quæ lumina lugent,

## 134 LUSUS ALLEGORICI

Eternâ Stygiæ nocte premerentur aquæ.  
 Nec vehimur Lesbion ; si quo ratis ista moveretur ;  
 Ad tumulum pronâ me rapit illa viâ.  
 Non tu me aspicias , miseri , Methymna , Poetæ  
 Patria non oculis aspiciere meis  
 Spiritus ignotas peregrinus abibit in auras :  
 Nec , mea qui tumulus corpora condar , erit.  
 Equoreis dabor esca feris , quæ plurima pontus  
 Educat in vasto monstra pavenda sinu.  
 Ah male quæsitæ , damnorum femina , nummi !  
 Quanta per hos capiti sunt mala parta meo.  
 Insidias agnosco dolens , quas blanda tetendit  
 Musica , futilibus deliciosa sonis.  
 Musica crudelis ! crudelia plectra ! repertæ  
 Vos quoque crudeles in mea damna lyræ :  
 Ræta lacessenti trepidant quæ tinnula plectro  
 Fila , mihi laqueum composuere meum.  
 Hæc ait & viridi præcinctus tempora sermo ,  
 In medias Lyricen desilit actus aquas.  
 Vos , squammosa cohors , perituro parcite vati ;  
 Vestra hominum tangit Pectora si quis amor.  
 Sic erit , en cupidus opifer secat æquora pinnis  
 Piscis , Arionæ captus amore lyræ ,  
 Tergaque lætanti subjecit amica poetæ ,  
 Securumque volens bellua vectat onus.  
 Ille sedet novitatis amans , naulumque fidelis  
 Solvit , & Aoniam temperat arte chelyn.  
 Hæc novus arte regit docilem , his calcaribus urget ;  
 Et flectit quo vult cunque canorus eques.  
 Cernis ut illæsum tuto vehat æquore pondus ,  
 Redditus attonitæ navita piscis aquæ.  
 Ipse gubernator , clavus , ratis , anchora , remex ;  
 Carbafus , & Delphin omnia solus erat.  
 Exultansque ferus tanto sessore superbit ,  
 Dum per hialca vage Theryos arva ruit.  
 Nec prius ablitit gerulus , quam sospes Arion  
 Contigerit patriu Lesbica tacta soli.

At tibi, pro meritis, Delphin, pretioque vehendi,  
 Dii Regem æquoreæ dent, precor, esse plagæ.  
 Vel certè (plus terrâ aliquid, pontoque mereris)  
 Dent tibi signifero syderis esse loco.  
 Successum meruere preces, nam bajulus augeat  
 Æthereas Delphin jam nova stella faces.

## APODOSIS ALLEGORIÆ.

Ex illo Proverb. cap. 21. Anima impii desiderat malum, non miserebitur proximo suo.

**A**H crudele genus! nec fidum, navita, nomen;  
 Quos latrante parens. expuit unda sinu.  
 Ah pudeat, vos si qua movet virtutis honestas;  
 Si quis adhuc vestro restat in ore pudor.  
 Ah pudeat (quis enim vos ardor adurget habendi?)  
 Ingenium æquoreis mitius esse feris.  
 Mutavit Natura vices: tu Navita, sævis:  
 Hospita cæruleæ bellua parcat aquæ.  
 Scilicet est aliquid saxa inter, & esse procellas;  
 Cumque undis semper vivere, cumque Notis;  
 Turba lucrum, ventosque sequens, quas incolit hosp-  
 Rupibus his mores convenienter habet. [pes  
 Naufragium, infelix Vates, aliunde timebas,  
 Improvisa suo te ferit ense manus.  
 Quos citharâ, plectroque cies modulatus eburnâ;  
 Nauta tuos surdâ respuit aure sonos.  
 At nibilo ramen inde minus tua barbita plecte,  
 Nam modulis Delphin cedit, & unda tuis.



•••••

## DOMITIANUS

DE MUSCA

TRIUMPHANS.

LUDUS ALLEGORICUS

ELEGIA OCTAVA.

Q UID juvat aligeros incurrere, Cæsar, in hostes,  
Et muscas, prætium futile, velle sequi ?

Ô pudor ! ô nullo reparabile dedecus ævo !

Famaque Romanis inficianda tuis !

Si belli te tangit amor ; si quæris, opimus

Unde tibi magnâ laude triumphus eat :

Quem superes, tibi Roma dabit feliciter hostem ;

Hæc segetem titulis conferet ampla tuis.

Ille, nisi externas bellum promôssset in oras,

Terrarum domito non foret orbe caput.

Si tua septeni gessissent prælia Reges,

Esset stramineæ nil nisi Roma casæ.

An tantum fera bella probas ; dum musca feritur ?

Et satis, hoc parto nomine, laudis habes ?

Vilia si validis domuisset monstra lacertis,

Non foret Herculeæ gloria tanta manus.

Quis Danaas fregisset opes ; si Troicus Hector

In similes vellet stringere tela feras ;

At tu te retulisse putas memorabile nomen ;

Si levis infixâ cuspide musca cadat.

Indecoremque brevi venatus arundine prædam,

Victor ut in multâ cæde superbus ovas.

Nunc, magnifici pompam inolire triumphî ;

Ambiat & vinctas laurus honora comas.

Junge coronatos post tanta trophæa jugales :

Aureus adjunctos ipse movebis equos.

Ante eat, impositis, captarum more, catenis,

Muscula per sacram pompa futura, viam:

Quæque tuos currus comitantum turba sequetur,

Clamet, lò victa est muscula, rursus lò.

Claraque Romulidum titulos capitolia regum

Servent victuris tempus in omne notis.

Postque triumphatas primis à regibus urbes :

Lectaque magnanimâ diruta castra manu ;

Hoc tua, post reliquos facinus monumenta lo-  
quantur :

Hic est qui muscâ victor ab hoste redit.

Ilicet hæc magno digna est victoria plausu,

In quâ, quidquid habes nominis, unus habes ;

Subderet Augustus sibi dum munimina Cæsar,

Pars quota in Augusto Cæsare laudis erat.

At tua consortem tituli, sociumque repellit

Gloria, nec partem muneris alter habet,

Sed cur dissimulo, cur non, ambage remotâ,

Occurrunt oculis probra videnda tuis.

Succumbit vaga musca tuos experta furores,

Pigraque Romano cessat in hoste manus.

Sat nugis, ludoque datum : cape fortiter enses,

Et tua in armatos prælia verte viros,

Cum Latio totum imperio submiseris orbem ;

Quâ vastam latè circuit æquor humum ;

Ducere tranquillos discincta per otia Soles,

Et poteris miseras figere rursus apes.

At modo, quem superes, tibi dum superaveris  
hostis :

Illo materiem laudis ab hoste pete.

## APODOSIS ALLEGORIÆ.

Ex illo exodi c. 18. Non bonam rem facis:  
stulto labore Consumeris.

**I**nsequitur teneras , muscarum examina, prædas  
Cæsar , & aureolâ figere gaudet acu.  
Cominus insultat, magnumque rebellat in hostem,  
Nativamque inflat stridula turba tubam.  
Non clypeo , galeâve hostem , non ense retundit ,  
Ipse sibi clypeus , cassis , & ensis erat.  
Imparibus sed enim succumbere cogitur armis ,  
Et dare victrici colla domanda manu :  
At magna luit ille suos mercede furores ,  
Quamque necem muscis intulit , ille tulit.  
Occidit , & bibulo quem sorbuit ore cruorem,  
Hunc patulo crudi vulneris ore vomit.  
Quique trucem nuper muscis se præbuit hostem.  
Hostibus ille suis musca pusilla fuit.  
Hæc ubi legisti , pigra Cæsaris otia damnas ,  
Amisissique reum temporis acer agis.  
At tibi , dum nugis animum puerilibus imples ;  
Et data futilibus deperit hora jocos :  
Quid totos nisi musca , dies , captatur inanis :  
Et si quid muscâ vilius esse potest.  
Ignavum ergo soles qui dicere Cæsaris ævum ,  
Tu pariter , vel te iudice , deses eris.  
Nec caras tibi ludus iners furabitur horas ,  
Si quanti tempus vaneat , ipse putes.







## APICULÆ.

## A ROSA

## PICTA DELUSÆ.

## LUDUS ALLEGORICUS.

## ELEGIA NONA

**V**ER erat ; & flabris Zephiri tepefacta decoros  
 Induerat vario terra colore sinus :  
 Solque coronatos radio meliore capillos ,  
 Seque nemus variis comserat omne comis.  
 Gens opifex mellis , vitreique bibacula roris ,  
 Deferit ambrosios , Dædala tecta , favos.  
 Et facili , quò præda vocat , delapsa volatu ,  
 Flava colorati filia veris abit.  
 Qualis Amazonidum , positis post prælia peltis ,  
 Errat in herbofo libera turba solo :  
 Festivumque canens devicto ex hoste triumphum ,  
 Thermodoontiacæ margine ludit aquæ.  
 Non tamen unius facies est una cohortis ,  
 Nec labor est unus , sit licet unus amor.  
 Hippolytè teneris redimit sua tempora fertis ,  
 Nectit odoriferas Penthesileâ rosas.  
 Ambigst hæc , quibus abstineat , quæ germina carpat  
 Flos ambit dubiam dum sibi quisque manum.  
 Harpalice patulis collecta ligustra canistris  
 Injicit , & varias veris olentis opes.  
 Prætulit hæc calthis violas , hæc Lilia nardis ,  
 Hæc graditur , sedet hæc : hæc canit , illa tacet.  
 Talis erat species volitantis in arva popelli ,  
 Hæc populatrices turba figurat apes.

N

Fervet opus, variantque vices, sibi quæque laborem  
 Vendicat, & justæ munia partis obit.  
 Bafiat hæc violas, hæc cominus impetit hostem;  
 Ista sagacæ pedum falce ligustra merit.  
 Altera formandis operosa quiritibus instar,  
 Quos rosa, flos veneris, non Venus ipsa creat.  
 Stant aliæ rutili circum prætoria Regis,  
 Er cecidisse suo pro Duce dulce putant.  
 Res ita partitis dum publica fervet opellis,  
 Incidit in pictos virgo caterva dolos.  
 Namque colorato pulcher calathiscus in horto  
 Claudebat pictas pictus & ipse rosas.  
 Dat natis quodcumque decus Natura creatrix  
 Floribus, his opifex floribus omne dedit.  
 Tantis in arte decor, floris si jungis utrumque,  
 Distet ut à verâ vix rosa picta rosâ.  
 Victrici Natura parens penè invidet arti;  
 Hoc se dum victam germine fassa dolet.  
 Ut quondam vacuo turdos deceperat esu,  
 Quæ fuit è pueri pensilis uva manu:  
 Sic quoque vos ludet pellacis imago roseti,  
 (Præmoneo) teneræ, ni caveatis, apes.  
 Ite piæ volucres, aliò convertite cursus,  
 Non erit hæc vestris messibus apta seges,  
 Nil veri, nil veris habent mendacia florum,  
 Hos non mater humus gignit, at apta manus,  
 Irrevocata meis monitis it stridula pubes,  
 Quo vocat illicio florida præda suo.  
 Accele. at, certamque sibi confisa rapinam  
 Credit ab aspectâ posse referre rosâ.  
 Surgit adumbrato speratam in flore medullam,  
 Nulla in adumbrato flore medulla fuit.  
 Deludi vix posse putat se credula proles,  
 Floris in his tantum floribus instar erat:  
 Sed postquam exsuccum fuxit ter, & amplius hor-  
 Ingemuit, picto falsa fuisse dolo. (tum,  
 Musitat & quarulo visa est dixisse susurro,

Dum redit ad vacuos plena pudore lares :  
 Quæ simili nostros decepit imagine cætus ,  
 Quis florem Hyblææ non putet esse rosæ :  
 Sicaniis viruit vel flosculus ortus in hortis ;  
 Pictus Apelleâ vel fuit ille manu. —

## APODOSIS ALLEGORIÆ.

Ex illo sapient c. 2. Coronemus Nos rosas,  
 antequam Marcescant.

**Q**ui Paphio , Juvenis lascive vagaris in horto,  
 Das ubi luxuriæ mollia signa tuæ.  
 Cerne docendus apem ; si vis tibi , nescia labis ,  
 Vita verecundi plena pudoris eat.  
 Cerne , nec à legulo pigeat didicisse popello ,  
 Te quibus alliciant fascina vana dolis.  
 Te quoque , si nescis , florum fallacia ludit ,  
 Nec solas species veris inescat apes.  
 Et dicis dum fata sinunt , dum sustinet ætas ,  
 Dum patitur , quæ nec stamina nostra , soror.  
 Ante coronemus brevium nos flore rosarum ,  
 Quàm rigeat pulsâ spina relicta rosâ.  
 Rerum ignare puer , quid lubrica floris imago ?  
 Quid juvat armiferæ pompa caduca rosæ ?  
 Hæc potius tibi ferta velis , hos quærere flores ,  
 Quos parit Elysæ glebâ beata plagæ.  
 Hic vivax amaranthus olet , rosâ vernat inermis ,  
 Nec metuit nostras lutea caltha nives.  
 Hinc tibi , si sapias , æternam texe corollam ,  
 Hinc diadema tuis cinge perenne comis.





PHILOMELA  
IN CERTAMINE  
MORIENS.

LUDUS ALLEGORICUS

ELEGIA DECIMA.

**N**OBILIS arboreâ nuper Citharædus in umbrâ  
Fallebat placidis otia blanda modis :  
Doctaque mobilibus moderans modulamina plec-  
Ingeniosa suum dextra terebat ebur. ( tris  
Vix pepulit , tremulo salientis pollicis ictu ,  
Fila locuturæ concilianda lyræ.  
Vix benè , verticulis supremâ in parte rotatis ,  
Iudice discordes temperat aure fides :  
Audiit argutæ resonabilis hospita sylvæ ;  
Audiit Aonii Dux , Philomela , chori.  
Et prope succedens , nemorosus abdita ramis ,  
Auditos memori ruminat aure sonos.  
Inscius audiri fidicen sua barbita crispat  
Languidus ignavâ tinnula fila manu.  
Mimula respondet citharæ philomela ; modosque  
Quos digitis lyricen , gutture reddit avis.  
Non ita , quæ resonis habitat vocalis in antris ,  
Nympha reperiçssos reddit avara sonos ,  
Sensit ut audacis psalter imitamina linguæ ,  
Parvulaque auditam fingere rostra lyram :  
Protinus ambigui placet in certamen honoris ,  
Aligeræ vires sollicitare feræ.  
Ergo novi specimen præbens citharista duelli ,  
Auratam celeri percutit ungue chelyn.

Nec mora reddit avis primæ tentamina pugnae,  
Mille movens modulos unica, mille jocos.  
Ille suam per fila movet trepidantia dextram,  
Illa suo trepidum dividit ore sonum.  
Hic fidibus vocem, digito sociante, maritat;  
Hæc simulat sociæ filâ marita lyra.  
Ille melos replicat, digitisque micantibus urget,  
Filâque pernici tranhilit icta manu.  
Nunc contemnti similis vix barbita tangit,  
Sed quidquid cecinit dextera; lingua canit.  
Nam punctum, casum, raptimque reciprocatur ales;  
Et tremulo refluos turbinat ore sonos.  
Nunc fragiles variante secatur modulamine flexus,  
Nunc rotat incisus rostra minuta modis:  
Indignatus avem tentat majora lyristes,  
Naturâque adhibet quidquid, & arte valet.  
Nunc it, profilit, exilit, assilit, infilit, exit  
Sedulus instabiles mobilitare manus.  
Et breve nunc longo, grave nunc immiscet acuto;  
Summum, imum, medium nunc ciet ille sonum.  
Et variâ nunc dulcè sonat, nunc tristè susurrat,  
Ut tuba turbatos cogit ad arma viros.  
Hoc etiam philomela refert; modo dulcia pacis  
Carmina, terribiles mox imitata tubas.  
Nunc revolubilium torquet glomeramina vocum,  
Ingeminare suum psalteria docta melos.  
Nunc vocem infuscat, jaciens nunc fusile carmen,  
Productis longum tractibus arva replet.  
Hic lyricen vinci impatiens, & fervidus irâ,  
Non imitabilibus terminat orsa sonis.  
Vel non hoc referes, pennata Poëtria, carmen;  
Vel fractâ dixit, victus abibo lyrâ.  
Sic ait, & per fila volans simul hos, simul illos.  
Sollicitat digito mobiliore modos.  
Excurrunt, redeunt, sibi se fugientibus instant  
Præcipiti volucres sedulitate manus.  
Segniùs Amphion lusit, dum prompta juberet

## 144 LUSUS ALLEGORICI.

Ad numeros citharæ currere saxa suæ.  
 Et strepit, & tinnit, pipátque, lipítque, pipítque,  
 Alternátque omni tenfa sonore fides.  
 Vt lyricen totam insumsit, quam calluit, artem:  
 Ex inopinato denique claudit opus.  
 Auribus arrectis expectat, an æmulus ales  
 Rursus Apollineæ certet, ut ante, lyræ  
 At quia siccatis jam faucibus hæret aedon,  
 Desiit extremos lassa referre sonos.  
 Nàmque canaliculis discrimina tanta minutis  
 Reddere tot voces simplice voce nequit.  
 Non didicit solas agitare superbia mentes;  
 Et volucres ipfas tangit honoris amor.  
 Se vinci philomela dolet; pudistque videri;  
 Mutæque sub tacitis frondibus ora tegit.  
 Impar tristitiæ, modulis victoribus impar,  
 Deficit; &, cantu deficiente, cadit.  
 Sed cadit in citharam fato philomela decoro:  
 Hanc ego crediderim sic voluisse mori.

## PHILOMELÆ EPITAPHIUM.

**N**E careat merito Siren in honora sepulchro,  
 Hoc, Citharæde, sonet carmine scripta  
 Chelys.  
 Magnanimis philomela cadit conatibus impar,  
 Nacta opportuna subdita fila lyræ.  
 Hospita frondosæ moriens citharistria sylvæ:  
 Non poterat tumulo commodiore frui.

## APODOSIS ALLEGORIÆ.

Ex illo Ecclesiast. cap. 3. Altiora te Ne  
 quæsieris.

**V**icta jacet tristi exitio miseranda volucris  
 Imparibus bellum viribus ausa sequi.

Hec mihi ↓ quot similes ventq̄sa superbia casus

Invehit , & vanus laudis inanis amor.

Sic malè ceratis dum nititur Icarus alis ,

Famosæ pueri nomen adhæsit aquæ.

Et Phaëton patriis juveniliter usus habenis,

Pertulit irati flammea tela Iovis.

Victumque Æoliden litui certamine Triton

In mediis tristi funere merfit aquis.

Quisquis inæquali certamina Marte laceſſis,

Et majora tuis viribus orſa moves :

Pende prius , quod onus possis , quod ferre re-  
cuses ;

Ne malè sub nimio pondere pressus eas.

Nec tibi diverso monitor quærendus in orbe :

Quæ doceant , volucris fata jacentis habes.

Illa modo , eximie stimulata cupidine laudis ,

Visa fuit placidæ succubuisse neci ;


Téque suis monuisse malis , ne molis iniquæ

Imponas humeris pondera ferre tuis.

Infelix proprio quicumque docebere damno

Alterius luctu qui sapit , ille sapit.

F I N I S.



# INDEX.

## Lusus Allegorici.

|                                | pagina | r  |
|--------------------------------|--------|----|
| <b>A</b> D Illust. Monmorium , |        |    |
| Institutum operis ,            |        | 3  |
| Elegia prima , Liber I.        | P.     | 1  |
| Musca Epitaphium ,             |        | 6  |
| Apodosis Allegoria .           | ibid.  |    |
| Elegia Secunda ,               |        | 8  |
| Apodosis Allegoria ,           |        | 10 |
| Elegia tertia ,                |        | 11 |
| Apodosis Allegoria ,           |        | 14 |
| Elegia Quarta ,                |        | 15 |
| Apodosis Allegoria ,           |        | 22 |
| Elegia Quinta ,                |        | 23 |
| Passeris Epitaphium ,          |        | 27 |
| Apodosis Allegoria ,           | ibid.  |    |
| Elegia Sexta ,                 |        | 28 |
| Apodosis Allegoria ,           |        | 29 |
| Elegia Septima ,               |        | 30 |
| Apodosis Allegoria ,           |        | 33 |
| Elegia Octava ,                |        | 35 |
| Apodosis Allegoria ,           |        | 38 |
| Pueri Demersi ad Natatores ,   |        | 39 |
| Elegia Nona ,                  | ibid.  |    |
| Apodosis Allegoria ,           |        | 42 |
| Elegia Decima ,                |        | 43 |
| Aranea Metamorphosis           |        | 42 |
| Apodosis Allegoria ,           |        | 46 |




# TABULA


|                                 |             |       |
|---------------------------------|-------------|-------|
| <i>Elegia prima Lib. 2.</i>     | <i>pag.</i> | 47    |
| <i>Inscriptio Cavea,</i>        |             | 53    |
| <i>Elegia Secunda,</i>          |             | 54    |
| <i>Bombycis Epitaphium,</i>     |             | 58    |
| <i>Apodosis Allegoria,</i>      |             | ibid. |
| <i>Elegia tertia,</i>           |             | 59    |
| <i>Apodosis Allegoria,</i>      |             | 63    |
| <i>Elegia quarta.</i>           |             | 64    |
| <i>Pocia Epigramma affigit,</i> |             | 69    |
| <i>Apodosis Allegoria,</i>      |             | ibid. |
| <i>Elegia quinta,</i>           |             | 71    |
| <i>Apodosis Allegoria,</i>      |             | 75    |
| <i>Elegia Sexta,</i>            |             | 76    |
| <i>Apodosis Allegoria,</i>      |             | 79    |
| <i>Elegia Septima,</i>          |             | 80    |
| <i>Apodosis Allegoria,</i>      |             | 85    |
| <i>Elegia Octava,</i>           |             | 86    |
| <i>Apodosis Allegoria,</i>      |             | 89    |
| <i>Elegia Nona,</i>             |             | 90    |
| <i>Apodosis Allegoria,</i>      |             | 93    |
| <i>Elegia Decima,</i>           |             | 94    |
| <i>Apodosis Allegoria,</i>      |             | 96    |
| <i>Elegia prima, Lib. 3.</i>    | <i>pag.</i> | 97    |
| <i>Apodosis Allegoria,</i>      |             | 108   |
| <i>Elegia secunda,</i>          |             | 109   |
| <i>Epitaphium formica,</i>      |             | 113   |
| <i>Apodosis Allegoria,</i>      |             | ibid. |
| <i>Elegia tertia</i>            |             | 115   |
| <i>Apodosis Allegoria,</i>      |             | 117   |
| <i>Elegia quarta,</i>           |             | ibid. |
| <i>Pulicis Exequia,</i>         |             | 119   |
| <i>Pulicis Epitaphium,</i>      |             | 121   |
| <i>Apodosis Allegoria,</i>      |             | 122   |
| <i>Elegia quinta,</i>           |             | 123   |
| <i>Leonis Apotheosis,</i>       |             | 127   |
| <i>Apodosis Allegoria</i>       |             | 128   |

# T A B U L A

|                              |     |
|------------------------------|-----|
| <i>Elegia Sexta,</i>         | 129 |
| <i>Epigramma,</i>            | 130 |
| <i>Apodosis Allegoria,</i>   | 131 |
| <i>Elegia Septima,</i>       | 132 |
| <i>Apodosis Allegoria,</i>   | 135 |
| <i>Elegia Octava,</i>        | 136 |
| <i>Apodosis Allegoria,</i>   | 138 |
| <i>Elegia Nona,</i>          | 139 |
| <i>Apodosis Allegoria,</i>   | 141 |
| <i>Elegia Decima,</i>        | 142 |
| <i>Philomela Epitaphium,</i> | 144 |
| <i>Apodosis Allegoria,</i>   | 145 |

Finis Indicis.





GABRIELIS  
MADELENET  
CARMINA.  
*NOVA EDITIO AUCTION.*



*Apud eosdem Bibliopelas venales extant Libri  
è variis Poëtis Societatis Jesu.*

**R** . P. S A U T E L A N N U S S A C E R 12. 2. vol.

Ejusdem authoris Iusus Allegoricus 12. 1724.

R. P. R A P I N I opera 12. 3. vol. 1723.

R. P. C O S S A R T I 1. Carmina 12. 1723.

R. P. S I D R O N I I & V V a l l i i opera 12. 2. vol. 1723.

B E C A N I Idylliæ & Elegiæ 12. 1723.

R. P. C O M M I R I I Carmina 12. 2. vol.

R. P. R U Æ I opera 12. fig.

R. P. V A N I E R I I Carmina 12. 2. vol. fig.

R. P. D U C E R C E A U Carmina 12. 1724.

R. P. S A N A D O N I S Carmina 12.

Varia è variis Poëtis Carmina & Orationes , 12.

